

# *XIKWEMBU XA*

## *NGUVA LEYO BIHA*

 [Makwerhu Orman Neville a ku, “Xiviko lexi, endzhaku ka nhlengeletano wo hlanganelwa bodo ya madiyakomi na matrasti va tabernakele wa Ravuntlhanu na vusiku, hi le ku hlayersi ka swiboho leswi nga ta kongomana na wanuna un’wana na un’wana, na wansati un’wana na un’wana, loyi a nga mulandzeri loyi a pasisiweke wa ministri lowu, loyi a nga lavaku ku tiva miehleketo ya bodo, mufundhisi na mufundhisi wo pfuneta. Ndzi swi hlayile swiboho leswi mixo lowu. Un’wana na un’wana u nyikile vuxiyaxiya bya vukheta na ku rhiya ndleve eka swona hilaha mi koteke hakona.” Makwerhu Neville a hlaya swiboho leswi landzelaka—Muhleri.]

[“Swiboho leswi swi endliwile na ku pasisiwa hi bodo ya matrasti, na madiyakoni hi ntwanano lowu hetisekeke hi mufundhisi na mufundhisi wo pfuneta.]

[“Tithepi hinkwato ta minchumayelo ya Muf. William Branham ti ta endlowihi Fred Sothmann ntsena, ku kondza swi tivisiwa kuya emahlweni hi bodo. Eka nkarhi lowu a hi wu tekile enhlokweni ministri wun’wana wa mahala wa thepi. Tithepi leti ta xavisiwa, nakona ti ngaka ti nga endlowihi yisa emahlweni hi munhu un’wana na un’wana ehandle ka Fred Sothmann ku nga ri na mpfumelelo wa yena lowu wu tsariweke.]

[“Xa vumbirhi. A ku na munhu na un’we loyi a khomaka tinhlengeletano, a xavisa tibuku kumbe tithepi, ku tsala swibukwani, ku phakela swidukwani swa xikhongelo kumbe swikhadani swa muxaka wun’wana, kumbe ku kombela tinyiko tin’wana, a nga tiviwi hi kereke leyi kumbe mufundhisi wa yona. Va le ku endleni ka leswi hi vutiendlisi bya vunwa, nakona a va nyikiwangi matimba yo endla tano.]

[“Xa vunharhu. Kereke leyia yi rhumeli ehandle tiministara tin’wana ehandle ka mufundhisi wa yona, Muf. William Branham, ku ya khoma swikhongelo kun’wana.]

[“Swivangelo swa swiboho leswi swi hi ndlela leyi landzelaka:]

[“Swi tisiwile eku xiysiseni ka hina leswaku tiministara ti le ku tsemakanyeni ka tiko na ku nghena eka vunakulobye byin’wana, va ri karhi va vula leswaku va na vuxaka na hina, nakona va rhumeriwile ehandle hi kereke leyi ku khoma tinhlengeletano leti.]

[“Swi tisiwile nakambe eku xiyisiseni ka hina leswaku vanhu va le ku kandziyiseni makhadi na swibukwani, va rhumela swidukwani swa xikhongelo ehandle na swin’wana, tani hiloko va pfumeleriwile ku endla tano hi kereke leyi na mufundhisi wa yona, leswi nga riki ntiyiso. Swi ta khenseka loko mi nga lemukisa kereke hi munhu un’wana na un’wana loyi a kumiwaka a ri karhi a endla leswi.]

[“Swiboho leswi swi hlayiwile na ku passisiwa hi mufundhisi Muf. William Branham, mufundhisi wo pfuneta Muf. Orman Neville, na komiti ya matrasti na madiyakoni.”]

[Makwerhu Neville a ku, “Hosi a yi mi katekisi.” Eka xikhongelo xa namadyambu, 65-0801E, Makwerhu Branham u hlamusela hilaha bodo ya kereke yi endleke swiboho leswi hakona. Xivati lexi nga riki na nchumu eka thepi.]

Swilo swa koteka, pfumela ntsena;  
Pfumela ntsena, pfumela ntsena,  
Swilo hinkwaswo swa koteka, ntsena . . .

A hi korhamiseni tinhloko ta hina.

Tatana wa le matilweni loyi a rhandzekaka, ha khensa mixo lowu kuva hi nga pfumela. Swi endliwile leswaku swi koteka hi ku halatiwa ka Ngati ya N’wana wa Wena, Yesu, leswaku hi tava vateki va xiave xa tintswalo ta Yena; kutani hi hundzuka vana va xinuna na va xisati va Xikwembu, hi ku yingisa ka Yena ka rifu exihambanweni, hi va lava lulamisiweke hi ku pfumela eka Yena na le ka ku pfuka ka Yena, kutani sweswi Moya lowo Kwetsima wu halateriwe ekule etimbilwini ta hina.

<sup>2</sup> Ha khensa swinene eka nkateko lowu wa ku ta lahawani mixo lowu ku ta avelana mianakanyo ya hina na vutsakeri bya hina, ku hlamusela hi tinsimu, vumbhoni, ku hlaya Tipisalema, ku hlayiwa ka Rito ra Wena, na ku rindzela hi xichavo eka Moya lowo Kwetsima kuva wu hi tisela Hungu leri vekereweke awara ley. Hi nyike swona, Hosi. Leswaku hi nga bindzula hi kuva lahawani namuntlha. Kutani loko hi huma emuakwemi, leswaku hi nga vula kukotisa lava a va huma e Emmaus, “Xana timbilu ta hina a ti pfurhangga endzeni ka hina loko ari karhi A vulavula na hina mixo lowu?” Hi nyike swilo leswi, Xikwembu lexi nga Heriki, hi Vito ra Yesu Kreste. Amen.

Tshamani ehansi

<sup>3</sup> Avuxeni, vanghana, lahawani, laha ehandle etabernakeleni na le ka vanghana va hina le handle ku tsemakanya rixaka, ndlela hinkwayo kusuka eWest Coast, nakambe mixo lowu, kuya eEast Coast, na le n’walungu na le dzongeni, eka vuhlanganisi bya tiqingho.

<sup>4</sup> I siku ra kahle haleno eIndiana, swintsongo, ku na swipapani nyana, ku horile, ku kahle swinene. Tabernakele yi tele, ehandle kuya ejarateni na ku rhendzeleka hi makhumbi. Hi le hansi ka

ku langutela loku kulu ka ku endzeriwa hi Hosi namuntlha. Kutani hi tshembha leswaku Xikwembu xi mi nyikile siku ra kahle kwalomu mi nga kona. Nakona i siku ra kahle, hikuva Hosi yi ri nyikerile. Swi nga ri na mhaka leswaku i maxelo ya njhani, i siku ra kahle. Hi tsakile kuva kona, hi tsakile hambi swi ri tano kuva hi ri na nkateko wa ku tivula ripfumelo ra hina eka Yesu Kreste emisaveni. Kutani hi lava ku teka nkateko wun'wana na wun'wana lowu hi nga wu kumaka ku nyiketa ku tivula ka hina eka rirhandzu ra Yena na leswi A hi endleleke swona. Namuntlha hi le...

5 Ndzi nyikiwile, eka xinkadyani nyana lexi nga hundza, e—e xitiviso ku ta xi endla, kutani ndzi na swilo swintsongo laha leswi ndzi nga tsakelaka ku swi vula. Nakona xin'we xa swona, xitiviso ndzi nyikiwile xona mayelana na nhlengeletano ya bodo eka vusiku byin'wana. Kutani ku vile na mudiyakoni un'wana kwala ekerekeni loyi a tekeke vuaka tiko eArizona, loyi a nga Makwerhu Collins, boti wa hina wo xiximeka. Swingaleswi loko a hari le kule, va, bodo, yi vekile Makwerhu Charlie Cox ku teka ndhawu ya yena loko a ha fambile. Kutani Makwerhu Charlie Cox u vekiwile ximfumo hi vatrasti... kumbe bodo ya madiyakoni va kereke ya leyi, ku teka hofisi ya Makwerhu Collins, loko a nga ri kona.

6 Kutani nchumu lowu ndzi lavaka ku wu vula, nakambe, ndzi lava ku mi khensa n'wina vanhu hinkwenu, hikuva van'wana va n'wina mi nga ya emakaya ku nga si va na xikhongelo xo horisa vusiku lebyi, eka tinyiko letintsongo ta kahle, mimfungho. Swakudya swo tala swi tisiwile eka hina kusukela hi vile kona kwala. Kutani kusuka eka mina na nsati wa mina, na ndyangu wa mina, hakunene ha swi khensa. Nkarhi wun'wana ndza rivala hambi kuri ku vula nchumu wo karhi mayelana na swona. Ku na micingiriko yo tala swinene, ma switiva. Miehleketo ya mina yi va yi ri exihuhurini nkarhi hinkwawo. Mi nga ha anakanya hi leswi swi nga swona, hi vanhu, ku nga ri ntsena kusuka laha ekerekeni leyi, kambe kusuka emisaveni hinkwayo. Wa vona? Kutani swi tala ku ku siya endzeni ka xihuhi nkarhi hinkwawo.

7 Munhu un'wana a vulavula mayelana na ku katekisiwa ka vana, na mintirho ya ku khuvula, na swin'wana. Sweswo swi kahle swinene. Ndzi navela kuva ndzi swi endla, kambe swi soholota ngopfu, a—a ndzi kumi nkarhi. Ndzi fanele ku veka miehleketo ya mina kona kwala, eka Hungu leri. Ma swi tiva Bibele yi byerile vaapostola, kumbe... Vaapostola, swa antsوا، eBibeleni, va teri, "Fambani, mi ya tihlawulela, exikarhi ka n'wina, vavanuna va marungula lamanene, na ku tshembheka na ku tala hi Moya lowo Kwetsima, leswaku va ta langutana na timhaka leti." Kutani ndzi byerile Billy...

U teri, "Xana u ya eku katekiseni ka n'wana nkarhi lowu, papa?"

Ndzi ku, "Oho, mina!" Wa vona? Loko... Hi na votala va vona lava va yimeleke ku katekisiwa, nakona sweswo hi swona, ndzi ta fanela ku vuya kutani ndzi teka siku ro hlawuleka ra ku katekisa vana. Swingaleswi ndzi ta tsakela ku endla sweswo, sweswi.

<sup>8</sup> Kambe hi rhandza ku khensa un'wana na un'wana wa n'wina kusuka etimbilwini ta hina; nsati, mina, na ndyangu wa ka hina. Vanhu va hi tisela tinhundzu ta le swithinanini, tinyawa to tengä, makalavatla, magwadi, oho, tirhobeyila. Ntsena swin'wana na swin'wana leswi nga ehleketiwaka, va swi tisa.

<sup>9</sup> Boti wo hlawuleka na sesi wa yena, siku rin'wana, va hi tiserile galankuni ra kahle lerikulu. Ndza ha ri eku ri dyeni. Kutani ntsena... Oho, nakona ndzi ta fanela ku ri heta ndzi nga se famba, ndza tshembha. Kutani loko ndzo ka ndzi nga endli tano, u ta hi longela rona. Swingaleswi hi—hi ta... Kunene ha swi khensa swilo leswi. Vanhu lava votala ndza va tiva; van'wana va vona a ndzi va tivi. Va tava va tshamile erikupakupeni loko hi nghena. Swingaleswi ndza swi khensa hakunene.

Nakona votala ndza va tiva. Ndzi na... votala ndzi va vonile, kutani ku na votala lava ndzi nga kotiki ku va vona. Ndza—ndza tshembha leswaku hinkwenu ma swi twisia leswaku a ndzi—a ndzi ta swi tsakela kuya eka un'wana na un'wana loko a swi koteke, kambe ndzo va un'we ntsena. Wa vona? Ku... A ndzi nge swikoti ku fikeleta un'wana na un'wana. Ndzi le ku endleni ka hinkwaswo leswi ndzi tivaka ku swi endla.

<sup>10</sup> Swingaleswi, Xikwembu a xi ve na n'wina. Ndza tshembha leswaku ku na Un'we loyi a nga tava na n'wina; yaloye i Yesu Kreste, nakona A nga va kona. Hi yena Munhu a ri yexe loyi a nga kona hinkwako. Nakona U na matimba hinkwawo, kutani A nga nyika xilaveko xin'wana na xin'wana. Na, kuva na vutlharhi hinkwabyo, nakona u tiva na swilaveko swa n'wina, swa leswi mi swi lavaku.

<sup>11</sup> Ndzi lerisa un'wana na un'wana loyi ndzi nga ta ka... A ndzi ri eku hatliseni hilaha ndzi koteke hakona, hambi loko ndzi vile laha mixo lowu, nakona ndzi ta kuma hinkwawo lava ndzi nga tava kota. Kutani loko... Leswi ndzi swi siyaku, Xikwembu xa matimba hinkwawo xi ta—ta nyika swilaveko swa n'wina hinkwaswo kuya hi rifuwo ra Xona eVukwetsimeleni.

<sup>12</sup> [Makwerhu Branham a yima nyana, kutani a vulavula na Makwerhu Neville—Muhleri.] A ndzi nge swi hlaiy় kahle ngopfu. U nga swi hlaiy় xana?

I xitiviso xo hlawuleka xa muxaka wo karhi. Nakona ndzi ehleketa leswaku xi tava xi tsariwile hi Billy Paul. Swingaleswi u kotisa mina; a ndzi swi koteke na ku hlaya leswi nga tsala hi mina n'winyi. Kutani ndzi na voko ro komisa ra mina ndzi ri ndzexe. Nakona loko mi nga vona yan'wana ya matsalwa ya mina laha, ndzi nga matsala lahwani, mi ehleketa leswaku mi

nga ya twisia xana? [Makwerhu Branham a kombeta tsalwa ra yena eka nhlengeletano, kutani a hleka na vona—Muhleri.] Ndzi kotisa nyeleti, leyi tsemakanya biloho, na swin'wana, hinkwaswo ntsena . . .

[Makwerhu Neville a hlaya xitiviso—Muhleri.]

Makwerhu Adair, Adair wa le Arkansas, ku ta vonana na Muf. Pearry Green le ndzhaku ka kereke xikan'we-kan'we. Hi swona.

<sup>13</sup> Sweswi, kutani nchumu wun'wana lowu ndzi nga—nga tsakelaka ku wu tivisa laha hi—hi leswaku, vusiku lebyi sweswi i bya swikhongelo swo horisa. Hi ya eku khongeeleni ka vavabyi vusiku lebyi, swingaleswi ndza—ndza tshembha leswaku mi tava mi ri kona.

<sup>14</sup> Kutani hi xeweta vanhu hinkwavo le handle ku tsemakanya tiko, hi Vito ra Hosi Yesu, leswaku Xikwembu xi ta mi katekissa emixweni lowu. Van'wana va n'wina mi le ku kongomeni ka nhlikanhi. Le henbla eNew York, i nkarhi wa ni nhlikanhi. Nakona le handle eArizona, eWest Coast, ka hari kwalomu ka awara ya nkombo. Swingaleswi ku na . . . Kutani hina laha hi le xikarhi. Swingaleswi Xikwembu a xi mi katekisi loko mi ri karhi mi yingisela. Sweswi leswi swi nga va . . .

Ndzi swi tekerile embilwini ya mina, loko ndza ha ri kwala . . .

<sup>15</sup> Nakona a hi pfumeleriwangi ku kuma tiauditoriyamu, kutani eku heteleleni va hi nyikile mpfumelelo; hi nga va na ntirho wun'we, kambe a hi fanelangi ku khongeleta vavabyi. A—a ndzi . . . Wolowo i ministri wa mina. Ndzi fanele ku endla leswi Moya lowo Kwetsima wu ndzi byelaka ku swi endla. Swingaleswi ndzi—ndzi swi arile, hikwalaho kova ndzi lava ku va loyi a ntshuxekkeku endla swin'wana na swin'wana leswi Moya lowo Kwetsima wu nge ndzi swi endla. Wa vona? Kutani ndzi anakanyile leswaku hi nga tihluphekela siku rin'we ntsena, hambi swi ri tano, etabernakeleni. Nakona ku horile mixo lowu. Hosi yi hi endlerile siku ra kahle kwala, swingaleswi ha khensa.

<sup>16</sup> Sweswi, hi ku endla leswi, ndzi tile laha hi xikongomelo xo dyondzisa hi Swimbitan swo hetelela, Swimbitan swa Nkombo swo hetelela, na Timhalamhala ta Nkombo to hetelela, na Tindlati ta Nkombo to hetelela, ta Buku ya Nhlavutelo, ku tiboha kun'we eka awara leyи hi hanyakа eka yona sweswi; ku landzela ku lemuriwa ka Swilemo swa Nkombo, Tinguva ta Nkombo ta Kereke. Swingaleswi, a hi nga ta kuma kamara yo swi endlela kona. Kutani ndza—ndza tshembha leswaku, hi ku hatlisa hilaha ndzi nga kotaka hakona, hi . . . nga kuma ndhawu yo ringanelia sweswo, hambi kwala kumbe eLouisville, New Albany, kumbe hambi kuri ku dzima tende, leswaku hi ta tshama nkarhi wo leha hilaha Hosi yi hi rhangelaka ku endla hakona.

<sup>17</sup> Kambe eka leswi sweswi, ndzi tekile nkateko lowu ku kombisa vanhu hi ku tshembha na ripfumelo ra mina eka Xikwembu, kutani ndzi mi tisa eka awara leyi hi hanyaka eka yona. Nakona ha leswi, a swi vekeriwanga munhu wo karhi, mikuva, hambi ku ngava yini; swo va ntsena hilaha ndzi vonaka Rito ra Xikwembu. Kutani eka Sonto lowu nga hundza hi vile na ku chululeka ka kahle ka Moya ehenhla ka Rito. A ri lehile swinene, nakona ndza swi venga ku tshama nkarhi wo lehisa xisweswo; kambe hambi swi ri tano a hi swi tivi leswaku i nkarhi wihi lowu hi nga ta ya hlanganelo ro hetelela. Nakona hi fanele, tani hi . . . lava ku va. Ndzi lava ku va, swa antswa, tani hilaha Paul wa khale a vuleke hakona, "A ndzi tshikangi ku mi byela Makungu ya Xikwembu." Yesu U teri a ku na nchumu lowu a wu fiheleke vadyondzisiwa va Yena.

Kutani tani hilaha ndzi, nga bizi hi ku ringeta ku tshama ehansi ka ntoto wa Moya lowo Kwetsima, ku kuma leswaku e—e awara, Hungu ra awara ri nga swona, nkarhi wun'wana ndza tsandzeka ku endla mintirho ya mina tani hi nandza wa Kreste, tani hi ministara. Kambe ndzi na vavanuna vangari vangani lava ringetaka ku ndzi pfuna ku swi endla, ku nga leswi ndzi swi khensaka swinene, vaboti wa mina va tiministara hinkwavo.

<sup>18</sup> Sweswi, a ndzi vuli ku ringeta ku khomeleta vanhu. Loko n'wina, le handle etikweni laha Hungu ri yaka kona, mi nga yima na ku langutisa ku rhendzeleka hi kereke leyi emixweni lowu, etindleleni ta le xikarhi ka switulu, endhawini ya vona, ehandle, swiya-ni-moya swi pfuleriwile, emabazini, swigolonyani, na swin'wana, na timovha, a mi ta swi vona leswaku xiphijo i yini. Kutani xikhongelo xin'wana na xin'wana, votala, votala va chayela ku hundza hi kona; na ku huwelela, na swin'wana, a nga swi koti ku nghena endzeni kumbe ku rhendzeleka. Swingaleswi hi lava ndhawu yi kulukumba leswaku vanhu va ta tshama na ku hlaysia.

Swingaleswi ku vuyisa eka—eka Hungu leri ndzi ehleketa leswaku i ra nkoka lowukulu, ndzi twa ingaku a hi fanele ku, un'wana na un'wana, hi va lava hlaysia keke na ku tshamiseka, leswaku hi ta yingisa; na tipenisele ta hina na maphepha, na tinotsi na Tibibe, na swin'wana, ku ta kopa e—e tinotsi. Kambe hi ndlela leyi a ndzi ehleketa leswaku ndzi nga tlhelela eka nkarhi lowu hi nga na wona, lowu hi hanyaka eka wona, na ku tisa swin'wana swa swilo leswi mi yaka eku hlanganeni na swona. Nakona mi ta swi lava.

<sup>19</sup> Loko a ndzi tile namuntlha kwala, kumbe rin'wana ra masiku, kumbe un'wana wa tiministara, ku ringeta ku tisa hungu eka vanhu, vanhu lava va faka tani hi hina, nakona nkarhi wu ri ekusuhi swinene exandleni, tani hilaha ndzi pfumelaka eka siku leri; ndzi ta va ndzi ri mukanganyisi hi ku ringeta ku tisa nchumu lowu ndzi swi tivaka leswaku mi ta tsaka hi wona nakona wu tava wu lwisana na Rito ra Xikwembu, kumbe

nchumu lowu nga ta koka ntshungu, kumbe—kumbe nchumu wo kotisa sweswo; a—a ndzi nga ta va... a ndzi nga ta va leswi ndzi—ndzi nga kwala kuva swona, ministara wa Kreste. Ndzi lava ku tisa nchumu lowu ndzi ehleketa leswaku i wa ntirho wa nkoka eka n'wina, ku ngari ku ta voniwa ntsena; kambe kuri ku ehleketa leswaku loko ndzo fa namuntlha, mundzuku wu tava wu khomelerile etimbilwini ta n'wina ku ya emahlweni na ku tirhela Xikwembu.

<sup>20</sup> Sweswi ndzi lava ku vula leswaku ku na nchumu lowu nga eku tilulamiseleni ku humelela. Ndza wu tiva. Votala va n'wina kwala ma swi tsundzuka loko Makwerhu Junior Jackson a tile eka mina loko ndzi nga se ya eArizona, hi norho lowu a veke na wona. Nchumu wo ka wu nga tolrevelekangi! I vangani lava va tsundzukaka sweswo? [Nhlengeletano yi ku, “Amen.”—Muhler.] Kutani Hosi yi hi nyikile nhlamuselo, nakona swi humelerile epapileni. Sweswi, wa ha kuva na norho wun’wana, nchumu wun’wana.

<sup>21</sup> Kutani nchumu lowu nga tolrevelekangiki, a kuri na wanuna kwala siku rin’wana, kusuka eOregon. A nga ndzi tivi kahle, nakona a ri... u lorhile norho lowu fanaka mayelana na, lowu Junior Jackson a wu lorheke, kutani—kutani u tile a ta ndzi byela. A ndzi—a ndzi yi tivi nhlamuselo ya kona; ndza ha yimerile Hosi. Kambe ndza swi tiva leswaku wu tava wu ri nchumu lowu sukaka eka Xikwembu. Ntsena tsundzukani sweswo. Hi LESWI HOSI YI SWI VULAKA. I nchumu lowu humaka eka Xikwembu. A ndzi swi tivi leswaku i yini. Swa hlamarisa hakunene, swa hlamarisa swinene! Entiyisweni, ku ya hi—hi milorho leyi vavanuna ha vumbirhi... Un’we wa vona ndzi nga... a nga va a ri Mubaptist, Mupresbyterian. A—a nga va a tshamile kwala mixo lowu. A ndzi swi tivi. A ri kona siku rin’wana kwala. A ndzi n’wi tivi wanuna loyi.

<sup>22</sup> Kambe u ndzi byerile norho, na mihloti ematihlwani ya yena. Nakona wu n’wi chavisile. U tile ndlela hinkwayo kusuka kwala eOregon, ku ta wu vula. Makwerhu Jackson u tile hi mukhuva lowu fanaka, mixo lowu. Wanuna un’we loyi a nga tiviki loyi un’wana; un’we, magidi ya timayili kusuka eka loyi un’wana, nakona milorho hi vumbirhi yi ri eka nchumu lowu fanaka. Moya lowo Kwetsima wu le ku ndzi siveleni ka ku kuma nhlamuselo ya kona. A ndzi swi tivi leswi ndzi nga swi byelaka wanuna. Kambe ndza swi tiva leswaku Xikwembu xi le ku tilulamiseleni ku endla swin’wana, nakona swi ta va leswi hlamarisaka ematihlwani ya hina.

<sup>23</sup> Sweswi, Hungu ra mixo lowu, ndzi lava ku ri hlaya kusuka eBukwini ya Vagalatiya. A ndzi chumayeli kumbe ntsena... I dyondzo ya xikolo xa Sonto. Kutani sweswi, n’wina vavanuna na vavasati lava yimeke ku longoloka na makumbi, na loko munhu un’wana a lava ku cincana na ku mi pfumelela mi tshama nyana ehansi, kumbe swin’wana, sweswi, mi ta va mi nga ndzi karhati;

ntsena mi va na xichavo. Nakona loko vamanana, vana va vona va rila kumbe swin'wana, un'wana u ta huma endhawini ya vana leswaku va tava na ndhawu ya n'wana.

<sup>24</sup> Kutani sweswi kumaní tipenisele ta n'wina, Tibibele, na ku tilulamisela ku tsala Matsalwa yan'wana lawa hi nga ta ya hlaya. A ndzi swi lavi kuva mi titwa mi bohiwile. Ndzi lava leswaku mi titwa—ndzi lava leswaku mi titwa mi ntshuxekile ku tshama na ku hlaya. Nakona mi nga kaneta, leswi swi lulameke. Kambe ndzi vulavula leswi ntsena ku tsemakanya hi rixaka mixo lowu, leswaku vanhu lava pfumeleke Hungu leri Hosi Yesu a ndzi nyikeke rona eka awara leyi, va ta tiva leswi humevelaka, na ku swi veka eMatsalweni.

<sup>25</sup> Eka Sonto lowu hundzeke hi vulavurile hi *Vatotiwa Enkarhini Wa Makumu*. Nakona loko n'wina, un'wana na un'wana wa n'wina, mi ri vayingiseri va thepi, tiyisisani leswaku ma yi kuma thepi ya leyo. Ku ngari leswaku hi lava ku xavisa tithepi; yaleyo a hi yona mianakanyo. I mianakanyo ya ku fikisa Hungu ehandle. Wa vona? Wa vona? Loko mi ri na muchini wa thepi, hlengeletani ntlawa wa vanhu kun'we, kutani mi yi tlanga, na ku yingisela swinene. “Vatotiwa.”

<sup>26</sup> Mi ta twa vanhu va yima kutani va ku, “Oho, Bibele yi teri, ‘Emasikwini ya makumu, vaprofeta va mavunwa va ta humevelaka kutani va ta endla masingita yo tani.’” Hakunene-nene sweswo i Matsalwa. Kutani xana sweswo swi tirha kwih? Swi fanele ku tirhisiwa kahle.

Vusiku bya namuntlha ndzi lava ku vulavula hi, loko Hosi yi swi rhandza, hi: *Xikwembu Xi Paluxiwile E Ritweni Ra Xona N'winyi*, hilaha tihlo ri nga taka ri nga tirhisiwa laha ku faneleku tirhisiwa ndleve. Wa vona? Ntsena tani hi ku kandziyisa Bibele hinkwayo, nakona, eka Bibele hinkwayo, yi fanisa Yesu Kreste. Swingaleswi ndzi lava ku vulavula hi sweswo vusiku bya namuntlha, loko Hosi yi swi rhandza. Kutani sweswi, loko swi nga ri tano, rin'wana ra masiku lawa ya taka.

<sup>27</sup> Sweswi eBukwini ya Vagalatiya. Na le Bukwini ya Vakorinto va Vumbirhi 4:1 kufika eka 6, kutani Vagalatiya 1:1 kufika eka 4, ndzi navela ku hlaya Matsalwa yo karhi. Sweswi eka Vagalatiya 1:1 ku fika eka 4, “Paul, muapostola,” vonani ku yima ka xihatla. *Muapostola* swi vula “loyi a rhumiweke,” kumbe, “mumixinari.”

*Paul, muapostola, (ku ngari hi vanhu, hambi ku ri hi munhu, kambe... Yesu Kreste, ni Xikwembu Tatana, loyi a n'wi pfuxek eku feni;)*

*Ni vamakwerhu hinkwavo lava nga na mina, eka tikereke ta Galatiya:*

*Tintswalo ni ku rhula a swi ve na n'wina swi huma ka Xikwembu Tata wa hina, ni le ka Hosi ya hina Yesu Kreste,*

*Loyi a tinyiketeke hikwalaho ka ku dyoha ka hina, leswaku a ta hi kutsula emisaveni ya sweswi leyo biha, hi ku rhandza ka Xikwembu... Tata wa hina:*

*Eka yena a ku ve ku kwetsima hilaha ku nga heriki. Amen.*

<sup>28</sup> Sweswi eBukwini ya Vakorinto va Vumbirhi, kuavanyisa ka vu4, kutani hi ta hlaya kusuka eka 1 kufika eka 6, tindzimana.

*Hikokwalaho leswi hi swi voneke leswaku hi ni ntirho lowu, tani hi leswi hi nyikiweke tintswalo, a hi heli mbilu;*

*Kambe hi lahlile swilo leswi fihliweke swa tingana, kutani a hi fambi hi mano, hambi kuri ku khoma rito ra Xikwembu hi vukanganyisi; kambe hi ku veka ntiyiso erivaleni hi tiendlela ku yimeriwa emapfalweni ya vanhu hinkwavo emahlweni ka Xikwembu.*

*Kambe kungaku loko evhangeli ya hina yi fihiwile, yi fiheriwa lava lovaka:*

Loko sweswo swi nga tisi ku hlawuleriwa emahlweni, a ndzi swi tivi leswi swi ku tisaka.

*Va nga lava xikwembu xa misava leyxi va dlayeke mahlo ya ku anakanya leswaku va nga pfumeli, leswaku ku vonakala ka evhangeli yo kwetsima ya Kreste, loyi a nga xifaniso xa Xikwembu, ku nga tshuki kuva voningerile.*

Ku fana na leswi a swi ri xiswona entangeni wa Eden, “A va humeli ehandle, leswaku va nga tshuki va khumbhile Murhi walowo.”

*Hikuva a hi tivulavuleri, kambe Yesu Kreste loyi a nga Hosi;... hi tivula malandza ya n’wina hikwalaho ka Kreste.*

*Hikuva Xikwembu, lexi leriseke leswaku ku vonakala ku humelela emunyameni, hi xona lexi vangameke etimbilwini ta hina, ni ku nyika vutivi bya ku kwetsima ka Xikwembu emahlweni ka Yesu Kreste.*

<sup>29</sup> Amen! Rito ri hliskeya hi ndlela yaleyo! Sweswi, tsalwa ra mina emixweni lowu, i: *Xikwembu Xa Nguva Leyo Biha*. Tani hi laha hi hliskeye eMatsalweni, “xikwembu xa misava leyxi, nguva leyxi yo biha.” Sweswi, Hungu leri ri kombetela vubihi bya nguva leyxi yo biha, nakona ri ringanerile vuprofeta bya nguva leyxi yo biha.

Nakona i ku pfumela ka mina leswaku yin’wana na yin’wana... leswaku Bibele yi na nhlamulo yin’wana na yin’wana ya nguva leyxi yo biha, leyxi ku nga khale yi tsariwile eBibeleni, ya mupfumeri wa nguva yaleyo. Ndzi pfumela leswi hinkwaswo leswi hi swi lavaka swi tsariwile kona *Lahawani*, swo lava ntsena ku hlavuteriwa hi Moya lowo Kwetsima. A

ndzi pfumeli leswaku munhu wihi kumbe wihi emisaveni u na mfanelo yo veka nhlavutelo wa yena n'winyi eRitweni. Xikwembu a xi lavi munhu na un'we kuva a hlavutela Rito ra Xona. Hi xona muhlavuteri wa Xona Nwinyi. Xi teri Xi ta swi endla, nakona Xa swi endla.

<sup>30</sup> Tani hilaha ndzi swi vuleke eminkarhini yo tala. Xi teri, “Wanhwana u ta tika nyimba,” Xi vurile sweswo hi nomo wa muprofeta, nakona u tikile. Ku hava munhu loyi a faneleke ku swi hlavutela. Eku sunguleni, Xi teri, “A kuve na ku vonakala,” kutani ku vile kona. Ku hava munhu loyi a faneleke ku Swi hlavutela. Xi teri, “Hi masiku ya makumu, Xi ta chela Moya wa Xona ehenhla ka nyama hinkwayo,” kutani Xi swi endlile. A swi lavi na un'we wo Swi hlavutela. Xi teri, “Hi masiku ya makumu, swilo leswi” (leswi hi swi vonaka swi ri eku humeleleni sweswi) “swi tava kona.” A swi lavi ku hlavutela ko karhi. Swi hlavuteriwile khale. Wa vona?

<sup>31</sup> Sweswi, xiyisisani swinene sweswi loko hi ri karhi hi hlaya Rito. *Xikwembu Xa Nguva Leyo Biha*, leyi hi hanyaka eka yona. Swi nga tikomba swi nga tollovelekangi, nchumu lowu nga tollovelekangiki, eka nguva leya tintswalo, loko, “Xikwembu xi le ku tekeni ka vanhu hikwalaho ka Vito ra Xona,” lava nga Mutekiwa wa Xona, eka nguva leyo biha leyi a yi fanele ku vuriwa nguva ya yubihii. Yona nguva leyi “Xikwembu xi le ku vitaneni ka vanhu hikwalaho ka Vito ra Xona,” hi tintswalo, ehandle, nakona yi vuriwa nguva yo biha. Sweswi, hi ta swi khorwisa hi Bibebe leswaku leyi hi yona nguva leyi a Xi vulavula hi yona. I nchumu lowu nga tollovelekangiki swinene ku ehleketa sweswo, leswaku eka nguva yo biha kukotisa leyi, leswaku Xikwembu xi nga va xi ri eku vitaneni ka Mutekiwa wa Xona.

<sup>32</sup> Swi xiyisiseni, Xi teri, “vanhu,” ku ngari “kereke.” Hikokwalaho ka yini? Hambi swi ri tano, Yi vuriwa Kereke, kambe Xi ta vitana “vanhu.” Sweswi, kereke i nhlengelletano ya vanhu votala va tinxaka-xaka to hambana. Kambe Xikwembu xi le ku vitaneni ka wun’we lahwani... A xi vulangi leswaku, “Ndzi ta vitana Mamethodist, Mabaptist, Mapentekostal.” Xi teri Xi ta vitana vanhu. Hikokwalaho ka yini? Vito ra Xona. Wa vona, vanhu; un’we kusuka eka Methodist, un’we kusuka eka Baptist, un’we kusuka eka Lutheran, un’we kusuka eka Katholiki. Wa vona?

Kambe Xi le ku vitaneni, ku ngari ntlawa wa kereke, kambe “vanhu hikwalaho ka Vito ra Xona,” lava va amukelaka Vito ra Xona, lava vutiweke hi Vito ra Xona, lava yaka enkhubyenii wa vukati ku ya tekiwa hi Xona, ku va xiphemu xa Xona, wa vona, hi ku hlawula ka le mahlweni. Ntsena tani hi wanuna loyi a hlawulaka wansati lonene evuton’wini, a hlawuleriwe ku va xirho xa miri wa yena. Kutani, sweswo hi leswaku, Mutekiwa wa Kreste u tava kona, nakona u kona sweswi, kusukela khale, u hlawuleriwe emahlweni hi Xikwembu kuva xiphemu xa Miri

wolowo. Wa vona? Oho, Matsalwa ya fuwile swinene, ya tele hi vulombe!

<sup>33</sup> Xiyisisani, ku ngari leswi munhu un'wana a swi vuleke, leswi munhu un'wana a swi vitaneke; kambe leswi Xikwembu xi swi hlawuleke ku nga se va na masungulo ya misava, nakona xi le ku vitaneni ka vanhu lava emasikwini ya makumu; ku ngari vandla. "Vanhu hikwalaho ka Vito ra Xona." Kutani eka nguva yo biha leyi hi kona laha Xi nga eku swi endleni kona, yona nguva leyi ya vukanganyisi.

<sup>34</sup> Vhiki leri nga hundza, eka Matewu 24, a yi ri nguva ya vukanganyisi byo tlurisa eka tinguva hinkwato. Tinguva hinkwato ta vukanganyisi, kusukela entangeni wa Eden, ndlela hinkwayo kuya ehansi, a ku se tshama kuva na nguva ya vukanganyisi swinene tani hi nguva leyi. "Vaprofeta va mavunwa va ta humeleta kutani va endla masingita na swihlamariso, loko swi nga koteke ku ta hambukisa na vona Vahlawuriwa." Wa vona? Sweswi, ntsena to titimela, ta ximfumo, tikereke leti omeke, na swin'wana, ta ntivo vukhongeri bya munhu, sweswo swi ngaka; Vahlawuriwa va ngaka va nga swi yingiseli sweswo. Kambe swi kwale henhla kusuhi na kuva tani hi nchumu wa xiviri. Ntsena ku siya Rito rin'we ehandle hi leswi mi faneleke ku swi endla. Hi tshembhisiwile hi ta nguva leyi; nkarhi wo leha swinene! Vakreste, hinkwako, tekelani enhlokweni awara leyi hi hanyakwa eka yona! Funghani ehansi, kutani mi hlaya, na ku yingisela swinene.

<sup>35</sup> Xana Xikwembu xi nga vitanela yini vanhu ehandle ka nguva leyi yo biha, Vito ra Xona xana? Xivangelo lexi nga xona, i ku N'wi ringeta, Mutekiwa wa Xona. I xa ku... Loko A vonakarisiwile, a ringiwile, a khorwisiwile, a khorwisiwile eka Sathana. Tani hilaha a swi ri xiswona emasunguleni, swi tava tano na le ku heteleleni.

<sup>36</sup> Tani hi mbewu loko yi sungula emisaveni, yi ya ehenhla hi vutleketi, vutomi bya yona, kambe yi hetelela yi ri mbewu leyi fanaka leyi a yi ri yona loko yi nghena emisavani.

Kutani ndlela leyi fanaka leyi mbewu ya vukanganyisi yi weleke emisaveni hi yona, eEden, ya hari yona ndlela leyi swi heteleriska xiswona emasikwini ya makumu.

Ntsena tani hilaha Evhangeli a yi ri xiswona loko yi wela eka dinominexini eNicaea, Rome, yi hetelela eka vandla lerikulu.

Ntsena tani hilaha Mbewu ya Kereke yi wiseke xiswona le ndzhaku, hi masingita, swihlamariso, na Kreste loyi a hanya exikarhi ka vona, yi hetelela emasikwini ya makumu ehansi ka ministri wa Malakiya 4, kutani yi tlherisela endzhaku nakambe Ripfumelo ra xiviri leri nga tshama ri nyikiwa.

<sup>37</sup> Hi kuma leswaku sweswi, nguva leyo biha i yo khorwisa, eka Sathana, leswaku A yi fani na Evha, leswaku A yi xifananiso xa wansati yaloye. Nakona Yi ta ringiwa hi Rito ra Xona,

Mutekiwa, tani hi leswi mutekiwa wa Adam a ringiweke hi Rito. Nakona mutekiwa wa Adam u pfumerile Rito rin'wana na rin'wana, hinkwaro, kambe u pfilunganyekile eka xitshembhiso xin'we, leswaku, "Hi loyi a fanaka ni tolo, namunthla, ni hilaha ku nga heriki," namunthla, wa vona; kambe u tsandzekile eka xitshembhiso xin'we, ehansi ka ku ringiwa hi nala, va langutanile. Kutani sweswi, vanhu lava vitaniweke hikwalaho ka Vito ra Yena, hakunene, i Mutekiwa wa Yena. Yi ta hlanganisiwa nakambe hi nchumu lowu fanaka; ku ngari ntsena hi ntiyiso wa xidinominexini kumbe swin'wana, kambe hi Rito hinkwaro!

<sup>38</sup> Hikuva, emasunguleni ya Bibele, munhu u nyikiwile Rito ra Xikwembu kuva a hanya hi rona. Rito rin'we, ri tolokiwile hi ku hoxisa hi e—e wanuna loyi a vuriwaka Sathana, a ri eka munhu wa xiharhi lexi vuriwaka xivandzana. Sathana, endzeni ka munhu loyi, a swi kota ku vulavula na Evha, kutani u tolokerile Rito hi ku hoxisa eka yena, nakona u lahlekile. Wa vona, Ri fanele ku va Rito hinkwaro.

<sup>39</sup> Exikarhi ka Bibele, Yesu u tile kutani a ku, "Munhu a nge hanya hi vuswa ntsena, kambe hi Rito rin'wana na rin'wana," loko A tava a ringiwile hi Sathana.

Sweswi, Xikwembu xi le ku hi byeleni lahwani emasikwini ya makumu, leswaku, "Xikwembu xa misava leyi xi ta humelela emasikwini ya makumu."

"Kutani un'wana na un'wana loyi a nga ta engetela rito rin'we eka Yona, kumbe ku hunguta Rito rin'we eka Yona, ku averiwa ka yena ku ta hungutiwa eBukwini ya Vutomi."

Xikwembu a xi hi tsetseleli! Nakona hi nga fambi hi tihembhe to omelela, swifuva swi kukumukele ehandle, tinhloko ti tlakukile, lavo tiva hinkwaswo, hikuva hina a hi ri vamadzinga-ndlevé nkarhi wun'wana. Hi pfumeleriwile hi tintswalo, na musa, na vutitwi etimbilwini ta hina eka Xikwembu, hi ku titsongahata hi ta eka Xiluvelo xa tintswalo.

<sup>40</sup> Swa hlamarisa sweswi, endzhaku ka khume nkaye wa madzana ya malembe yan'wana ya ku chumayeriwa ka Evhangeli, kutani sweswi u, yalawa i mafambiselo ya misava, ya bihile kutlula emasikwini lawa, loko A hari lahwani. Mafambisele ya misava ya bihile kutlurisa. Misava yi kongomile emaninginingini lamakulu. Ma swi tiva sweswo. Hosi yi le ku hetisiseni ka Rito ra Yona eka mavoko hinkwawo.

<sup>41</sup> Tolo, ndzi yimile... Ndza tshembha nakulorhi lontsongo a nga... A ngaka. A ndzi tile na nsati wa mina, na Manana Wood, Makwerhu Roy Roberson, kun'wana kwala, Makwerhu Wood, a hi yimile lahwani eYoungstown Shopping Center leyintsongo, ku kuma e—e phasele leri Sesi Wood a ri na rona. Kutani eka... loko ha ha yimile lahayaa, nakulorhi lontsongo u tile na ku titivisa, nakona a ri muluveri eka mina. Jaha rin'wana ri tile na

ku vula leswaku a va huma hambi hi le Alabama, Georg-... Ndzi pfumela leswaku i Georgia, hikuva ndzi va vutisile loko kuri ku va n'wi tiva Makwerhu wa hina Welch Evans. Kutani hi vulavurile timinetse tintsongo. Nakona loko ndza ha lava kusuka, jaha leri ri ndzi langutile. Ku te loko nakulorhi loyi un'wana lontsongo na xijahetana xa yena va ri karhi va famba, jaha leri ri ndzi langutile. U teri, "Nchumu wun'we lowu ndzi lavaka ku wu vula."

Ndzi ku "U—u mupfumeri xana? U Mukreste xana?"

A ku, "Ee, nkulukumba." A ku, "Ndzi . . ."

<sup>42</sup> Ndzi ngaka ndzi nga koti ku tshaha rito leri a ri vuleke lahawani, kambe a ngava a vile na ku kanakana. Ndzi n'wi vutisile mayelana na swilo swa ku humelela ka Ntsumi ya Hosi. Kutani u teri u swi twile mayelana na swona, kambe a nga se tshama a ya ekerekeni, kereke leyi. Ndzi ku, "Wa Swi pfumela xana?"

A ku, "Ina, nkulukumba." A ku, "A—a ndzi ri eku voneni ka swin'wana." A ku, "Vanhua va ri eku ndzi byeleni mayelana na ku bvumbha loku na swilo, nakona ndzi swi twile eka thepi leswaku u bvumbhile hilaha California yi nga ta pandzelelekela ekule kukotisa sweswo." Kutani a ku, "Loko sweswo ndzi tava ndzi swi vonile ephepheni, kutani ndzi swi pfumerile." U teri, "Ndzi le kuteni namuntha kumbe mundzuku," ku nga namuntha, "ro sungula eka mina."

Ndzi teri, "Hosi a yi ku katekisi, jaha," kutani ndzi sungula ku qhavula voko ra yena.

U teri, "Kambe ndzi lava ku ku byela swin'wana, nkulukumba." A ku, "Ndzi lahlekile tani hilaha ndzi nga lahlekisaka xiswona." A ku, "Ndzi kotisa khoyini eka nhulu ya sava, hi ku lahleka!"

<sup>43</sup> Ndzi teri, "Kambe a wu boheki ku tshama hi ndlela yaleyo. Ku na Un'wana kwala sweswi Loyer a nga ku kumaka eka minete leyi u nga tava u tilulamiserile ku kumeka."

A ku, "Ndzi lunghekile."

Ndzi ku, "U nga korhamisa nhloko ya wena xana?"

A ku, "A ndzi khomowi hi tingana."

Ku ngari sweswo ntsena, kambe u nkhismile hi matsolo ya yena, kwalahaya endhawini yo pakela kona, emahlweni ka vanhu hinkwavo. Vanhu lava a vari exitarateni va n'wi hlalela. Hi khongerile na yena kwalahaya, ku kondza a nyikela mbilu ya yena eka Xikwembu. U tile, a ri mudyohi; a tlhelela endzhaku, a ri n'wana wa Xikwembu. U tile hi le tlhelero ra movha, a file; nakona u tlhelerile endzhaku, a ri karhi a hanya.

<sup>44</sup> Ndzi ku, "Xidziva xi tava xi pfulekile mundzuku."

Ku na xihlovo lexi tatiweke hi Ngati,  
 Leyi kokiweke emisiheni ya Emmanuel,  
 Laha vadyohi va nyupeleke endzeni ka  
 ndhambhi,  
 Ku susa swipatsu hinkwaswo swa milandzu ya  
 vona.

Ndzi ku, “Pfuka kutani u khuvuriwa hi Vito ra Yesu Kreste, u ri karhi u vitana Vito ra Hosi. Xikwembu xi ta ku ta ta hi Moya lowo Kwetsima, na ku ku nyika swilo leswa kahle, na ku ku endla leswaku u ta Wu vona.”

<sup>45</sup> I yini xana? Misava yi kongomile emaninginingini. Hikokwalaho ka yini? Moya wo tsan’wa nawu, ku bola ka matikhomelo, vukhongeri bya xisayense, swi yi yisile eka “xihlengele xa tinyanyana hinkwato leti nga tengangiki na leti nyenyiwaka,” tani hilaha Bibele yi swi vuleke. A hi yi hlayeni, Nhlavutelo 18. Ntsena loko hi ri karhi hi sungula mhaka leyi, hi kuma Nhlavutelo 18:1 kufika eka 5. Ndzi ehléketa leswaku ndzi swi funghile kahle.

*Endzhaku ka swona ndzi vona ntsumi yin’wana leyi xikaka hi le tilweni, yi ri ni matimba lamakulu; kutani misava yi voningiwa hi ku kwetsima ka yona.*

*Kutani yi huwelela hi rito ra matimba, (sweswi n’wina vanhu lava veke na milorho) . . . yi ku, Babilona lonkulu u wile, u wile, nakona u hundzukile vuako bya mademona, ni khotso ra mimoya hinkwayo ya thyaka, . . . xihlengele xa tinyanyana hinkwato leti nga tengangiki ni ku nyenyiwa.*

*Hikuva matiko hinkwawo ma nwile vhinyo ya ku karhiha ka vuoswi bya yena (kereke) vuoswi, kutani tihosi ta misava ti oswanile na yena, ni vaxavisi va misava va fuwile hi vukulu bya xuma xa yena.*

*Kutani ndzi twa rito rin’wana leri humaka etilweni, ri ku, Sukani eka yena, n’wina vanhu va mina, leswaku mi nga tshuki mi nghena eku dyoheni ka yena, . . . leswaku mi ta ka mi nga weriwi hi makhombo ya yena.*

*Hikuva swidyo ho swa yena swi longolokile ku ya fika etilweni, kutani Xikwembu xi anakanyile ku homboloka ka yena.*

<sup>46</sup> I xitshinyo muni! Sweswo swi hoxa kereke kwale ndzhaku eka Nhlavutelo 3:14, eka nguva ya Laodekiya, yo tsan’wa nawu; mukhongeri wa xiviri, kambe yi tsan’wa nawu. “Wena, leswi u nge, ‘Hi fuwile, a wu pfumari nchumu,’ kasi a wu swi tivi leswaku a wu ambalanga nchumu, u xisiwana, u file mahlo, nakona a wu swi tivi.” Hi ku hetiseka na Tsalwa ra nguva leyi, ku ngari eka Tsalwa ra nguva ya Daniel, ku ngari eka lawa ya nga hi mavito ya . . . nguva ya Nowa, kambe eka leyo hetelela, nguva yo biha.

<sup>47</sup> Xiyisisani lahawani, “A wu ambalanga nchumu.” Sweswo a swi ngheneleli le ndzeni-ndzeni. Ndza swi tiva leswaku ndzi nga va na ku kanetiwa loku kulu eka mianakanyo leyi, kambe swi fikile eka xiyimo lexi Mukreste swi nga ta n’wi nonohwela kuva a huma endlwini ya yena na ku ka a nga tisiwi evukoneni bya nguva leyo biha, hi vavasati lava nga ambalangiki hi ku hetiseka.

<sup>48</sup> Vavasati, ndzi ya eku vuleni ka leswi, kutani ndzi lava leswaku mi yingisela. Nakona, vavanuna na vavasati, mi nga kanetana na leswi, kambe ndzi twa ndzi susumetiwa ku swi vula. Xana a mi swi tiva, wansati un’wana na un’wana loyi a tihluvulaka kukotisa sweswo a nga le ka miehleketo ya yena leyinene? Xana ma swi tiva, hi yena, hambi wa swi pfumela kumbe ee, kumbe a nga swi ehleketo, hi yena nghwavava? Hambi loko wansati a nga yima na voko ra yena emahlwemi ka Xikwembu na ku hlambanya leswaku a nga si tshama a khumbhiwa hi wanuna wihi kumbe wihi kambe hi nuna wa yena, nakona wolowo wu nga va ntiyiso wo tshembheka, kambe utama a ha ri nghwavava. Yesu u teri, “Munhu hambi a ngava mani loyi a langutaka wansati ku n’wi navela u n’wi oswile khale.” Nakona wansati a ngava . . .

<sup>49</sup> Wa vona, a nga “ambalanga nchumu,” Bibele yi teri, “nakona a nga swi tivi.” Moya lowu n’wi totaka kuva a endla swilo swo tani hi sweswo hi lowo biha, moya wa vunghwavava. Vuhandle bya yena, miri wa yena wa xinyama, nyama ya yena, a ngava a basile. A ngava a nga endli vuoswi na swintsongo, nakona a nga hlambanya eka Xikwembu kutani wu va wuri ntiyiso, leswaku a nga si tshama na siku na siku, kambe moya wa yena i moya wa vunghwavava. U pfariwile mahlo hi xikwembu xa misava leyi ya fexini; u tiambexe swa vugangu na ku humela le handle.

<sup>50</sup> Siku rin’wana, Makwerhu Wood na mina a hi ri eku humeseleni ka byatsu bya hina enambyeni. A ndzi lava kuya ekule na yindlu ya mina eka timinetse tintsongo, kuya le henhla enambyeni. Kutani kun’wana na kun’wana laha u yaka kona, vavasati na tinyandza letintsongo ta . . . leswi vuriwaka tekinis kumbe swin’wana, ku rhendzeleka na vona. Sweswo i tingana. Wansati a ngaka a ngavi emiehlekeweni ya yena ya kahle kutani a ambala nchumu un’wana na un’wana wo tani hi sweswo. U fumiwa hi moya wa vunghwavava. Sweswi, lulamisa sweswo na Xikwembu, manana, hikuva u ta swi kuma siku rin’wana leswaku wolowo i Ntiyiso.

<sup>51</sup> U swi endlissa ku yini, manana, u ri karhi u tiva hilaha miri wa wena wu hlawulekeke hakona, nakona u wu humesela erivaleni eka lava taleke hi ku navela, vajavulosi va vudyoho lava fambaka eswitarateni swa siku leri? Loko kuri ku vana va Xikwembu va hari vana va Xikwembu hinkwavo, nuna wa wena wa hari n’wana wa Xikwembu, a ta ku endla u ambala swiambalo kumbe a ku thala. Loko jaha ri ri n’wana wa

Xikwembu, a ri nga ta tekana na nchumu wo tani hi wolowo. Wa vona?

Mi ri, “U le ku endle- . . .” Ee.

Ndzi mi byela Ntiyiso, nakona rin’wana ra masiku mi ta hlangana na Wona. “A wu ambalanga nchumu, wansati loyi a oswaka; a wu swi tivi.”

<sup>52</sup> “Oho, ndza hlambanya leswaku a ndzi si tshama ndzi tlula ku hlambanya ka nuna wa mina.” Nuna wa wena u ta ku avanyisa hikwalaho ka swona loko u swi endlile. Kambe Xikwembu xi ta ku avanyisa hi kuya hi muxaka wa moya lowu nga endzeni ka wena; ku ngari ku ku avanyisa hi miri wa wena, kambe hi moya wa wena, munhu yaloye wa le ndzeni.

<sup>53</sup> Munhu wa le handle i xivumbiwa xa xinyama lexi lawuriwaka hi switwi swa ntsevu . . . kumbe switwi swa ntlhanu, swa antswa. Munhu wa le ndzeni i munhu wa ximoya loyi a lawuriwaka hi switwi swa ntlhanu; ripfalo, na rirhandzu, na swin’wana. Munhu wa le handle; ku vona, ku ringa, ku khumbha, ku nuhwetela, ku twa.

Kambe vundzeni bya moya walovo i munhu wa le ndzeni, nakona u lawuriwa hi nchumu wun’we, ku rhandza ka n’wina. Mi nga amukela leswi javulosi a swi vulaka kumbe ku amukela leswi Xikwembu xi swi vulaka. Kutani sweswo swi ta kombisa leswaku i moya muni lowu nga le ndzeni. Loko kuri ku i Moya wa Xikwembu, Wu ta hanya hi swilo swa Xikwembu, nakona Wu ngaka wu nga hanyi hi nchumu na wun’we wa swa misava. Yesu u teri, “Loko mi rhandza misava kumbe swilo swa misava, swi vangiwa hikuva rirhandzu ra Xikwembu a ri kalanga ri nghena eka xiphemu lexi xa le ndzeni.” Sathana u mi kanganyisile. “Kutani munhu a ngaka a nga hanyi hi vuswa ntsena, kambe hi Marito hinkwawo lawa ya humaka enon’weni wa Xikwembu.”

Xiyisisani sweswi, hi kuma leswaku a nga “ambalanga nchumu,” u mbyinyarile na ku ka a nga ambalanga.

<sup>54</sup> Kutani misava yi tikomba yi ri eka nguva yo biha ku tlurisa leyi nga si tshamaka yi va kona. A ku si tshama kuva na nguva na yin’we laha vavasati va nga tshama va endla hi mukhuva wolovo, na kan’we kambe ntsena loko ku nga se va na ku herisiwa ka misava ya loko ku nga se va na ndhambhi. Nakona Yesu u kongomisile eka yona. Hi ta nghena eka sweswo endzhaku ka nkarhi.

<sup>55</sup> Xana Xikwembu xi lahlekeriwile hi vulawuri, kumbe Xo va ntsena eku pfumeleleni ka vuyimeri byin’wana kuva byi lawula? Ndza tivutisa. Nhlamulo ya ntiyiso eka xiyutiso lexi, hi mavonele ya mina, ku na mimoya yimbirhi leyi lwisanaka emisaveni namuntlha, leyi nga eku tirheni. Sweswi, ku ngaka ku ngari na ku tlula yimbirhi, tinhloko timbirhi. Kutani Wun’we wa yona i Moya lowo Kwetsima lowu nga eku tirheni; lowun’wana

i moya wa javulosi, nakona, eka masiku lawa ya makumu, hi vukanganyisi.

Sweswi ndzi ya eku vekeni ka mianakanyo ya mina lahawani eka tsalwa hinkwaro ka rona, hinkwaro ka... Hungu ra hina.

<sup>56</sup> Mimoya leyi mbirhi. Wun'we wa yona, Moya lowo Kwetsima wa Xikwembu; lowun'wana, moya wa javulosi, lowu tirhaka hi vukanganyisi. Vanhu va misava sweswi va le ku endleni ka ku hlawula ka vona.

Moya lowo Kwetsima wu kona kwala eku vitaneleni ka Mutekiwa wa Kreste ehandle. Wu le ku swi endleni hi ku tiyisisa Rito ra Wona ra xitshembhiso eka Yena, eka nguva leyi, ku kombisa leswaku hi Wona Kreste.

Loko kuri ku rintiho ri fanele ku famba eka nguva leyi, rintiho ri ta famba. Loko kuri ku nkondzo wu fanele ku famba eka nguva leyi, nkondzo wu ta famba. Loko kuri ku tihlo i ro vona eka nguva leyi, tihlo ri ta vona. Wa vona?

Moya wa Xikwembu, tani hi leswi Wu kuleke eka xifaniso lexi heleleke xa Xikwembu, i nguva leyi hi nga eku hanyeni eka yona sweswi. Moya lowo Kwetsima wu kwala eku tiyisiseni ka Hungu ra awara. Nakona Moya lowo Kwetsima wu endla leswi, leswaku vanhu lava pfumelaka Xikwembu va ta vitaneriwa ehandle ka mpfilumpfilu lowu.

Moya wo biha wa javulosi wu kwala eku vitaneni ka kereke ya yena hi xihoxo, tani hi ntolovelu, hi ku encenetyetiwa ka Rito ra Xikwembu, kukotisa hilaha a endleke hakona eku sunguleni. Ma swi vona swi ri karhi swi tlhelela le ndzhaku eka mbewu yaleyo ya nkarhi nakambe, kusuka eEden? Hi leswi kwala nakambe.

<sup>57</sup> Sweswi, ku tlhelela endzhaku hi lahaya, mi wela.... tinguva tin'wana, mi wela eka tidinominexini, mi wela eka *leswi, sweswo*, kumbe *leswin'wana*. Xana ku humelerile yini hi xirhabyani xa xidinominexini? Xi omile. Moya wu tshamela ro xi siya naku ya emahlweni, kutani Wu kongoma endzeni ka Mbewu. Ma swi vona?

<sup>58</sup> Nakona ndzingo, wa yona ha vumbirhi, wu kongoma endzhaku hi ndlela leyi a swi ri xiswona eku sunguleni. Xiyisisani. Mi nga—mi nga, ee, mi nga swi rivali sweswi.

Tani hilaha Yohana, Yohana wo Sungula 4:5 na 6, loko mi lava ku swi tsala ehansi, u wu vula, “moya wa vunwa.”

Evha a nga kalanga a humela ehandle hi ku olova, hi ku swi tsakela, a ku, “A ndzi pfumeli eka Xikwembu.” Ee. A kuri vunwa lebyi a byi pfumeleke.

<sup>59</sup> Sathana a nga kalanga a humela ehandle na ku vula leswaku, “Oho, hi swona, sweswo a hi Rito ra Xikwembu.” U pfumerile leswaku a Ri ri Rito ra Xikwembu, kambe u vekile ku toloka ka yena eka Rona. Leswi, Xikwembu xi va byelege erivaleni leswaku va nga swi endli.

Xana leswi swi endla yini? “Swi endla ku hambukisa ka matimba, leswaku vanhu va pfumela vunwa, kutani va avanyisiwa hi byona.” Sweswi loko mi lava ku swi hlaya sweswo, i Vatesalonika va Vumbirhi 2:11.

<sup>60</sup> Tani hi leswi ndzi nga na kwalomu ka, Matsalwa ya ntsongo nyana lahwani, nakona a hi nge swi koti ku hlaya hinkwawo. Rin’we sweswi kutani, ndzi ta mi nyika wona. Tani hi leswi swi tikombaka swi nga tollovelekangi, leswaku mi swi vutisa kumbe swin’wana, nakona hi nga swi veka ehansi na ku swi hlayela ku mi—mi pfuna.

<sup>61</sup> “Ku endla ku hambukisa ka matimba,” tani hilaha Bibele yi vuleke leswaku swi ta swi endla, Vatesalonika va Vumbirhi. “Sweswi, wanuna loyi wa vudyoho u ta humeleta, na ku tshama etempeleni ya Xikwembu, a ri karhi a tikombisa kuva Xikwembu, na ku vanga leswaku vanhu va ya eka ku homboloka ka matimba, ku pfumela vunwa; kutani, ku byi pfumela, va ta avanyisiwa hi byona.”

Walowo i nchumu wun’we na lowu a wu endleleke Evha. Ku n’wi nyika . . . A nga kalanga—a nga kalanga a n’wi byela leswaku Rito a ri lulamanga, kambe u n’wi nyikile ku hambukisa ka matimba, leswaku a pfumela vunwa.

<sup>62</sup> Moya wa ku hambukisa i wa javulosi. “Vajavulosi sweswi va le ku tirheni eka vana va vutiarisi.” Ku tiarisa eka yini? Xana vana va namunttha va tiarisa eka yini? Ku kotisa leswi Evha ari xiswona, eku sunguleni, Rito ra ntiyiso ra Xikwembu. Hi swona. Sweswi loko mi nga lava ku nghena eka sweswo . . .

A hi hundzulukeleni eka swona, Vaefesa 2, minete ntsena, hikuva swi tikomba swi ri kahle leswaku hi . . . Ntsena ndzi ta yima nyana, loko mi nga jahanga ngopfu, kutani ndzi hlaya swin’wana swa leswi. Vaefesa 2:1 kufika eka 2.

*Na n’wina a mi hanyiseke, n’wina mi kaleke mi fa emilandzwini ni vudyoho:*

*Leswi hi nkarhi lowu hundzeke mi nga famba hi kuya hi maendlelo ya misava leyi, hi kuya hi hosana ya matimba ya le moyeni, moya lowu sweswi wu tirhaka eka vana va vutiarisi:*

<sup>63</sup> “Vana va vutiarisi.” Nakona loko antikreste, kusukela lahaya eka vuuhlangi bya vutiarisi, xana swi tava yini loko swi kongoma eka munhu wa antikreste? Hilaha swi kanganyisaka hakona! Xana i vukanganyisi bya matimba yo tala kufikela kwihlebyi e—e lonkulu a nga byi nyiketaka misava, ku tlula n’wana lontsongo! Nakona u teri, “Moya wa—wa ku hambukisa sweswi wu le ku tirheni eka vana va vutiarisi,” vatiarisa eRitweni. Xiyisisani. Sweswi ndzi lava ku tshama ka swona eka minete ntsena, “vana va vutiarisi,” n’wana.

<sup>64</sup> Xana a mi swi tiva, n'wina, masungulo ya n'wina, ndzi nga swi khorwisa hi Rito ra Xikwembu leswaku n'wina, munhu un'wana na un'wana lahawani, a wu hanya endzeni ka kokwani wa kokwani wa wena. Nakona eka kokwani wa kokwani wa wena, u tswariwile ku rhelela eka kokwani wa wena, kutani kuya eka tatana wa wena, kutani kuya eka wena. Wa swi tiva sweswo?

Bibele yi teri, ndzi pfumela leswaku i Vaheveru 7, leswaku, Melkisedek, loko Abraham a vuya eku hlulen i ka tihi, "Abraham u pambulerile Melkisedek vukhume bya xuma hinkwaxo." Nakona hi loyi Paul sweswi a vulaka, leswaku, "Levi, loyi a amukeleke vukhume, a hari... U hakerile vukhume, hikuva a hari exisutini xa Abraham loko a ta hlangana na Melkisedek." Swingaleswi leswi endliweke hi Abraham, kutani hi kuma Levi a ri endzeni ka Abraham, loyi a ri kokwani wa kokwani wa yena. Abraham u tswarile Isak; Isak a tswala Yakobo; Yakobo a tswala vapatriaka, va Levi.

Sweswi, kutani, ma swi vona, hi leswi swi taka erivaleni, ku hlawuleriwa emahlweni.

<sup>65</sup> Sweswi, eka Mahungu lawa, ndzi lava ku-ku-ku tlhokovetsela swilo leswi ndzi mi byeleke swona eHungwini, ra ku Vonakala ka na madyambu loku Xikwembu xi vuleke leswaku ku ta ta ehenhla ka misava.

<sup>66</sup> Nakona xiyisisani, kutani, "Xivandzana lexi xi nga ta ta emisaveni, xi ta xisa lava hinkwavo lava mavito ya vona ya nga tsariwangiki eBukwini ya Xinyimpfana ya Vutomi, lexi tlhaviweke ku nga seva na masungulo ya misava."

<sup>67</sup> Hi ku ehleketa ka Xikwembu hi xoxe; Xikwembu, Moya lowukulu. Eku sunguleni, ku nga seva ni masungulo, a Xi ri Xikwembu, nakona xana ma swi tiva leswaku a miri endzeni ka Xona? Loko kuri ku u Mukreste sweswi, a wuri endzeni ka Xona nkarhi luwa.

Swingaleswi, loko sweswo swi ri tano, vukwembu bya Xikwembu emirini byi vumbiwile eka Munhu loyi a nga Yesu Kreste. Kutani loko Yesu a fa exihambanweni, ndzi file na Yena, hikuva a ndzi ri eka Yena; hikuva A ri ku hetiseka ka Rito, leri vonakarisiweke, a swi tiva leswaku hi ta vonakarisiwa endzhaku. Nakona a hi ri eXihambanweni na Yena. Hi nghanile esirheni na Yena. Kutani hi pfukile na Yena na ku pfuka ka Yena. Nakona sweswi hi tlhandlukile, hi Moya wa Yena, kuya eXiluvvelweni xa tintswalo, hi tshamile swin'we etindhawini ta le Tilweni eka Kreste Yesu. Nkarhi hinkwawo!

<sup>68</sup> Hikuva hi leswi mbewu ya vutomi bya ntumbuluko yi tisiwaka ehansi, yi mirisiwa kusuka eka tatana ku ya eka tatana, ku ya eka tatana, ku ya eka tatana, swi tano na Vutomi bya Kreste bya mirisiwa.

Xexo hi xona xivangelo xova Xikwembu xi tirhisa Moya wa Eliya minkarhi ya nthhanu yo hambana. I yini xana? I ku rhulela ehansi.

<sup>69</sup> Ntsena tani hi leswi vutomi bya wena bya ntumbuluko ni swihlawulekiso swi rhuleriweke ehansi kusuka eka ku tswala ka ntumbuluko wa tata wa wena, swi tano hi Moya wa Xikwembu, lowu hlawuleriweke emahlweni ku nga seva na masungulo ya misava.

Nakona loko Rito hinkwaro ra Xikwembu, hi ku hetiseka, ri kongomisiwile eka miri wa munhu lowu vuriwaka Yesu Kreste, lahaya Xikwembu xi ndzi endlile ndzi hakela swidyoho swa mina, endzeni ka Yena lahaya. Kutani U ndzi pfuxile, u ndzi pfuxile swin'we na Yena, eku pfuxiweni. Nakona sweswi hi tshamile na Yena, hi matimba na ku fuma ehenhla ka javulosi un'wana na un'wana. Oho, loko mi nga pfumela ntsena leswi nyikiweke hi Xikwembu! Kambe loko mi nga tshamanga lahaya, a mi na swona. Kutani loko kuri ku mi tshamile lahaya, nakona mi nga swi pfumeli, na ku chava kusuka, mi ngaka mi nga swi tirhisi. Kambe loko kuri ku mi tshamile lahaya, mi ta swi tirhisa, hikuva mi vekiwile ku ta endla leswi mi swi endlaka.

<sup>70</sup> “Faro,” hi tlhelo lerin’wana, “u pfuxiwile hi xikongomelo lexi,” Bibele yi teri, ku va Faro. “Yudas Iskariota u pfuxiwile ku va n’wana wa ku lova.”

Sweswi lemukani Mintiyiso leyikulu leyi hi yi kongomaka.

<sup>71</sup> Sweswi ha swi vona leswaku kereke yi arile ku amukela kuva Rito ra Xikwembu ri va fuma, kutani ematshan’wini ya sweswo va amukerile Barabbas. Sweswi, loko mi lava Tsalwa ra sweswo, i Matewu 27:15 kufika eka 23. Xana leswi swi endlile yini? Xana leswi swi endlile xiyimo xa njhani? Ehleketa hi swona sweswi. Loko misava ya kereke, eka vutomi bya yona byo kondleteriwa bya lavo lulama, vavanuna vo kwetsima, tani hi leswi a va ehleketa leswaku va tano, na kuva tano ematihlwени ya vanhu, va vambilе Yesu, na ku vula leswaku, “Hi ngaka hi nga pfumeleli kuva Munhu loyi a hi fuma.” Nakona Yesu a ri ku hetiseka ka Rito ra Xikwembu. Yohana wo Sungula 1, ya swi vula. Kutani va teri, “Hi ngaka hi nga pfumeleli Rito leri ra Xikwembu kuva ri hi fuma.” Hambi swi ri tano, A ri Rito, kambe mahlo ya vona a ya pfariwile eka leswi A ri swona. Hikuva A ri nhlamulo yo kongoma eka vuprofeta hinkwabyo lebyi a byi ya eku humeeleni eka Yena.

Sweswi, hinkwerhu ha swi pfumela sweswo, hikuva hi langutile endzhaku ku swi vona loko swi humeleta. Kambe loko misava yi nga, leswi nga sweswi, yona nguva leyo biha, leyi a yi tava yi vile le ndzhaku hi nkarkhi waluwa, a va ta endla nchumu lowu va wu endlaka namuntlha, hikuva ra hari Rito leri fanaka, ra nguva leyi, leri vonakariswaka. U ta swi endla. Va ngaka va nga endli nchumu wun’wana. “I vana va vutiarisi.” “Va

nyikiwile ku hambukisa ka matimba, kuva va pfumela vunwa, ni ku avanyisiwa hi byona.”

<sup>72</sup> Xiyisisani loko misava ya kereke yi nga taka yi nga n’wi amukeli Yesu, Rito, loyi a vonakarisiweke esikwini rero, hikuva (hikokwalaho ka yini?) va Ri tolokile hi ndlela yin’wana. Kambe a va fanele kuva va swi tivile leswaku A ri rona Rito rero, hikuva hinkwaswo leswi Xikwembu xi vuleke leswaku U ta swi endla, U swi endlile. Nakona U va byerile leswaku, “Kambisisani Matsalwa ya awara leyi; kutani loko Ndzi nga fikeleli swilaveko leswi ku vuriweke leswaku Ndzi ta swi endla, kutani mi nga Ndzi pfumeli.”

Va teri, “Hi pfumela Muxe.”

<sup>73</sup> A ku, “Loko ngi a mi pfumerile Muxe, a mi tava mi pfurile Mina, hikuva Muxe u vulavurile hi Mina.” Nakona hambi swi ri tano a va swi vonanga. Xona Xikwembu xa le Tilweni xi fa exihambanweni, na ku vula marito lawa vaprofeta va vuleke leswaku U ta ya vula, nakona hambi swi ri tano a va swi vonanga. Wa bona?

A va ngari va muxaka wa Yena. A va ngari va Rito, ku ngari Rito; nakona va, hambi swi ri tano, a vari—vari vakhongeri swinene. Kambe a va ngari Rito, hikuva a Ri—Ri ta lemuka ndhawu ya Rona eka awara yaleyo.

<sup>74</sup> Xiyisisani hilaha swi sasekeke hakona kuva Matsalwa ya tiboha kun’we eka tinguva hinkwato. Xiyisisani sweswi.

Kutani loko kereke ya misava yi nga pfumeleli Rito ra Xikwembu kuva ri va fuma, va amukerile mudlayi, Barabbas. Xana leswi swi endlile yini? Swi tlakusile Sathana, xikwembu xa nguva leyo biha, kuva endhawini leyi a yi lava hi nkarhi hinkwawo.

Yingisani sweswi. Hikuva, Sathana a nga vulavuriwanga tani hi xikwembu xa nguva yin’wana kambe nguva leyi. A nga vuriwanga kuva a ri xikwembu xa nguva ya Nowa. A nga vuriwanga kuva a ri—a ri xikwembu xa nguva ya Muxe, xikwembu xa nguva ya Eliya. Kambe, nguva leyo biha, hi yena... Oho, swi nga mi hundzi! Hi yena xikwembu xa nguva leyo biha, lexi gandzeriwaka hi mamiliyon na mabiliyon ya vanhu, nakona a va swi tivi. Kambe a hi pfumeleleni Matsalwa ya n’wi funungula emixweni lowu, nakona a hi langutiseni, kutani mi ta swi tiva. Pfumelelani Matsalwa...

<sup>75</sup> Tani hi le tinhlenegetanweni ta ku kambisia, loko Moya lowo Kwetsima wu nghena exikarhi ka Rito ra Wona kutani Wu vitana vito ra wanuna loyi nakona wu ku, “A wu na mhaka na ku hanya na wansati lowun’wana. Xana u swi endlile yini sweswo, khume ra malembe lawa ya hundzeke, loko u tsutsuma na nsati wa wanuna luya?” Xana Wu endla yini? Ku n’wi funungula, ku paluxa Sathana, loyi a boheke wanuna, kumbe wansati loyi a hanyaka ni nuna wa wansati un’wana, kumbe swidyo ho leswi va

swi endleke, swilo leswi va swi endleke. Swi endla yini xana? Swa n'wi paluxa.

<sup>76</sup> Madokodela va teka switirhisawa ni ku ringeta ku kuma leswi hoxekeke. Va ngaka va nga swi koti. Hi ngaka hi nga swivuli. Kambe Moya lowo Kwetsima wa humeleta na ku paluxa leswi a nga swona, na ku n'wi veka erivaleni. Wa vona? Sweswo hi leswi Rito ra Xikwembu ri nga swona. I ku Vonakala loku vangamaka emunyameni.

Nakona loko mi teka huwa ekamareni, yi twala tani hi leswi nga twisisekiki; ntlawa wa swin'wana leswi nga eku tirheni, kutani a mi swi tivi leswaku i yini. Lumekani rivoni, hi xihatla...Tithonono, mahele, hi swona—hi swona vana va munyama. Nakona loko rivoni ri vangama, swi hangalakela ekule.

“Va humile eka hina hikuva a va ngari va hina,” ku vula Bibebe. Wa vona? Va ngaka va nga hanyi eku Vonakaleni ka misava...Hikuva, Xikwembu xa Matilo xi rhumerile ku Vonakala ka Xona emasikwini lawa ya makumu, leswaku A ta voninga ndlela ya vana va Xona, leswaku va taka va nga fambi emunyameni na ku khuguriwa, kambe va ta famba eku Vonakaleni ka ku vangama ka Yesu Kreste, loyi a fanaka na tolo, namunthla, ni hilaha ku nga heriki. Amen!

<sup>77</sup> Xiyisisani, Sathana a nga vitaniwi xikwembu xa nguva yin'wana kambe nguva yaleyi. A kuri ku navela ka yena kuva a ngava tani hi Xikwembu, kusukela le masungulen.

A hi swi hlayeni sweswo. Hi ta teka ntsena nkarhi wa hina. A hi tlheleleni endzhaku eka...Wa vona, ndzi swi tsarile ehansi, Esaya 14. A hi tlheleleni lahwani eka Esaya 14, xinkadyana nyana, na ku vona leswi vuriweke hi Xikwembu. “Xikwembu nyana,” leswi endliweke hi Sathana. Esaya 14:12 na 14. Xiyisisani.

*U wise ku yini ematilweni, O Lusifa, n'wana wa vurhonga! u wise ku yini ehansi, wena la tsaniseke matiko!*

*Hikuva u kanerile embilwini ya wena u ku, ndzi ta tlhandlukela etilweni, ndzi tlakusa xiluwelo xa mina ehenhla ka ttinyeleti ta Xikwembu (vana va Xikwembu, sweswi): kutani ndzi ta tshama ehenhla ka ntshava ya nhlengeletano, ematthelweni ya n'walungu:*

<sup>78</sup> A kuri ku navela ka Sathana kuva a gandzeriwa tani hi Xikwembu. U tekile mbirhi xa nharhu, mbirhi xa nharhu xa ttinyeleti ta le Tilweni. U tlhandlukerile ehenhla ka ttinyeleti teto, na ku tichumayelela, na ku hambukisa mbirhi xa nharhu wa tona. Ma swi vona? Hi swona. Xiyisisani, sweswo i ku navela ka yena.

Nakona sweswi u tilulamiserile, na wa yena loyi a hlawuriweke hi vukheta, mutekiwa loyi a dyondzekeke hi vutivi bya yena, wa vona, loyi a pendiweke hi vuxisi bya yena, bya miako leyikulu na tidinominexini letikulu, na tipende ta vutivi na ntivo vukhongeri, na malwandla na ku tlhariha, na ku dyondzeka, ku hambukisa misava hinkwayo, na ku hundzuka “xikwembu nyana.” Sweswo hi leswi a swi endleke. Hinkwaswo swi kongomile eka munhu wa antikreste, loyi ku nga khale a ambaxiwile xidlodlo xa “mupfuni wa Xikwembu,” hi wa yena loyi a rhandzaka misava, mutekiwa wa xisayense, loyi a ambexiweke mpahla leyi khavisiweke ya vutlharhi, dyondzo ya vukhongeri. Mutekiwa u endliwile wa vukhongeri kukotisa yena, na hi ku toloka ka yena ka Rito ra Xikwembu tani hilaha a endleke Evha, na hilaha n’wana wa yena Kayini a endleke hakona.

Sweswi mi ri, “N’wana wa Sathana?”

<sup>79</sup> Ndzi kombeten i ndhawu yin’we eBibeleni laha Kayini a kaleke a vitaniwa n’wana wa Adam. Bibele yi vurile leswaku a ri “n’wana wa lowo biha,” mbewu ya nyoka. Ee, xifunengeto xi susiwile sweswi, boti. Phiramidi yi pfuriwile, tani hilaha nhlavutelo wu swi kombiseke.

<sup>80</sup> Xiyisisani leswi a nga ta swi endla, mianakanyo ya yena. A ehleketa leswaku Xikwembu a xi tshama eku sasekeni ka misava. U endlile sweswo eTilweni. Xidyoho a xi kalanga xi sungula entangeni wa Eden; xi sungurile eTilweni, loko Lusifa, n’wana wa vurhonga, a titlakusile hi ku saseka, nakona a lava mfumo wo saseka kutlula lowuya wa Mikael. Kutani a ehleketa leswaku Xikwembu xi tshama eka leswo saseka.

<sup>81</sup> Kutani xiyisisani Kayini. A nga lavi gandzelo ra ngati. U yile ehansi na ku humesa mihandzu, kumbe—kumbe tinsimu ta leswo saseka ehenhla ka altari ya yena. A ri mukhongeri swinene, u endlile hinkwaswo, sweswo, ntsena tani hilaha Abel a endleke hakona; u humesile gandzelo, a wela ehansi emahlwени ka Xikwembu hi ku gandzela, a ri na ku yingisa hi tindlela hinkwato, kambe a ngari na nhlavutelo wa Rito.

Nakona Rito a ri ri tano, kusukela emasunguleni, kungu ra Xikwembu. Kambe Xikwembu xi paluxile, hi nhlavutelo, nchumu wona lowu Xi wu tiyisiseke na ku wu hikahata leswaku wu lulamile. Ku ngari vukhongeri, ku ngari altari, ku ngari ku nghena kereke, ku ngari ku endla gandzelo, ku ngari ku tshembheka; kambe hi nhlavutelo wa Rito ra Xikwembu. Xikwembu xi ri eku n’wi paluxeleni ka leswaku sweswo swi . . .

Mana wa yena a nga tekanga apula leri a nyikiweke hi nyoka, kambe u vile na vuxaka bya le masangwini na munhu wa Sathana, hi xivumbeko xa xivandzana; ku ngari xikokovi, kambe lexo tlhariha swinene, xa manu kutlula hinkwaswo swa le nhoveni, hi xifaniso xa munhu, nchumu wun’we ntsena lowu

mbewu a yi ta pfanganyisiwa eka wona. Sweswi sayense yi le ku ringeten i ka ku n'wi kuma. Nakona va ngaka va nga n'wi kumi, hikuva rhambu rin'wana na rin'wana emirini wa yena ri cinciwile. Kambe Bibele yi tiyisisa kuva swi ri tano.

<sup>82</sup> Xiyisisani leswi nakulorhi loyi a nga ta swi endla sweswi. Nakulorhi loyi, "U ta tshama etempeleni ya Xikwembu," yaleyo i, kereke, "a ri karhi a tipaluxa tani hi Xikwembu." Sweswi loko mi lava ku swi hlaya sweswo, sweswo i Vatesalonika va Vumbirhi 2:3 na 4, na Nhlavutelo 13:4, 11 na 12; laha ku vulavuleke, vaprofeta ha vambirhi, ha vumbirhi Yohana na Paul, hi leswi a nga tava emasikwini ya makumu. Mi swi hlaya sweswi, hikuva ndzi swi tsarile ehansi lahawani. Kambe ndzi... ku hlayisa nkarhi sweswi.

<sup>83</sup> Siku leri hi hanyaka eka rona ri vitaniwa, eBibeleni, "siku ra munhu," siku ra munhu. Leri a hi siku ra Xikwembu. Xikwembu a hi xikwembu xa misava leyi; Bibele yiri a hi Xona. Hi xona Xikwembu xa Matilo. Kambe leri a hi siku ra Xikwembu.

Leri i siku ra ku hlawula. Ku ngava, ku hanyela swa namunthla, na ku fa; hlawula Xikwembu, u hanya. Nakona Xikwembu i Rito, kutani Rito i Rito leri vonakarisiweke eka siku leri na awara leyi.

<sup>84</sup> Xiyisisani, "siku ra munhu." Loko mi lava ku tsala sweswo ehansi, a ndzi ya eku swi hlayeni. Kambe Vakorinto vo Sungula 5:1-5... Vakorinto vo Sungula 4:1-5, ndzi khomeleni, Vakorinto vo Sungula 4:1 na 5, a kuri Paul a vulavulaka hi ku avanyisiwa hi munhu, esikwini ra munhu.

<sup>85</sup> "Siku leri, xana u ri vitaneli yini siku ra munhu xana?" mi nga vula tano. Hi rona siku leri mintirho hi vutivi bya munhu yi kwetsimisiwaka.

Langutani leswi, vutibuma-bumeri hinkwabyo bya makhomonisi, un'wana a ri ku ringeten i ka ku yisa un'wana en'wetini. Xikwembu xi le ku ringeten i ka ku yisa un'wana eTilweni. Wa vona? Kambe langutani hilaha va nga eku tirhiseni ka mamiliyon i na mabilion i na titiriyoni ta tidolara, hi matshalatshala yo morosa. Loko va fika lahaya, a va nga ta kuma nchumu. Xana xiphiqo xa vona i yini?

A ndzi na mhaka na n'weti. Ndzi lava ku hundza n'weti hi xihatla lero ndzi nga wu voni na ku wu vona; ntsena ku ya emahlweni na ku ya ehenhla. Ndzi lava ku hundza Xirimela Xo Basa, kuya emahlweni, ntsena kuya emahlweni. Ina!

<sup>86</sup> Nakona misava namunthla yi le ku tinyeketeleni eka vutivi lebyi teke hi Sathana. Kutani siku ra munhu ra kwetsimisiwa, ku ngari hi Rito ra Xikwembu, kambe hi vutivi lebyi a nga na byona.

Ehleketani sweswi. Pfumelelani sweswo swi nwelela endzeni. Kutani loko mi tlangisa thepi ley i, eka mhaka ley i lahawani, yimani xinkadyana nyana mi ehleketa.

Mintirho ya yena yi tlakuseriwe ehenhla ka Rito ra Xikwembu na mintirho leyi vonakarisiweke; vutlhарhi bya Sathana, lebyi a byi nyiketeke Evha ekusunguleni. Yingisani sweswi; swi nga mi hundzi leswi. Vutlhарhi bya Sathana byi tlakuseriwe exiluvelweni xa vugandzeri, eka munhu, ehenhla ka Rito ra Xikwembu leri tiyisisiweke eka awara leyи. Tikereke ta hina ti khorwisa sweswo hi ta tona—ta tona tiseminari, swikolo swa dyondzo, leswi dyondzekeke ku tlula leswi Rito ra Xikwembu ri tivaka mayelana na Swona, ti ehleketa tano. Kutani lahayá, Dokodela *Swingere-ngere*, na Mudyondzisi *Swingere-ngere*, na Profesa *Swingere-ngere* va tlakusile vutivi bya bona vinyi, leswi vuriwaka (kusuka eka Sathana) ntiyiso, ehenhla ka xitshembhiso lexi tiyisisiweke xa Xikwembu, xi vekiwile erivaleni emahlweni ka bona. Nakona munhu wa swi pfumela. Wa bona?

<sup>87</sup> Swifikeleriwa swa yena swa xisayense, ku ringeta ku khorwisa kuva Rito ra Xikwembu ri hoxekile. Ntsena ehleketa ni nyana hi sweswo. Yena, wa yena, hi leswaku, ntivo-vukhongeri bya munhu, byi hlamusela Rito ra Xikwembu eka vanhu, niku Ri endla leswaku ri nga ha tirhi nakambe, tani hilaha a swi endleke eka nguva ya xidinominexini loko Yesu a humelerile emisaveni. Yesu u teri, “N’wina vakanganyisi! N’wina, hi mindhavuko ya n’wina,” leyi nga vutoloki bya bona, “mi tekile Rito ra Xikwembu mi Ri endla leswaku ri ngavi na matimba eka vanhu.” Nakona walowo i nchumu lowu fanaka lowu va wu endleke namuntlha. A ri na matimba.

<sup>88</sup> Xiyisisani, “Vona,” vanhu, “va n’wi tlakusela ehenhla ka hinkwaswo leswi vuriwaka Xikwembu.” Xana Vatesalonika va Vumbirhi a yi vulanga leswaku va ta swi endla xana? Na wona matimba ya kereke ya xidinominexini, vanhu va pfumela dinominexini yaleyo ku tlula hilaha va pfumelaka Xikwembu hakona. Nakona Xikwembu i Rito. Va ta pfumela mukhuva wa bona wa xidinominexini ehenhla ka Rito, lowu “n’wi tlakuselaka ehenhla ka hinkwaswo leswi vuriwaka Xikwembu.” Nakona ku na Xikwembu xin’we ntsena, kutani rero i Rito.

“Hinkwaswo leswi vuriwaka Xikwembu; swingaleswi yena tani hi Xikwembu u tshama ekerekeni ya Xikwembu, a khorwisa leswaku hi yena Xikwembu,” hikuva u na vanhu lava n’wi gandzelaka. Xikwembu i Rito. Kutani u titlakusela ehenhla ka hinkwaswo leswi vuriwaka Xikwembu. Nakona ku na Xikwembu xin’we, kutani Xikwembu xexo i Rito. Wa bona? “Na hinkwaswo leswi vuriwaka Xikwembu,” i, xikwembu xa nguva leyи xi titlakusela ehenhla ka ra ntiyiso, Rito ra Xikwembu leri tiyisisiweke. Yaloye i Mukwetsimi Yohana 1. Wa bona? “Ehenhla ka hinkwaswo leswi vuriwaka Xikwembu, leswaku yena tani hi Xikwembu u tshama etempeleni ya Xikwembu,” hi vuhosí.

Langutisani, nakona wa dzunisiwa hikwalaho ka swona! Oho, pfumelela vanhu, Xikwembu, va bona vuhambukisi

byebyo! Wa dzunisiwa hikwalaho ka swona, ni ku pfumeriya hi xichavo hi vanhu va nguva leyo biha. Xana ma xi vona sweswi xikwembu nyana na malandza ya xona ya nguva leyo biha?

<sup>89</sup> Sweswi a hi swi hlaleleni loko swi vonakarisiwa. U vula leswaku u le ku endleni ka misava yo antswa kuva vona va ta hanya kona, hi vutivi bya yena ehandle ka Rito leri nga tsandzekiki ra Xikwembu. Kambe hi ku hlangana ka yena kun'we, eka tidinominexini, na mikhuva, na swa vutlharhi, na swa xisayense, na swin'wana, u le ku endleni ka misava yo antswa kuva munhu a ta hanya kona, na ku tsan'wa xitshembhiso xa Xikwembu, leswaku nkarhi wun'we ntsena laha misava yi nga tava yi lulamerile ku hanya kona hi le ka Mileniyamu. Ma swi tiva, mavonelo ya mina, u endlile misava yo antswa yo dyohela kona ematshan'wini yo hanya kona.

<sup>90</sup> Xiyisisani. Xana u swi endlile? U pasisile xidyoho. U pasisile ku nwiwa ka thothotho, ku dzahiwa ka tisigarete. Nakona etikerekeni, u pasisile leswaku wansati a ngava xirho xa kereke, na misisi leylo koma. Yimani nyana sweswi.

<sup>91</sup> A nga ha ambala leswo koma, a tola tipende, kutani a tama a ha wela eka ntawa wa yena wa vukhongeri, leswi hi ku hetiseka swi hambaneke na Rito ra Xikwembu. U vula leswaku swi lulamile. Ma byi vona vutivi bya yena? "Xana sweswo swi hlangana kwihi na wansati?" Swa ha fana na ku kha muhandzu lowu yirisiweke, kumbe ku ngari muhandzu lowu yirisiweke, sweswo hi leswi swi nga swona. Xikwembu xi virule leswaku swi nga endlili, kambe yena wa swi endla.

<sup>92</sup> Kutani wansati wa n'wi tshembha, nakona wa n'wi rhandza hikwalaho ka swona. Wansati u venga Xikwembu. Swiendlo swa yena swa khorwisa leswaku wa swi endla. U vula leswaku wa Xi rhandza, kambe u rhandza Sathana. U gandzela xikwembu xa fexeni, xikwembu xa misava, xikwembu xa xisati xa Hollywood. Wansati wa n'wi rhandza, kambe u venga Rito ra ntiyiso ra Xikwembu, lexi nga Xikwembu xin'we ntsena lexi nga kona xa ntiyiso.

U swi pasisa etikerekeni. "A swi bihangga. Vavasati va hina va nga ha endla *leswi, sweswo, kumbe leswin'wana*." Kambe eVukoneni bya Xikwembu lexi hanyaka, wansati a nga pfumeleriwi hambi kuri ku ta, handle kaloko a hundzuka.

<sup>93</sup> U vona, a ri yena xikwembu xa vusaseki bya swa misava, hi yena. Wansati u lava ku languteka a sasekile. Nakona hi yena xikwembu xa vusaseki, kusukela eku sunguleni. A nga swikota, nakona u swi fikelerile hi vutivi bya yena eka sayense na switirhiswa, ku sasekisa ya yena, nguva leyi ya xikombiso... nguva leyi ya ximanguva lawa, swa antswa, ya vubihi. Yi sasekisiwile.

<sup>94</sup> Xiyisisani. Swi na nkoka ku xiyisia. Eku sunguleni, Setha na vana va yena a va kalanga va famba hi ndlela ya xisayense.

Sweswi hi ya eku vulavuleni hi mayelana na sayense eka timinetse tintsongo. Loko ndzi vula leswi, ku ngari ku landzula ku honisa ka mina; kambe, ntlawa wa vahonisi, xin'wana ni xin'wana lexi nga ta tsan'wa Rito ra Xikwembu. Wa vona? Kunene.

Swi na nkoka. Swi langutiseni. Vana va Setha a va kalanga va famba hi ndlela ya xisayense. A va ri varisi vo titsongahata, varimi, na swin'wana.

Kambe vana va Kayini va swi endlile. Hikokwalaho ka yini? Va hloholteriwile hi papa vona, javulosi. Kayini, u hloholteriwile hi papa wa yena, javulosi, kutani lavawani va hloholteriwile hi mbewu yaleyo kuya ehansi.

<sup>95</sup> Hlalelani mbewu ya Xikwembu leyi yaka ehansi ku hundza hi nguva yin'wana na yin'wana, nakona vonani laha yi kongomeke kona namuntlha. Vakreste, Vakreste va xiviri, a va hi mayelana na ndzavisiso wa xisayense na swilo. Ee. Minete ntseña, hi ta nghena eka sweswo.

Kambe Kayini u swi endlile, endzhaku ka ntumbuluko wa tatana wa vona, javulosi, loyi a taleke hi vutivi bya swa misava, vusaseki, na sayense, na swin'wana. Vana va Kayini a vari va xisayense. A va dyondzekile. A vari vachayi va swichaya-chayani swa vuyimbeleri—vuyimbeleri; Elvis Presley wa ximanguva lawa, swin'wana swa swilo swo tani hi leswi bodo ya xikolo yi pfumelaka kuva swi humelela lahawani epatwini vusiku bya Muggivela wun'wana na wun'wana. Vaaki va doroba, va sasekisa vavasati hikwalaho ka ku navela ka vona, tani hilaha javulosi a nyiketaka vavasati pende, na ku boba misisi ya vona, na ku va ambexa leswo koma, na swilo swo tani hi sweswo. Va, i swa ku navela ka yena n'winyi ka xinyama ko thyaka. Sweswo swa kongoma, kambe a ndzi tivi ndlela yin'wana yo swi vula ha yona.

<sup>96</sup> Sweswi, ha swi tiva leswaku evhangeli ya Sathana i evhangeli ya sayense na ku humelela. U yi chumayerile eEden; ku ngari Xikwembu; Sathana u swi endlile, sayense ya ku humelela. Sayense na ku humelela i evhangeli ya Sathana. Langutisani laha a hi yiseke kona namuntlha, hi yona. Wa vona?

<sup>97</sup> Xiyisisani, u yi chumayerile eEden, eka mani? Eka mutekiwa wa Adam. Nakona u yi pfumerile. U xisile wansati kuva a kaneta rin'we ra Marito ya Xikwembu. A hi voneni leswi a nga vaka a swi vurile. U tava a teri, "A hi xisayense ku fa, ekerekeni leyo kwetsima." Kumbe, "Mi ta ya exikolweni na ku dyondzeka, ku ngari ku pfumela swilo leswo ka swi nga twakali swo tani hi rifu. A ndzi na mhaka na leswaku Rito ra Xikwembu ri swi vurile; a swi twakali."

<sup>98</sup> Oho, n'wi langutiseni namuntlha. "Xikwembu i Xikwembu xa kahle. Mi le kerekenei ya Xona yo kwetsima; hikokwalaho ka yini, mi ngaka mi nga fi." Kambe Xikwembu xi vurile leswaku u

ta fa, kutani swa swi hetisekisa. Ma n'wi vona namunlha? “Oho, ntsena welani ekerekeni. A hi leswi mi swi endlaka, kumbexani *leswi, sweswo*, kumbexani *leswin'wana*. Ntsena tana ekerekeni kutani mi va swirho swa kahle. Ku tsemeta misisi ya n'wina, sweswo i thyaka. Nakona ku ambala leswo koma, na ku tola pende, na ku ya emincinweni, na ku kuma swibyalwana kan'we endzhaku ka nkarhi, a swi nge mi vavisi, ntsena loko mi nga swi endli swa ntolovel. Kuya hi ntiyiso, ndzi navela ingaku n'wina vana mi nga swi teka, leswaku va ta swi tiva leswaku va swi rhandza kumbe ee.” Hi xexo, xikwembu xa nguva ley, nguva leyo biha.

<sup>99</sup> “Xikwembu i Xikwembu xa kahle.” Ndzi twile sweswo swinene kukondza ndzi vabya. Xikwembu nakambe i Xikwembu xa vululami. A hi xona mukhalabya wo hlanya loyi a nga susumeteriwaka kun'wana na kun'wana, nakona vatukulu va Yena a va na xidyo ho na xin'we. Hi xona Xikwembu xa vululami na vukwetsimi. Xi swi khorwisile entangeni wa Eden, hi vana va Xona vo sungula. Loko u tsemakanya ntila walowo, wa rin'we ra Marito ya Xona, u file. Nchumu lowu fanaka wa ha tirha namunlha.

<sup>100</sup> Nakona xiyisisani, u chumayerile muxaka walowo wa xisayense, wa ximunhu, wa vudyondzeki, evhangeli ya ku humeleta eka Evha, kutani mutekiwa wa Adam u yi pfumerile. Kutani u humelerile eku tateni ka leyitaniwaka mutekiwa wa Kreste, kereke ya Adam wa Vumbirhi, hi minkwetlambetano leyi fanaka. Hi swona sweswo.

<sup>101</sup> “Oho, a hi—a hi swa Xikwembu; Xikwembu xi kahle ngopfu kuva xi nga swi endla. Hikokwalaho ka yini, ntsena loko u ya ekerekeni. ‘Loko u pfumela.’” Javulosi wa pfumela; ku ngari ku pfumela ko tiendlisa, kambe wa pfumela hakunene. A nga ponisiwanga. “Loko u pfumela.” Ahaa!

<sup>102</sup> U byela mutekiwa wa vumbirhi, kumbe Mutekiwa wa Adam wa Vumbirhi, swo fana ni leswi a swi byeleye lowo sungula. Swo tani hi, “Sweswi, ku horisa ka Matimba, ku hava nchumu wo tani hi sweswo. Hi nga swi khorwisa. A ku si tshama kuva na mhangu leyitaniwaka.” “Na wona nkhuvulo lowu hi Vito ra Yesu, xana a mi swi voni sweswi leswaku ndzi na matimba eka kereke?” u teri. “Hi swi tshamisekisile eNicaea, eRhoma,” loko mimoya yinharhu ya thyaka yi humerile ehandle ka dragona, vaprefeta va mavunwa, na swin'wana. “Hi pfumela leswaku ku na vunharhu bya Swikwembu.” Oho, hikwalaho ka vunene! Sweswi i vuvedeni hilaha byi nga vaka hakona. Mi nga tshuki mi tile emahlweni ka Xikwembu na nchumu wo tani hi walowo, ku ringeta ku yima eVukoneni bya Xona. “Oho, a swi endli ku hambana loko u khuvuriwile hi swiyimela vito swa ‘Tatana, N'wana, Moya lowo Kwetsima.’ Hi kwihi ku hambana loku swi ku endlaka xana?”

<sup>103</sup> Swi endla ku hambana swinene, ku kondza Paul a lerisa ntlawa wa Mabaptist leswaku va fanele ku tlhela va khuvuriwa hi Vito ra Yesu Kreste loko Moya lowo Kwetsima wu nga se wela eka vona. Nakambe swi vangile leswaku muapostola yaloye a huwelela, a vula leswaku, “Loko ntsumi yi ta kusuka eTilweni na ku chumayela nchumu wun’wana, a yi rhukaniwe.” Kunene, swi endla ku hambana. Oho, mina!

<sup>104</sup> “Ku hava nchumu wo tani hi nkhuvulo wa Moya lowo Kwetsima masiku lawa. Sweswo a swi ri swa vaapostola ntsena. Swi hundzile. Kutani nchumu wo tani hi vaprofeta xana? A wu kali wu tiveka na ku tiveka. Mahlori xana? A hi ya xisayense. Malakiya 4 xana? Sweswo akuri swa nguva yin’wana. Yohana 14:12 xana? Oho, Yesu a nga kalanga a swi vula sweswo. Luka 17:30 xana? Oho, sweswo a kova xianakanyiwa ntsena. Wa vona, swi—swi tolokiwile hi ku hoxisa; a swi ngari eka swa xiviri.” Hansahansa yo tani!

Loko Xikwembu xa Matimba hinkwawo xi xikela exikarhi ka hina na ku swi khorwisa. Loko Xi vula, leswaku, “Yesu Kreste wa fana na tolo, namuntha, ni hilaha ku nga heriki,” Xi khorwisa leswaku swi tano. A ndzi na mhaka leswaku i mani a nga vuriki yini hi swona; Xikwembu xi toloka Rito ra Xona N’winyi. Xi vurile leswaku Xi ta endla swilo leswi emasikwini ya makumu. “Ku tava ni ku Vonakala hi nkarhi wa nimadyambu.” Kutani ni ku Vonakala, ka ku vonakariswa ka N’wana wa Xikwembu.

<sup>105</sup> Dyambu leri fanaka leri xaka evuxeni i dyambu leri fanaka leri pelaka evupela-dyambu. Muprofeta u teri, “Ku tava na siku leri nga taka ri nga vitaniwi nhlikanhi hambi kuri vusiku.” I ku dzwihiha, mapapa, tani hiloko ya ri ehenhla ka xikandza xa dyambu. Kambe a ku, “Hi nkarhi wa madyambu ku Vonakala ku tava kona nakambe.” N’wana loyi a fanaka! Hi xona Alfa na Omega. N’wana loyi a fanaka loyi a pfukeke evuxeni u bvumbiwile ku ta pfuka nakambe evupela-dyambu, emasikwini ya makumu, ntsena loko siku ri nga se hela. A ndzi tivi hilaha va Ri tolokelaka hakona; Xikwembu xi tolokela Rito ra Xona N’winyi. Xa Ri khorwisa. Lowu i nkarhi wa ni madyambu.

<sup>106</sup> Swa vava, kambe hakunene u swi pfumerile nakambe. Mutekiwa wa Kreste u swi pfumerile, kutani u tekile vutivi bya vutlharhi bya muchumayeri wo karhi wa seminari ematshan’wini yo pfumela lero teng, Rito ra Xikwembu leri tiyisisiweke.

<sup>107</sup> Sweswi tiministara le handle etikweni kwalaha mi nga kona, mi nga ha kanetana na Leswi. A ndzi le ku mi vaviseni. Ntsena ndzi ringe- . . . Ndzi vulavula na ntlawa wa mina n’winyi. Ntsena ndzi ringeta . . . Loko mi lava ku tshama endzeni, kunene ndzi nga swi tsakela kuva mi Swi twa. Kutani mi Swi yingisela. Wa vona? Kambe ndzi le ku va byeleni ka leswi va—leswi va swi

voneke, ni ku swi kombisa eka vona; Xikwembu xi ri eku swi khorwiseni, leswaku swi lulamile. Wa vona?

Leyi hi yona awara. A swi lavi un'wana a Swi tolokela. Vutivi bya n'wina bya swa misava a byi na nchumu... U ngava u ri na B.A., D.D., A.D., kumbe hambi swi ngava swiri yini; a swi vuli nchumu na wun'we. Xikwembu xi tolokela Rito ra Xona, hi Xoxe. Xi swi tshembhisile, kutani hi leswi lahawani.

<sup>108</sup> Kambe hi vutivi bya seminari, ku chumayela ka xidinominexini, "swi vangile leswaku misava hinkwayo yi landzelela xivandzana lexi mbanga ya xona yi holeke," kusuka eka vuheneni kuya eka vuphophu. Ma ku vona laha a kongomeke kona xana? Wa swi pfumela. Wansati u pfumela vutivi lebyi a n'wi byelaka byona.

<sup>109</sup> Hi leswaku, vonani sweswi, hi leswaku vatekiwa ha vumbirhi lava vutiweke va pfumerile vutivi bya Sathana ku lwisana na Rito ra Xikwembu. Mutekiwa wa Adam u pfumerile vutivi bya Sathana ku lwisana na Rito ra Xikwembu, nakona mutekiwa wa Kreste u pfumerile vutivi bya Sathana, eka nguva leyo biha ya swa vutlharhi, ku lwisana na Rito ra Xikwembu.

Nakona xiyisisani. Evha, hi swa ntumbuluko, loyi a swi pfumeleke, kutani u nyuperisele rixaka hinkwaro ra vanhu eka rifu. Mutekiwa wa ntumbuluko! Adam, wanuna wa ntumbuluko wa le misaveni; mutekiwa wa yena, loko a nga se ya eka yena, kuva nsati wa yena, u nyuperisile rixaka hinkwaro ra vanhu eka rifu. Hambi i xisayense kumbe ee, hi fa hilaha ku fanaka, hikuva Xikwembu xi virile leswaku hi ta va tano.

Hambi u le ka Eden wo kwetsima, kumbe kereke yo kwetsima, kumbe dinominexini yo kwetsima, kumbe hambi ku ngava kuri yini, u ta fa siku u nga pfumeleki Rito rin'we ra Rito ra Xikwembu kuva ri ri Ntiyiso, loko Ri tiyisisiwile na ku khorwisiwa eka wena. Rero i siku leri u tihambanyisaka na Xikwembu. Ku ngari xivulwa hinkwaxo; Rito rin'we. "Un'wana na un'wana loyi a nga ta engetela rito rin'we, kumbe ku susa Rin'we," rero i siku leri u nga ta fa.

<sup>110</sup> Xiyisisani, mutekiwa wa Adam u vangile rifu ra ntumbuluko erixakeni ra yena, rixaka ra yumunhu.

Kutani mutekiwa wa Adam wa Vumbirhi, mutekiwa wa Kreste loyi a vutiweke, u nyuperisele kereke hinkwayo eka rifu ra xidinominexini, ku teka mfungho wa xivandzana, hi ta xisayense, ta swa vutlharhi, tidinominexini letikulu. "Hi Mabaptist. Hi Mapresbyterian. Hi Mapentekostal," na swin'wana. "Hi na *leswi*, nakona hi fuma tinhundzu totala. Hi, hi tiveka swinene eka mfumo. Hi le misaveni hinkwayo," na hinkwaswo swilo swo tano. "Na lavo antswa ku tlurisa, na meyara wa doroba, na van'wana, va ta eka hina. Hambi yi ri Presidente ya ta leswaku vunyingi byi tava na hina, nakona hi ya eka *leswi*, *sweswo*, kumbe *leswin'wana*." Misava hinkwayo

yi nyuperisiwe eka ra ximoya, rifu ra xidinominexini; kereke hinkwayo. Yi file!

Mi ri, “U le ku angarheleni ka ndhawu yi kulukumba.”

<sup>111</sup> Yesu u teri, “Tani hilaha a swi ri xiswona emasikwini ya Nowa, laha mimoya ya nhungu yi nga ponisiwa, swingaleswi swi tava tano eku vuyeni ka N’wana wa munhu.” “Emasikwini ya Lot, laha vanharhu va humesiweke eSodoma, esikwini rero . . .” Sweswi ku na ntlawa lowu ku nga khale wu ri ehandle, tsundzukani. “Kambe, tani hilaha a swi ri hakona nkarhi luwa, loko N’wana wa munhu a ta tivonakarisa.” Langutisani leswaku i siku muni, langutisani laha hi hanyaka kona!

<sup>112</sup> Sweswi wansati u vangile kuva misava hinkwayo yi amukela vurhangeri bya xisayense bya nongonoko wa dyondzo leyi Sathana a n’wi nyiketeke yona ehansi ka vito ra kereke, vurhangeri bya dyondzo, ya nongonoko wa xisayense. Ndzi le ku mi faniseleni ka xikwembu xa misava leyie.

Loko wansati, tani hi Evha, a ri na ku tatisa ka Rito ra Xikwembu exandleni xa yena, a tava a tekile Rito ra Xikwembu. Kambe xana u endlile yini eka Sweswo? Ematshan’wini ya ku yimela nkhuvulo wa Moya lowo Kwetsima, u pfumelerile sayense yi n’wi khorwisa leswaku Moya lowo Kwetsima a wuri wa vadyondzisiwa ntsena.

Ematshan’wini yo yisa ku horisa ka Matimba emahlweni, loko a fanele kuva a ri eku pfuxeni ka vafi sweswi ni ku endla mahlori lamakulu; u pfumelerile Sathana, ehansi ka vurhangeri bya yena bya munhu wa vukhongeri, ku teka Rito ra Xikwembu na ku ringeta ku vula leswaku a Ri ri ra nguva yin’wana. Kutani u swi pfumerile.

<sup>113</sup> Loko, Bibele yi ku, “Swilo leswi Ndzi swi endlaka na n’wina mi ta swi endla.” Yesu u swi virule. “Yanani emisaveni hinkwayo kutani mi chumayela Evhangeli eka xivumbiwa xin’wana ni xin’wana.” Hi swivumbiwa na hina. “Masingita lawa ya ta landzela un’wana na un’wana wa lava pfumelaka.” Wansati u kaneta xiphemu xin’wana na xin’wana xa Rona.

<sup>114</sup> U kaneta hinkwaswo leswi nga ehenhla ka ntumbuluko, nakona u Ri cincisele eka matwisisele ya vutlharhi bya yena eka Bibele; laha vaprista, na vafada vo kwetsima, va vitanowi tano, laha tibishopo, tibishopo nkulu, laha mapresbyter ya xifundzha, valanguteri va mani na mani, na van’wana, va vekeke vutoloki bya vona vinyi eka Rona. Kutani Xikwembu xi va sukerile, va tshamile kwalahaya, va file tani hi khume mbirhi ehenhla ka nhloko.

Swilo leswi saleke swi ri swoxe emasikwini ya makumu i ntlawa wa Mapentekostal lavantsongo na ntlawa wa vuyimbeleri lebyi baka huwa hilaha va nga swi kotaka hakona, va tsutsumela ehenhla na le hansi, va vulavula hi tindzimi na ku huwelela, “na kuva na nghohe ya vukhongeri, kambe va tsan’wa Rito ra

kona.” Va byeli kuva va khuvuriwa hi Vito ra Yesu Kreste; va ta hleka emahlweni ka wena. Kambe, sweswo, Xikwembu xi ya emahlweni xi swi endla tano ntsena hilaha swi fanaka, ku khorwisa kuva Rito ra Xona ri ri tano.

<sup>115</sup> Xiyisisani, murhi lowu Sathana a vangeke kuva Evha a wu dya, a wuri “murhi wa swo saseka na swo biha.” A wuri murhi lowu pfanganyisiweke.

Sweswi langutisani siku leri hi hanyakaka eka rona, loko A ri karhi a vitana Mutekiwa. U ni kereke leyi koxaka kuva yi endla swa kahle, loko yi bibile, hi ku tsan’wa Rito. Murhi lowu pfanganyisiweke. Oho, mi ri, “Va—va na tisosayiti letikulu. Va—va—va pfuna *leswi*. Nakona Red Cross ya swi pasisa. Nakona swikolo hinkwaswo, swi . . . Langutisani lahwani!”

Oho, kambe tsan’wa Rito rin’we ntsena, hi sweswo ntsena leswi u faneleke ku swi endla kuva u fa; swi ngari na mhaka hilaha swi nga na vutlharhi hakona, hilaha swi nga kahle hakona. Yesu u teri, “Comela lexintsongo xi kukumuxa mbila hinkwayo.” Xivati xin’we xa comela xi onha mbila hinkwayo. Rito rin’we ra Xikwembu, leri susiweke ematshan’wini, ri bihisa Xifaniso hinkwaxo. Mi ri yini mayelana na kuva voko ra mina ri ngava laha nenge wa mina wu faneleke kuva kona? Wa vona? Swi ngava njhani loko ndleve ya mina a yi ri ehansi laha voko ra mina ri faneleke kuva kona? “Comela lexintsongo xi kukumuxa mbila hinkwayo.”

Mi ri, “U swi tivisa ku yini leswaku Swi lulamile?” Xikwembu xi Swi khorwisa kuva leri lulameke. Xa Swi tiyisisa. Xi Swi virule kwala Ritweni, kutani Xa Swi khorwisa. Sweswo hi leswi hi swi tivisaka xiswona leswaku Ri lulamile kumbe ee.

Ku tsan’wa Rito rin’we hi swona swi endlaka ku fa. Swi tisile mbuyelo lowu fanaka eka nguva leyo biha, rifu ra ximoya, tani hilaha swi endleke rifu ra xinyama erixakeni hinkwaro ra vanhu.

<sup>116</sup> Xiyisisani hilaha Sathana a kumeke nguva liya ya xisayense le ndzhaku lahaya, ya Nowa, ku tiseketela hi matwisiselo ya vona vinyi. Ahaa! Bibele ya hi byela, eka Swivuriso, “U nga titshemphi ku tlhariha ka wena.” Nakambe, “Rito ra munhu un’wana na un’wana a ri vi vunwa, kutani ra Xikwembu riva ntiyiso.” Kambe Sathana, hi vutivi bya yena, kusukela eku sunguleni entangeni wa Eden, u endlile leswaku vanhu va tiseketela hi matwisiselo ya vona. Nakona, ma swi tiva, hi mintirho ya Max Factor ya yena leyikulu leyi a ri na yona le ndzhaku, u endlile vavasati va xonga kukondza swi vanga kuva n’wana wa munhu . . . vana va Xikwembu, swa antswa, va wela exidyohweni kutani va va teka. Hi swona. U . . . Vavasati a va xongile swinene, va sasekile swinene.

<sup>117</sup> Sweswi tekani wansati wo tolreveleka exitarateni namuntlha. Vunyingi bya n’wina mi hlayile xitor; a mi se tshama mi xi twa,

hikuva xi vile emahlweni ka masiku ya mina. Pearl O'Brien, i vangani lava nga tshama va twa hi ta yena? Kunene. A fanele kuva wansati wo saseka ku tlurisa emisaveni. Hikokwalaho ka yini, ku hava n'wana wa xikolo loyi a yaka exikolwени namunthla a ngari loyi a sasekeke ha kambirhi hilaha a ri xiswona. Hikokwalaho ka yini swi ri tano? Vusaseki bya vavasati byi ta humelela emasikwini ya makumu.

Va tsemetile misisi ya vona. Va yi vekela etirhokweni ta swinhwenyetana leswintsongo. Va ambala leswo koma, na tibikini, na leswi mi swi vurisaka xiswona, eka vona. Va tola pende, switolwa-tolwani, na muxaka wa swilo leswi hinkwaswo, ku va endla nchumu lowu va nga riki wona. Wa vona? Kambe hi vutivi bya xisayense va swi kotile kufikelela leswi. Xana ma swi tiva leswaku ku tirhisiwa mali yo tala eka switolwa-tolwani swa vavasati, kutlula leyi nga kona, eUnited States, kambirhi kumbe kanharhu hi ku tlurisa, eka leyi tirhisiwaka eka swakudya swo hanya hi swona? Swi khorwisa leswaku, sweswo hi swona, eka switolwa-tolwani.

<sup>118</sup> Xiyisisani, “Vana va Xikwembu va vona vanhwenyana va vanhu,” ku ngari vanhwenyana va Xikwembu, “vanhwenyana va vanhu, leswaku va sasekile,” kutani swi vangile leswaku vana va Xikwembu va wela eka vutixisi lebyi. “Kutani va titekela eka vona e vavasati na ku va hlomisa,” kutani swi tisile nguva ya vuoswi, ntsena tani hilaha swi nga xiswona namuntlha; tani hilaha a swi ri xiswona eSodoma, tani hilaha swi bvumbhiweke kuva xiswona namuntlha.

Leswaku, loko vavanuna na vavasati va siku leri va cincana vavasati. Loko va nga n’wi lavi nsati loyi, va—va ya le ka Reno, eNevada, kutani va ya tekana; nakona, kumbe va thalana, luyani, a teka nakambe eka khume ntlhanu wa timinetse. Nakona vavasati va sasekile swinene lero a va aleki. Kutani xana i yini? I javulosi! Ma swi vona leswaku Sathana wa hari eka vusaseki? Xiyisisani.

<sup>119</sup> Xiyisisani, xidyoho xexo a va kalanga va rivaleriwa xona. Yaleyoyo xonga, nguva ya xisayense a yi ri yona nguva yo biha leyi Xikwembu xi yi heriseke exikandzeni xa misava; yaleyoyo xonga, nguva ya xisayense. Yesu u virile leswaku swi tava sweswo nakambe ntsena ku nga seva na ku vuya ka N’wana wa munhu. Hi swona sweswo? Xiyisisani, Yesu u teri, “Tani hilaha a swi ri xiswona emasikwini ya Nowa, swi tava tano eku vuyeni ka N’wana wa munhu,” loko hinkwavo va ringetile ku tekana... Vonani sweswi, “Vana va Xikwembu va titekerile vanhwenyana vo saseka va vanhu,” kutani Xikwembu a xi kalanga xi va rivalela hikwalaho ka swona.

<sup>120</sup> Ntsena ku fana na dyondzo ya Balaam, laha a vangeke lavo xonga, va vutlharhi, vavasati va xisayense va Moab ku...hi matihlo ya vona yo gangisa, tipende ta yena na tiphawudara,

tifendlele ta yena ta kahle, ku yenga vana va Xikwembu; ku lwisana na vavasati va vona vinyi lava a va tirha na kuva na timbhonya eswandleni swa vona, va ngari na switolwatolwani. Va va yengile kuya kona, kutani, "A hi tekaneni, hikuva hinkwerhu hi vanhu van'we." Sweswo a kuri vunwa! Sweswo a kuri e—e vunwa, na ku humelela ka javulosi, eku endleni ka leswaku vana va Xikwembu va teka e—e vanhwenyana va vanhu.

A kuri vunwa bya javulosi, eka Balaam, muprofeta lowa vunwa, ku ringeta ku profeta ku lwisana na Muxé loyi a ringeteke ku khomelela rixaka kun'we; ku vula leswaku, "Hi swona, hi pfumela Xikwembu lexi fanaka. Hi nyikela minyikelo yo fana. Hi na switlhavelo swo fana. Hi endla hinkwaswo ku yelana."

"Swi kusuhi lero swi nga hambukisa Vahlawuriwa loko swi nga koteke." Wa vona? [Xivati lexi nga riki na nchumu eka thepi—Muhleri.] Sukani eka yena, vanhu! Mi hava xo xi endla na yena!

<sup>121</sup> Xiyisisani, a swi nga tshembhisi kuva Xikwembu xi nga toloka Rito ra Xona eka rixaka ra Kayini ro biha. Ee. Xikwembu a xi nga tava tolokela Rito ra Xona. Xiyisisani . . . [Xivati lexi nga riki na nchumu eka thepi—Muhleri.]

Xikwembu, vutivi byo endla misava yi xonga swinene na ku va ya xisayense na kuva na vudyoho, a Xi fanele ku yi herisa? Xana Xikwembu a xi ta endla sweswo, ku endla misava yi xonga swinene; langutisani lahawani, Xikwembu xi endla vanhwenyana va Xona va xonga swinene, nakona va tiambexa swa vugangu swinene, leswaku vana va Xona va tava navela na ku endla vuoswi? Yini? Xikwembu xi endla nchumu wo tani hi walowo?

Lava nga ambalangiki nchumu, ntawa wa Malaodekiya lama hluvuriweke, va gandzela xikwembu xa misava leyi, hi milawu ya matikhomelo ya vona, na dyondzo, na vutlharhi, na vuxongi. "Humani eka yena," Bibele yi teri, "mi ngavi na xiave eka vudyoho bya yena, nakona mi nga amukeli makhombo ya yena." Xikwembu xi ta nisa xihangu kusuka empfhukeni siku rin'wana, swo kula ku ringana na dzana ra tipondo hi xin'we xin'we, kutani xi ta n'wi herisa hi ku n'wi khandla; tani hilaha Rito ra Xona ri tshameleke ku vula leswaku Xi swi endlile, milawu ya Xona.

Hi swona, loko Xikwembu a xi endlile nchumu wo tani hi walowo, xi paluxile Rito ra Xona eka vanhu vo tani hi valava, a Xi tava xi ri—xi ri eku hluleni ka xikongomelo xa Xona N'winyi. Xikwembu a xi mphutanga. Hi Xona xihlovo xa vutlharhi hinkwabyo.

Kutani ma ku vona laha swilo sweswo swi humaka kona? Swi huma eka Sathana, nakona swi tama swa hari swa Sathana. Kutani kereke yi swi pfumerile.

<sup>122</sup> Ma swi vona sweswi, vavasati, ndzi le ku ringeten i tindlela hinkwato ku mi kombisa Rito ra Xikwembu. Bibele yi teri, "Loko wansati a tsemeta misisi ya yena, u xumbadza nhloko ya yena," leyi nga nuna wa yena. Nakona nuna wa yena i nhloko, na Xikwembu, swingaleswi wansati u xumbadza Xikwembu na nuna wa yena.

<sup>123</sup> Sweswi leswi swi kombisa leswaku i mani nhloko ya mafambiselo ya kereke ya misava leyi. Sweswo swi kombisa leswaku i mani nhloko ya swona. I Sathana, hi xivumbeko xa munhu wa le henhla, munhu wa vutivi, vutivi bya le henhla. U tiva ku tlula vona hinkwavo. Swi ngari na mhaka leswaku Rito ri ri yini, u—u na vutoloki bya yena n'winyi eka Rona, wa vona, vutoloki bya nguva leyo biha.

<sup>124</sup> Xiyisisani makungu ya yena ya ku aka kereke ya le henhla ya xidinominexini, World Council of Churches, wa vona, dinominandexini ya le henhla, leswaku misava hinkwayo yi ta n'wi gandzela, xivandzana, ehansi ka vito ra Vukreste lebyi hlanganeke. Xana mi nga tsakela ku swi hlaya sweswo eBibeleni? Nhlavutelo 13:6 na 8. I xihondzo xa Babel xa ximanguva lawa.

<sup>125</sup> Xana a mi tsundzuki hilaha Nimrod, mukanganyisi luya, a akeke xihondzo lexikulu na ku endla leswaku swidorobani leswin'wana hinkwaswo swi hakela xibalo eka xona? Babble na Babel i nchumu wun'we. Ntsena wo cinca mavito ya wona, nakona, loko wu ri karhi wu ya emahlweni. Hi wona, Rhoma sweswi i Babilona. Kutani misava hinkwayo yi yisiwile eBabilona, nakona yi yisiwile hi World Council of Churches leyi nga ta endla leswaku un'wana na un'wana wa vona a yi nkhinsamela. Kutani mi tekile mfungho wa xivandzana, mi ngari eku tiveni ka leswi mi swi endlaka. Hikuva . . .

Kambe lava hlawuriweke va ta twa Rito kutani va huma eka yona.

<sup>126</sup> Hilaha dinominexini yi hambaneke hakona na Rito ra Xikwembu! A xi kalanga xi va na yin'we, a xi kalanga xi tirha eka yin'we, nakona a xi kalanga xi tirhisana na yin'we. Ndzi lava mutivi wa matimu wo karhi a ndzi kombeta laha muprefeta a kaleke a ta a huma ekerekeni. Ndzi kombeti laha Xikwembu xi kaleke xi katekisa kereke leyi a yi ri . . . endzhaku kaloko yi kondleteriwile. Yi yile evuhirhini kutani yi fa, na vutlharhi byo dyondzela ku suka eka javulosi, hi varhangeri va ton, nakona ti tsan'wile Rito ra Xikwembu loko Ri ri karhi ri kula kuya eka xifaniso lexi hetisekeke xa Kreste. Sweswi swi le nhlokweni. Hilaha swi hambaneke hakona!

Tihambanyiseni na Evha yaloye a nga pfumeriki, n'wina vana va ku Vonakala ka nimadyambu!

<sup>127</sup> Sathana, xikwembu xa nguva leyi, hi vutivi bya yena, u le ku endleni ka leswaku vanhu va dya kusuka emurhini wa yena lowu pfanganyisiweke wa swo saseka na swo biha. Xiyisisani,

Sathana, hi vutivi bya yena, u le ku vangeni ka leswaku vanhu va nguva leyo biha va dya kusuka emurhini wa yena wa swo saseka na swo biha. U vula leswaku u le ku akeni ka nhluvuko lowukulu wa Vukreste, hi vutivi bya yena bya swo saseka na swo biha, nhluvuko lowukulu wa Vukreste.

<sup>128</sup> Kambe Ntombhi leyintsongo ya Kreste, Rito, Ntlhambi, Mutekiwa, a nga na mhaka na vutivi bya yena. U tshama, yena, ekule na yena. I yini... A hi vulavuleni hi Yena, xinkadyana. U yimela Hosi ya Yena na n'weti wa varhandzani wa Mileniyamu ya Yona, kahle, na Muteki wa Rito, tani hi leswi Yena a nga Mutekiwa wa Rito.

<sup>129</sup> Vutivi na nhluvuko, na Vukreste bya ntiyiso, a swi hlangani helo. Nhluvuko, na Vukreste bya ntiyiso, swihava na xin'we lexi xi swi hlanganisaka.

Nhluvuko wu ta hi vutivi. Hinkwerhu ha swi tiva sweswo. Nakona vutivi byi huma eEden, u swi khorwisile, hi leswi a swi chumayileke eEden. Nakona vutivi byi vanga rifu. A hi swona sweswo? Xana i yini lexi vangeke rifu entangeni wa Eden? Vutivi. Kambe byi ngaka byi ngavi bya Xikwembu, swingaleswi i bya javulosi. Yhuu, xana a swi ri swa kahle sweswo! Vutivi, sayense, dyondzo, i xirhalanganyi lexikulu lexi Xikwembu xi nga tshama xi va na xona. I xa javulosi.

Ndzi ta kuma mapapila hi mhaka ya sweswo sweswi, ndza swi tiva. Ndzi ma yimerile.

<sup>130</sup> Vonani leswi ndhavuko wu hi ngheniseke eka swona sweswi. Wa vona? Vonani leswi wu swi endleke. Hi le kwihi xana? Hi korhamerile eka swilo leswiya, hi matwisiselo ya hina hi sayense ya hina.

Mi ri, "U ri yini hi Xikwembu, u ehleketa leswaku Xi na ku honisa?" Oho, ee.

Xikwembu xi ta endla nhluvuko wa muxaka wa Xona N'winyi emisaveni, loko Xi ta yi teka. Leyi i misava ya Sathana; sweswi hi yena xikwembu xa vutivi bya yena bya sayense ya misava. Kambe Xikwembu xi ta endla nhluvuko wa muxaka wa Xona N'winyi. A wu nga tava nhluvuko wo kotisa lowu. Ntsena tsundzukani sweswo. A wu nga tava muxaka wa nhluvuko lowu hi nga na wona namuntlha. Ee, ee. Wu tava wuri hi kuya hi Rito ra Xona na xikongomelo xa Xona. Hikuva, xikwembu xa nguva leyo biha ya nkarhi lowu xi ta herisiwa, kun'we na mfumo wa xona.

<sup>131</sup> Nguva leyi ya ximanguva lawa yo rhandza vutivi yi ngaka yi ngavi na murhangeri wo antswa ku tlula loyi yi nga na yena, Sathana, muencenyeti wa Rito ra Xikwembu, tani hi leswi a sunguriseke xiswona entangeni wa Eden, kambe munhu wa vukhongeri loyi a tshembheleke eka matwisiselo ya yena n'winyi.

Tani hilaha ndzi vuleke eku sunguleni, Swivuriso 3:5, leswaku, "A hi fanelanga ku tshembhela eka matwisiselo ya hina vinyi."

Va fanerile kuva na xikwembu, hikuva i vanhu. Hambi swi ri tano, u va endla leswi va swi lavaka. Tani hi kuva vanhu, nkarhi hinkawo, vanhu hinkawo... Loko hi ta lahawani, hi kumile Maindia va ri karhi va gandzela swikwembu swa hava, na dyambu, na hinkwaswo. Tani hi vanhu, va fanele kuva na xikwembu. Swingaleswi nguva leyikulu ya vutlharhi yi fanele kuva na xikwembu, swingaleswi xi hundzukile... Xikwembu nyana xa misava leyi xi hundzukile vutivi, dinominexini, sayense, "va na nghohe ya vukhongeri, kambe va tsan'wa Matimba ya byona."

<sup>132</sup> Xiyisisani, xikwembu xa vona xi va endla ntsena leswi va swi lavaka. Va na ku navela ka nyama, kutani sweswo hi leswi xi va nyiketaka swona. "Va lava ku ambala tibikini. Va pfumeleleni va swi ambala. Wa vona? Loko va lava ku endla *leswi* kumbe *sweswo*, va pfumeleleni va swi endla. A kuna xo biha eka swona; va ya ekerekeni. Manana wa vona a kuri Methodist, Baptist, Pentekostal, Presbyterian. Ntsena va tshikeni va ri voxē."

Xexo i xikwembu xa nguva leyi; xa malwandla, xo tlhariha, xa xisayense. A xi lavi ripfumelo. A xi boheki ku khorwisa nchumu. Swi khorwisiwile khale, hi vutivi bya vona. "Hi swona, hi hina kereke leyikulu edorobeni," vutivi bya vona. "Mufundhisi wa hina u na D.D., Ph.D." Wa vona, a swi lavi ripfumelo; va tshembherile eka vutivi. Xi va pfumelela va hanya hi ndlela yin'wana na yin'wana, ntsena loko va ya kuya xi gandzela hi dinominexini na mukhuva wa vona. Ku na tihlo lerikulu ra ntima lahayá, kambe ri langutiseni.

Va hleka Rito ra Xikwembu, va ri karhi va vula swilo leswi hambaneke na Rito; nakona va ringeta, hi vutivi bya vona, ku khorwisa hi xisayense leswaku Rito a hi ntiyiso. Oho, i nguva muni leyi hi hanyaka eka yona! Ma xi vona xikwembu xa nguva leyi xana?

<sup>133</sup> Xiyisisani, kambe Xikwembu xi rindzerile kufikela laha ku homboloka ka Vaamor lava ximanguva lawa va tatiwa. Mi nga vileli, Xi tava na Muxé wa Xona loyi a tilulamiseleke enkarhini walowo. Ku tava na eksoda, siku rin'wana, kuya etikweni ra xitshembhiso. Ku tava na Muxé loyi a nga ta ta, loyi a nga ta huwelela, "ku tlherisela Ripfumelo ra vana eka vatatana." Swi ta fika, rin'wana ra masiku lawa. Xana...

Mi ri, "Hi swona, vonani hilaha hi humevelaka hakona."

Kunene, ku homboloka ka Vaamor a ku se tala. Ku ta fika, rin'wana ra masiku lawa. Va tshikeni va tilovisa hi voxē.

<sup>134</sup> Nhluvuko, vutivi, swi encenyeta Rito ra Xikwembu ku eneta nantswo wa vona. Dinominexini yin'wana na yin'wana yi endla

nchumu lowu fanaka. Sathana u chumayela evhangeli ya yena n'winyi ya vutivi ekerekeni ya yena n'winyi.

<sup>135</sup> Ku na mintlawa yimbirhi ntsena ya vanhu leyi ku vulavuriweke hi yona eka Testamente Leyintshwa. "Vana va Xikwembu, na vana va javulosi." Xana a mi swi tiva sweswo xana? Xana mi lava ku tsala Tsalwa leri hansi xana? Yohana wo Sungula 3:10, loko mi lava Tsalwa ra kona. Ndzi le ku ri hløyeni lahawani, ndzi ri tsarile ehansi. Hi swona. Hi swona.

<sup>136</sup> Eka Vaefesa 2:2, va vitaniwa, "Vana va vutiarisi." Tani hi leswi Evha a ri xiswona, ku tiarisa eka Rito ra Xikwembu. Vana va ku yingisa, na vutiarisi, a swi hlangani helo.

Kutani swi nga endlekisa kuyini leswaku Mutekiwa wa Kreste a tihlanganisa na dinominexini, loko un'we a ri loyi a tiariska nakona loyi un'wana a ri loyi a yingisaka? Swi nga endlekisa kuyini leswaku un'we, a va Rito; kutani loyi un'wana, a va rito leri encenyetiweke? Swi nga endlekisa kuyini leswaku nghwavava na wansati loyi a tengeke va famba swin'we hi ku twanana? Va ngaka va nga swi endli. Va hava xinakulobye na swintsongo. "Humani exikarhi ka vona!" I swa javulosi. I mfungho wa xivandzana. Ti kongomile eka wona sweswi; tidinominexini hinkwato. A ndzi na mhaka na leswaku i ya mani.

Xikwembu xi le ku tekeni, ku ngari dinominexini, "vanhu hikwalaho ka Vito ra Xona." Dinominexini yi ngaka yi nga yi amukeli Mintiyiso leyi. Swi ta teka munhu un'we loyi a nga ta vona Xikwembu, a langutisa Rito ra Xona na ku Ri pfumela, na ku ka a nga weli eka vandla; kambe a hanyela Xikwembu, ku ngari vandla ra yena, vutlharhi bya bishopo wo karhi kumbe swin'wana leswi byi dyondziseke. Hi swona sweswo.

<sup>137</sup> Vana va vutiarisi, na vana va ku yingisa, a va hlangani helo. Un'we wa . . . i wa ku Vonakala ka siku; loyi un'wana, i wa vusiku na munyama, nguva yo biha, nguva leyo biha ya munyama, titlaba ta na vusiku, tigigi, hambi swi ri tano u nghena kereke. Swi kahle eka xikwembu xa vona. Va hava ku avanyisiwa hi mayelana na swona; ku hava lexi va karhataka.

"Hikokwalaho ka yini, a swi ndzi avanyisi ku tsemeta misisi ya mina," ku vula wansati. "A swi ri vavisi ripfalo ra mina." A nga hari na ripfalo rin'wana ku tlula loko nyoka yi ri na swisuti. Hi swona sweswo. Kunene a swi tano. A nga swi tivi leswaku ripfalo i yini. Ri vavuriwile swinene kufikela laha a nga ha swi tiviki leswaku i yini. Hi swona sweswo.

<sup>138</sup> Va rhendzeleka hinkwako, ehenhleni ka Rito ra Xikwembu, va ri karhi va ku, "Hikokwalaho ka yini, yaloye i munhu wun'wana wa xikhale. Mi nga yi lahaya; vo va ntsena ntlawa wa huwa na kuya emahlweni, hi mukhuva wun'wana." Ahaa! Va tiva swo tala mayelana na Xikwembu kutlula hilaha Muhotentotsi a

nga tivaka mayelana na vusiku bya le Egipta. Hi swona sweswo. I ntiiyiso.

“Va na nghohe ya vukhongeri, kambe va arile Matimba ya byona; lavo tano u va fularhela. Hikuva lava hi van’wana lava tinghenisaka etindlwini, na ku rhangela vavasati va swiphukuphuku.”

“Oho, loyi a rhandzekaka, a wu, a wu fanele ku endla *leswi*. Oho, loyi a rhandzekaka, ndzi ehleketa leswaku muchumayeri wa n’wina wa xikhale lahaya, ntsena loko u nga... Oho, u nga languteka u xongile eka ‘kini,’ kumbe swin’wana na swin’wana leswi nchumu lowu mi wu vitanisaka xiswona. “Wena, loko u nga endla hinkwaswo *leswi*, *sweswo*, na *leswin’wana*. Hikokwalaho ka yini, sigarete yintsongo a yi nge vavisi munhu. Ndzi nghena kereke, nakona wa swi tiva leswaku dinominexini ya hina yi tshembhiwile ku fana na ya un’wana na un’wana.” Mi nga tshuki mi pfumerile muhembi wo tipenda wa khale. U le ku mi hembeneni. Hi swona sweswo. Ina, nkulukumba.

<sup>139</sup> Swi kahle eka xikwembu xa vona. Oho, u ehleketa leswaku sweswo swi kahle, kutani va n’wi rhandza hikwalaho ka swona.

Mina, va ta phikizana na n’wina. Va ta yima kutani va mi bela huwa hi mayelana na swona. Hikokwalaho ka yini, kunene, Sathana u yimile emahlweni ka Yesu Kreste, Rito, kutani a ringeta ku vula leswaku, “Swi tsariwile.”

Nakona A ri lahaya, Rito ra Xikwembu leri tiyisisiweke. U teri, “Suka eka Mina, Sathana!” Fambani ntsena nakona mi ya endla nchumu lowu fanaka.

Tani hilaha nakulorhi a ndzi byeleke nkarhi wun’wana, a ku, “Sweswi, loko u pfumela leswaku nkhuvulo wa Moya lowo Kwetsima wu lulamile, nakona u pfumela leswaku u na Wona,” a ku, “ndzi bi mahlo hi riphume sweswi.” Yaloye a kuri muchumayeri. A ku, “Ndzi bi mahlo hi riphume!” A ku, “Paul u bile e—e wanuna a va bofu siku rin’wana.”

<sup>140</sup> Ndzi ku, “Nkulukumba, xana ndzi nga ku bisa kuyini hi vubofu loko kuri khale u ri bofu? Xana ndzi nga ku dlayela yini loko u file khale?” Ahaa.

A ku, “Mina, mahlo ya mina i makume mbirhi-makume mbirhi!”

Ndzi ku, “Xiphemu xa wena xa xinyama; kambe wa hari bofu.”

“A swi koteki! Bibebe a yi toloki swilo. Hi vulavula laha Bibebe yi vulavulaka, nakona ha miyela laha Yi miyeleke.”

<sup>141</sup> Ndzi ku, “Hi swona, loko Eliya a ri ehansi e—e Dothan, wa vona, ku tile vuthu hinkwaro ra Vasiriya hinkwako. Kutani nandza u tsutsumerile eka yena, a ku, ‘Oho, tatana wa mina!’ A ku, ‘Tatana wa mina,’ a ku, ‘Vasiriya va hi rhendzerile.’”

“Eliya a pfinyinga mahlo ya yena, a pfuka kutani a ku, ‘Lava nga na hina va tele kutlula lava nga na vona.’”

“A ku, ‘A ndzi voni munhu.’”

“A ku, ‘Xikwembu, n’wi pfuli mahlo.’ Sweswi, a file mahlo. Kutani u langutile hinkwako eka muprofeta luya wa khale, na le henhla ka tintshava; leti taleke hi Tintsumi, na tigolonyi ta Ndzilo, na tihanci ta Ndzilo.”

“Nakona u yile ehandle, kutani Bibebe yi ri, ‘U va bile mahlo hi riphume.’ Riphume eka yini? Eka yena. U yile ehandle, a ku, ‘Mi lava Eliya xana?’”

“Ina, hi le ku n’wi laveni.”

“A ku, ‘Tanani, ndzi ta mi komba laha a nga kona.’ Eliya a va yisa eka Eliya. Riphume!”

Ndzi ku, “Wa swi tiva leswi ndzi nga ta ku byela swona? Swona leswi Hosi ya mina yi swi byeleteke tata wa wena, ‘suka eka mina.’” Ahaa. Ahaa.

<sup>142</sup> Xiyisisani, vana vo yingisa, na vutiarisi, a swi hlangani helo. Va vutiarisi va gandzela xikwembu xa vona. “Oho,” va ri “hi pfumela Bibebe.” Ina, i murhi lowu pfanganyisiweke. Wa vona, va engetela misava na vutivi eka Yona. Murhi wa Sathana, lowu nga pfanganyetiwa; wa vona, wansati u khile emurhini wa Sathana, swo saseka na swo biha. “Oho, hi pfumela Rito.” Kunene, kambe ku ngari hinkwaro ka Rona. Evha a pfumela Rito, na yena, kambe u pfumelerile—u pfumelerile Sathana a teka murhi wa yena kutani a Ri encenyeta kantsongo nyana. Sweswo hi leswi nga swona.

“Mani na mani loyi a nga ta engetela rito rin’we, kumbe ku hunguta Rito rin’we eka Yona.” Wa hari loyi a fanaka na tolo, namunthla, ni hilaha ku nga heriki! Xiyisisani. Hi swona.

<sup>143</sup> Nguva leyo biha i ya munyama, hambi swi ri tano yi wela ekerekeni. Xikwembu xa vona, va xi rhandza hikwalaho ka swona, hi ndlela leyi a va pfumelalaka ku endla hakona. A va na ku avanyisiwa. Ku hava nchumu lowu va karhataka ntseña loko va nhenga kereke.

Balaam u dyondzisile kereke nchumu lowu fanaka. “A hi hlanganeni; hinkwerhu ha fana.” A kuri mano yo hetelela. Xikwembu a xi kalanga xi va rivalerile hikwalaho kova va pfumerile vunwa byo tano.

<sup>144</sup> Tsundzukani, a kuri xidyoho, lexi nga rivalelekiki eBibeleni, ku ringana ka nharhu eBibeleni, kuva mani na mani a engetela rito rin’we ra vutoloki bya yena eka Rito ra Xikwembu endzhaku ka loko Ri tava ri tiyisisiwile kuva riri Ntiyiso.

Entangeni wa Eden, kona, entangeni wa Eden, rito rin’we leri engeteleriweke ri vangile rifu.

Loko Balaam a engeterile rito, leswaku, "Hinkwerhu ha fana," vona, Xikwembu a xi kalanga xi ri rivalela Israel eka sweswo. Hinkwavo ka vona va loverile emananga, handle ka vanharhu lava Xikwembu xi va humeseleke ehandle.

Yesu u teri, "Vona, hinkwavo, va file," sweswo i ku hambanyisiwa hilaha ku nga Heriki. Hinkwavo va fambile; a va kalanga va rivaleriwa. I xidyoho lexi nga rivalelekiki; a va kalanga va rivaleriwa. Oho, mina!

Xi balekeleni, vana va ku Vonakala ka ni madyambu!

<sup>145</sup> Xana ma n'wi vona sweswi loyi a nga murhangeri wa leyia ximanguva lawa, ya vukhongeri, nguva yo biha? I javulosi, a tekaka murhi luwa wa swo saseka na swo biha, kutani a wuveka ehandle, xiyisisani, u tisa kereke ya yena ya mutekiwa wo saseka eka huvo yo hlanganisa tikereke eka nkhuvo wa vukati. Yaleylo hi leyia nga kahle. Kereke ya yena yo saseka ya xisayense, na hinkwato e—e—e tidigri leti nga kumekaka; ti Ph.D kusuka e church of Christ, ti Ph.D kusuka eka Baptist, Presbyterian, Pentekostal, na hinkwato. U titisa hinkwato, na tinguva ta vona leti khavisiweke na tikereke letikulu, hinkwato eka huvo yo hlanganisa tikereke, "Hi van'we." Va ngaka va nga rivaleriwi eka swona. Dinominexini, ku ambala mfungho wa dinominexini, i mfungho wa xivandzana. Hi hetile ku hundza eka wona lahawani; ku wu endla. Wu balekeleni, vana, wu balekeleni! Wa vona? Leyikulu, kereke yo saseka kuya eka maambalelo ya huvo yo hlanganisa tikereke, yi ambarile mfungho wa yena!

Leswo koma, kunene, tirhoko ta le misaveni, swa vugangu, pende, vadyondzisiwa va kahle va javulosi, ku ta phasa vana va Xikwembu; ku tekanisa jaha ra kahle leri tswariweke hi ku hetiseka na xihunguki xin'wana xa khale kukota xexo. Hi swona. Xana i . . .

<sup>146</sup> Mi teri, "Ku tsemeta misisi, xana sweswo swi endla yini?"

Boti, a hi yimi nyana kwala xinkadyana. Ntsena ndzi twa ingaku un'wana u khunguvanyekerile sweswo. Ku ngava kuri le handle entambyini kun'wana.

Yingisani. Misisi eka wansati i xihlambanyo xa Vunazira. Misisi eka Samson a yi ri xihlambanyo xa Vunazira. Kutani loko wansati a tsemeta misisi ya yena, u—u tsan'wa xihlambanyo xa yena xa Vunazira xa leswaku hi yena Mutekiwa wa Kreste. Hikuva, lahayna, nchumu luwa un'we, u onha Xifaniso hinkwaxo. Hakunene! *Munazira* hi "loyi a tinyiketeleke ku tirhela." A hi swona sweswo xana? Samson a tinyeketerile eka nguva na ku tirhela, hikwalaho a vile na misisi yo leha. Wansati loyi a nga n'wana wa Xikwembu, u tshika misisi ya yena yi kula, ku kombisa leswaku u tinyeketela eka Rito hinkwaro ra Xikwembu.

<sup>147</sup> Loko a yi tsemeta, a ndzi na mhaka na leswaku u cina kufika kwihi, ku yimbelela, u le khwayereni, u vulavula hi tindzimi, u ya ehenhla na le hansi, kumbe u na tinxaka hinkwato ta

mpfuneto wa sosayiti, u file. Sweswo hi LESWI HOSI YI SWI VÜLAKA, Rito ra Xikwembu. Vakorinto vo Sungula 14. Ina. U tsan'wile xihlambanyo xa yena xa Vunazira kutani u tixaviserile eka xikwembu xa nguva leyi ya ximanguva lawa. Wa swi endla. Sweswi, a wu nyumi, manana, kumbe wansati!

<sup>148</sup> Vaphasi va xiviri va vana va Xikwembu, kukotisa leswi a swi ri xiswona. Tani hilaha Yesu a nge teri, "Tani hilaha a swi ri xiswona emasikwini ya Nowa, vavasati a va sasekile, kutani vana va Xikwembu va sungurile ku teka exikarhi ka vona, swi tava tano loko N'wana wa munhu a vuya." Nakona xikwembu xa vona xi ehleketa leswaku swi kahle, na ku xonga, na kuva swa xisayense, vutivi; fexeni ya Hollywood, yi khavisiwile evhengeleni ra yena n'winyi, kumene, hinkwaswo leswo rheta lahawani na swilo, ma swi tiva.

<sup>149</sup> Kutani yona, kereke ya yena, ya swi rhandza! Oho, mina! "Ndzi ta ku nyika ku twisia, ndzi Mumethodist. Ndzi Mupresbyterian. Mufundhisi wa hina u na matwisiselo yo antswa ku tlula ku vula nchumu wo tani hi walowo." Hikokwalaho a nga riki na matwisiselo yo ringanelu ku ta vula swilo leswi vuriwaka hi Xikwembu. Wa vona?

<sup>150</sup> Yona, kereke, yi swi gandzela hi ku olova. Ya swi rhandza. Hi leswi a yi swi lava! A yi nge joyini nchumu, boti, kumbe ku ka yi nga fikeleli nchumu yi fanele ku endla tani hi nchumu lowu hambaneke eka leswi Vayezabel lava ximanguva lawa va nga swona, hikuva walovo i ntumbuluko lowu nga eka yona.

Swi nga endlekisa kuyini leswaku u va ntumbuluko wun'wana na wun'wana... "I mani loyi hi ku vilela a nga engetelelaka xifaniso xa yena hi xisungunhu xi ri xin'we?" Loko u tswaleriwe kuva ntlhanu wa minkondzo hi ku leha, u ngaka u ngavi ntsevu wa minkondzo hi ku leha. Oho, ina, kukotisa "muchini wo tsanyusa" wa Booth-Clibborn.

<sup>151</sup> Kutani yingisa, wanuna, n'wina ntlawa wa Varicky! Loko kuruku u tswariwe kuva wanuna, kutani tikhomi kukotisa wanuna. Misisi leyi ncikinhyaka exikandzeni xa wena, na ku soholoteka tani hi ku navetisa ka swa masangu, hikokwalaho ka yini, n'wina rixaka leri encenyetiweke ra tinyoka! Xana xiphiqo xa n'wina i yini, loko swi te tano?

Xikwembu xa mina xi ta avanyisa tiko leri hi ndzilo siku rin'wana. Xi ta ri mbombomerisa ehansi ka lwandle. Awara ya ku avanyisa ka Xona yi le kusuhi. Misava hinkwayo yi ta famba.

<sup>152</sup> Vuencenyeti bya vukhongeri! Vuencenyeti bya munhu; vavanuna a va ha switivi leswaku va wela eka rimbewu rihi, na vavasati switano. Va yima va ambarile pherhe ya tihovhorolo ta vavanuna, kumbe pherhe ya swiburukwani swa khale, swiambalo leswi... mafambelo ya yena hinkwawo na xivumbeko xa miri wa yena, nakona u tivitana Mukreste. A hi manana hambi swi ri tano, hi nga hlaiy na kuva Mukreste. Hi

yena nghwawava ya le xitarateni leyi tirhisiwaka hi Sathana, u hloholoteriwa hi Sathana, ku rhumela vana va Xikwembu etiheleni, ku hetisisa Rito leri Yesu Kreste a yuleke leswaku ri ta humelela. A ndzi nga lavi ku vula sweswo, kambe U swi vurile, loko swi te tano. Ma ku vona laha moya lowu wa vukhongeri wu humaka kona? Murhi lowu pfanganyetiweke.

<sup>153</sup> Va ri, “Xana ku hoxekile yini hi swileke,” kumbe sweswi va swi vitanisaka xiswona, “tibemuda?” kumbe sweswi swi nga swona.

Bibele yi vurile, leswaku, “Wansati un’wana na un’wana loyi a nga ta ambala nguvu leyi yi yelenaka na ya wanuna, i manyala emahlweni ka Xikwembu.” Sweswo hi LESWI BIBELE YI SWI VULAKA.

Nakona wansati loyi a nga ta tsemeta misisi ya yena, u xumbadza nhloko ya yena. Nakona a swi kali swi... I xidyoho kuva wansati a khongela a ri na misisi yo koma, Bibele yi vula tano, a khongela erivaleni na nhloko leyi nga funegetiwangiki. Kutani ya yena...

Oho, mi ri, “Ndzi ambala xigqoko.”

<sup>154</sup> Wena mukanganyisi, u dyondzisa vavasati swilo swo tani hi sweswo! Loko, Bibele yi teri, “Misisi ya yena u nyiketiwile yona kuva xifunengeto,” ku ngari xigqoko xin’wana xo endliwa hi munhu. Sweswo hi leswi Bibele yi nga swi vula. A ndzi na vutihlamuleri eka swona; ndzi na vutihlamuleri byo vula Ntiyiso ntsena. Mi ngavi na lunya, tani hilaha Bibele yi nge teri, “Ku khoma Rito ra Xikwembu hi vukanganyisi,” ku—ku lunghisela kumbe—kumbe ku fikelela xikombelo xa ntlawa wa varicketta.

<sup>155</sup> Ndzi na rito *vubibi* lahawani. Ndzi na “Elvis” leri tsariweke ematshan’wini ya *vubibi*. Hinkwaswo swi lava ku fana. Rito *Elvis* ri vula “ximanga,” nakona rito *Ricky* ri vula “kondlo.” Loko u ku “Ricky lontsongo,” u vula leswaku, “xikondlwani.” Leswi u n’wi vitanaka swona, hi leswi a nga xiswona. Loko n’wana wa wena a thyiwile sweswo, ri cinceni hi xihatla, hikokwalaho ka Evhangeli. Mi nga thyi n’wana...

A mi se tshama mi twa mavito yo tani hi yalawo endzhaku eBibeleni, kumbe eka nguva yin’wana. I nguva, vito ra nguva ley. Loko ku kale kuva na makondlo na swimanga leswi encenyetiweke, swi kwalahaya.

<sup>156</sup> Hinkwaswo leswi...?...diski ra miliyon i wa tidolara ra mafenza, na vana lava fambaka hala handle, va ngaka va ngayi na le—na le xikolweni va ngari na nchumu lowu tlhomowiweke endleveni, na swiya-ni-moya swa khale swi ri swikhwameni swa vona, ntsena, “boom-de-boom.”

Oho, va tile le ndlwini, kutani hi endlile... Vanakulorhi va kona a va ringeta ku penda yindlu ya mina kwalahaya. Hi teri, “Humeselani nchumu walowo ehandle. Loko mi nga swi koti

ku tirha mi ngari na xexo, kutani sukani entirhweni. Swi ndzi endla ndzi rhurhumela swinene a ndzi swi koti na ku yima lahawani. Hi nyikerile ndhawu leyi eka Xikwembu. A hi wu lavi muxaka walowo wa hansahansa wa boogie-woogie ya masiku lawa yo hetelela lahawani.” Ndzi ku, “Wu miyeti kumbe u suka entirhweni!”

<sup>157</sup> Xiyisisani, va khongeri, hambi swi ri tano, oho, kunene, va ya kwale kerekene nakona va yima enyangweni wa holo, na ku yingisela boogie-woogie.

<sup>158</sup> Naswona, xiyisisani, Mutekiwa wa Kreste wa Rito u le ku teni, na yena. Tani hiloko hi vona laha antikreste a kongomeke kona, u sungurile le ndzhaku kutani sweswi u ta enhlokweni; huvo yo hlanganisa tikereke yi ta n’wi veka enhlokweni ya swa kereke. Kutani Kereke leyintsongo leyi teke, na yona, Mutekiwa wa Kreste wa Rito ku rhelela hi nguva, yi le ku teni eNhlokweni, hikuva Yi tlhelela eku hlanganisiweni na Nakulobye wa Yona. Nkarhi hinkwawo, ntsena tani hi kereke na leswin’wana hinkwaswo, Yi fanele ku hlangana. Koroni, leswin’wana hinkwaswo, swi tlhelela endzhaku enhlokweni ya swona laha swi sunguleke kona; kukotisa Kayini na Abel. Mutekiwa wa Rito loyi a kongomeke eka Munhu wa Rito ra Xikwembu loyi a vonakarisiweke eka nguva leyo biha leyi hi hanyaka eka yona. Ma ku vona laha swi kongomeke kona?

<sup>159</sup> Nakona Sathana ku ngari khale u ta teka mutekiwa wa yena wa vutlharhi kutani a tlakusa lonkulu, loyi a nga antikreste, murhangeri, a n’wi veka exilovelweni, “kutani misava hinkwayo yi ta n’wi landzeleta.”

Kutani Kreste u ta vuya. Nakona vambirhi va ngaka va ngavi kona hi nkarhi wun’we. Kutani mfumo wa yena wu ta tekiwa; u ta herisiwa.

Kutani Kreste, Rito ra Xikwembu... Laha, wansati i xiphemu xa miri wa wanuna. A hi vambirhi, va un’we. Nakona Mutekiwa, Kereke, Rito, “vanhu lava vitaniweke kusuka *lahawani* na *lahaya*, hikwalaho ka Vito ra Xona,” va ta hlangana eMirini wa Yesu Kreste.

Nakona mfumo wa antikreste wu ta tekiwa kutani wu herisiwa. Kutani Kreste u ta teka xiluvelo, kutani a tshama exilovelweni xa tata wa Yena Davida, na ku fuma ehenhla ka misava ku ringana gidi ra malembe; kutani a yisa Kereke eka Xikwembu, “yinngari na xivati kumbe xisolo.” Ina!

<sup>160</sup> Xiyisisani misisi ya yena yo leha sweswi, xihlambanyo xa Vunazira eka Rito. Ndzi ta fanisa Mutekiwa wa Kreste sweswi. Hi fanisa antikreste, laha a nga kona, vukhongeri na hinkwaswo, sayense. Sweswi Mutekiwa lontsongo wo titsongahata wa Kreste u tipfumelela Rito hi ku olova, hambi A ngava mani. I munhu ha un’we-un’we. Ndza tshembha na ku kholwa leswaku ku na votala lava tshameke sweswi, votala lava yingiseleke. Nakona

ndza tshembha leswaku mina, na un'wana na un'wana wa n'wina hinkwenu, mi xiphemu xa Mutekiwa yaloye. Ndzi tshembha leswaku va tele. Kutani, swi tava tano, hinkwavo lava vekiweke eka sweswo va tava tano, hikuva i ntumbuluko wa vona. Va swi vona. Rito ri lemuka Rito ntsena. Ri ngaka ri nga lemuki dinominexini kumbe vuencenyeto. Ri tiva ku antswa; hi Rona Rito. Wa vona? Ri ngaka ri nga lemuki nchumu . . .

Koroni yi ngaka yi ngavi nchumu kambe koroni. Yi sungurile, yi ri koroni; yi ta hetelela, yi ri koroni. Nakona nhova yi ngaka yi ngavi koroni, hambi swi ri tano yi cheletiwa hi ntoto lowu fanaka. Wa vona? Kambe a hi yona koroni. Tani hilaha ndzi vuleke siku rin'wana, mayelana na nsinya lowu nga na marhavi yo hambana eka wona.

<sup>161</sup> Misisi ya yena yo leha, xihlambanyo xa Vunazira, yi kombisa leswaku U hlambanyile eka Xikwembu. Nkhancu wa yena wo saseka wa Rito ra Xona ra xitshembhiso xa nguva ley A nga eku hanyeni eka yona, wu phutseriwile ku rhendzeleka na Yena, ku N'wi tiyisisa na Yena, wa Vaheveru 13:8, "Yesu Kreste wa ha fana na tolo, namuntlha, na hilaha ku nga heriki." Tani hi leswi, A nga xiphemu xa Muteki wa Rito, hi ntiyiso eka Yena hi tindlela hinkwato.

<sup>162</sup> Langutisani sweswi. Loko wansati a ya ehandle lahwani kutani a tekana na wanuna, nakona a huma a ya endla swa masangu na wanuna un'wana na kuva na vugangu na yena, kutani a tlhelela eka nuna wa yena, wanuna u fanele ku n'wi hlongola. A hi swona sweswo? Wansati u fanele ku tshembheka eka wanuna, hikuva u hlambanyile eka yena.

Kutani Mutekiwa wa Kreste u hlambanyile eka Kreste; nakona hi Yena Rito.

A nga fanelanga hambi kuri ku tsipela tihlo eka tlheloi lerin'wana, wansati a nga fanelanga hambi kuri ku tsipela wanuna un'wana tihlo. A nga fanelanga ku endla swikoweto, ku ngari na ntihaveko na swintsongo eka wanuna, hikuva hi yena mutekiwa wa muteki un'we.

<sup>163</sup> A hi lavi na wun'we wa mirhi ya n'wina ley pfanganyetiweke, tidinominexini ta n'wina. Vanani na ntiyiso eka Kreste, Rito. U ta Ri tiyisisa kuva ra ntiyiso. Ee, nkulukumba, ku ngari na ntihaveko na swintsongo wa swin'wana ku kongomana na ku endla swa masangu na wanuna, ku ngari ku joyina xiyimo xa yena kumbe nchumu wun'wana, kumbe ku n'wi pfumelela a ku veka emavokweni ya yena kumbe eku hlayisiweni hi yena, kumbe—kumbe ku vulavula na wena hi ndlela *leyi*, ndlela *yaleyo*.

Yingiselani Rito rin'we ntsena. "Tinyimpfu ta Mina ti tiva Rito ra Mina. Loyi ti nga n'wi tiviki ti ngaka . . ." Xana Rito ra Yena i yini? Rito ra wanuna un'wana na un'wana i rito ra yena. Kutani hi Leri rona, Bibele, ku ngari na rito rin'we leri nga

engeteleriwaka eka Yona kumbe ku hungutiwa eka Yona. Ntsena tshamani hi ku lulama na Rito rero. “Loyi ti nga n’wi tiviki ti ngaka ti nga n’wi landzi,” dinominexini.

<sup>164</sup> Tani hi leswi, Wansati a nga xiphemu xa Muteki, u tshembhekile eka Yena hi tindlela hinkwato, a yimerile Nkhuvo wa vukati. Ku hlangana, ku ngari eka huvo yo hlanganisa tikereke; kambe empfhukeni, eka Nkhuvo wa Vukati. U nyikiwile... Leswi i swa kereke ya hina vinyi. E... U nyikiwile, ni ku paluxiwa eka Yena, swihundla swa Swilemo swa Nkombo swa Bibebe. Wa vona? U vona vuphukuphuku bya mukanganyisi, byi ri ekusuhi ngopfu na Ntiyiso, lebyi hakanyingi byi kanganyisaka Vahlawuriwa. Wa byi vona. Wa...

<sup>165</sup> Ma yi vona mimoya yimbirhi yo lwisana leyi nga eku tirheni eka nguva leyo biha xana? Ma swi vona xana? Wun’wana na wun’wana i wa vukhongeri swinene, Kayini na Abel, mimoya leyi nakambe yi yaka etinhlokweni ta yona, ya ha fana ni hilaha yi sunguleke hakona. Wun’we, wu gandzela hi vusaseki, na hi vutivi, na hi dyondzo, na hi sayense, na hi matikhomele lamanene. Nakona lowu Wun’wana, hi ripfumelo ra nhlavutelo wa Rito ra Xikwembu. Ha vumbirhi bya yona yi yimile kona kwala emuakwini lowu emixweni lowu. Hi swona.

<sup>166</sup> Nhlavutelo, kumbe ripfumelo, eRitweni ra Xona, a ri endli swikoxo swa vutivi; wa xiviri, Mukreste wa ntiyiso.

Va ri, “Xana u na—u na yona digri ya vudokodela?”

A ri endli swikoxo. “Ndzi—ndzi pfumela Rito ra Xona.” Wa vona? A ri koxi nchumu. A ri koxi kuva loyi a dyondzekeke. A ri weli eka dinominexini na yin’we, xiphemu xin’wana na xin’wana, ntlawa wun’wana na wun’wana. Ri wela eka Kreste. I Nsati wa Yena; ku ngari nsati wa kereke.

Hi yena nghwavava. Bibebe yi vurile leswaku a ri “muoswi,” na, “MANA WA SWIOSWI,” kutani hinkwavo va hlangana kun’we kutani va endla muoswi loyi a fanaka. Kutani wansati wa muxaka walowo i wansati loyi a nga tshembhekangiki eka Nuna wa yena; nakona u koxa kuva Kreste a ri nuna wa yena, nakona a ri karhi a wela eka dinominexini. Thyaka ro tani! Hi wela eka Kreste.

<sup>167</sup> Kambe, hi ku yingisa, Wansati lontsongo wa ripfumelo, loyi a hanyaka hi ripfumelo, Mutekiwa; munhu loyi a nga *lahawani*, *lahaya*; lahawani, kun’wana ekule, kereke yin’wana, dinominexini yin’wana, hambi ku ngava yini, eka leswi nga riki... U pfumela Rito ra Xikwembu, wa yingisa, u rindzerile hirirhandzu, ku va xitshembhiso xa nguva xi tiyisisiwa. U swi languterile. U xiphemu xa Rito rero, kutani U languterile kuva vutomi bya Yena byi vonakarisa Rito rero.

Vamakwerhu, a mi swi voni sweswo xana? Ndzi tshembha leswaku sweswo a swi hundzanga hi le henhla ka n’wina.

Miri wu yimerile (lowu nga Rito), wu yimerile Vutomi (lebyi nga Moya) ku tiyisisa kumbe ku Wu hanyisa. Sweswo hi leswi A swi yimeleke. A ku na vutomi byin'wana byi nga tirhaka endzeni ka Yena. A ngaka a nga hanyi hi ndlela yin'wana. Hambi swi ri tano, Wa byi twa le handle, nakona Wa swi tiva leswaku swi ya eku humeleteni; kutani hiloko swi humelela, kutani A pfuka. Xikwembu xi teri, "A kuve kona," kutani U humelerile tani hilaha lowo sungula a humeleleke hakona.

<sup>168</sup> "Vana va vutiarisi" swivula ku yingisa . . . *Vutiarisi* swi vula "vukaneti." Ndzi swi langutile sweswo eka dikixinari, ku swi tiyisisa. Vukaneti, ku kanetana na (yini?) Rito ra Xikwembu leri paluxiweke. Ku kotisa leswi Kayini a paluxeke . . . a kanetaneke na nhlavutelo wa Abel lowu paluxiweke, lowu tiyisiweke hi Xikwembu leswaku a wu lulamile. Nakona Kayini u kanetanile na wona, kutani a dlaya makwenu wa yena.

Vafarisi, hi vutivi bya vona vinyi bya xidinominexini eka leswi Rito ra Xikwembu a ri ri xiswona, va hlawurile munhu hi voko, va kanetana na Rito leri tiyisisiweke ra Xikwembu leri vonakarisiweke hi siku rero, Yesu Kreste, na ku N'wi dlaya. Hi swona sweswo?

Sweswo hi leswi "vana va vutiarisi" va nga swona, vukaneti bya Rito ra Xikwembu.

Ma ku vona laha va nga kona sweswi? "Oho, masiku ya mahlori ya hundzile. Yesu Kreste a nga hari loyi a fanaka. Ku hava nchumu wo tani hi nkhuvulo wa Moya lowo Kwetsima. Swilo sweswo hinkwaswo i thyaka!" Wa vona, vukaneti! A va fanelanga ku vula swilo swimbirhi; va fanele ku vula xin'we ntseña, sweswo ntseña. I vukaneti sweswo, kona kwalahaya. Va ngaka va nga vuli leswaku a wu na matihlo, a wu na tindleve; u fanele ku teka miri hinkwawo, Rito hinkwaro. Wa vona?

Moya lowo Kwetsima wa vitana, "Humani eka yena, mi ngavi lava averiweke dyondzo ya yena ya xidinominexini," loko a hari eku hlekkeni na ku hlekula Rito ra Xikwembu ra siku leri.

"Hikuva Xikwembu a xi vungunyiwi," ntseña tsundzukani. U ta swi kuma. Mi nga vileli. U ta swi kuma. Bibele, eka Vaefesa 4:30, loko mi lava ku swi tsala ehansi, Vaefesa 4:30, yi teri, "Xikwembu a xi vungunyiwi. Leswi munhu a swi byalaka, hi leswi a nga ta tshovela swona." Va ngaka va nga vungunyi na ku hlekula, na ku vula swilo leswi, kutani va tshikisiwa sweswo. "Ku kotisa xinkwa ehenhla ka mati, xi ta vuyelela."

<sup>169</sup> Hi yena mutekiwa wa javuloso, loyi a phutseriweke hi vukhongeri bya yena, vutivi byo rhandza vudyoho bya nguva ya karhi lowu leyo biha, kuva a mi kanganyisa. Oho, mina! Ntlawa hinkwawo kumbe dinominexini ya mimoya leyi kanganyisaka, hi vutivi bya xisayense na nhluvuko wa ximanguva lawa! Ku koxa . . .

Hi ya eku pfalen ika timinetse tintsongo. Ndzi ta fanel a ku yima, hikuva ndzi ngaka ndzi nga swi fikeleli hinkwaswo, wa vona.

U koxa leswaku u le ku akeni ka misava leyikulu leswaku mi ta hanya eka yona. U koxa, leswaku, eka nhluvuko wa yena, u akile tikereke ta kahle, tikholichi, swikolo, swibedlele, tilayibulari, na mpfuneto wa nkarhi nyana wa vanhu, ehandle ka Rito ra Xikwembu. U swi endlile. U khorwisile leswaku a nga swi endla. Kutani vanhu va swi pfumerile; ina, nkulukumba; swikolo, tidinominexini, ndhavuko, vanhu vo ambala ku antswa, vanhu lava dyaka swo antswa.

Swi nga antswa ndzi va elayinini ya xinkwa, kutani ndzi lulama eka Xikwembu; ku tlula ku kuma huku leyi katingiweke ka nharhu hi siku, nakona ndzi boheka ku wela eka nghwavava yo tani hi yaleyo.

<sup>170</sup> Tsundzukani, awara yi le kusuhi laha mfungho wu nga ta ta. Mi tava miri endzeni ka wona kumbe ehandle ka wona. Wu ta ta tani hi khamba na vusiku. Wu ta mi kuma kona kwalahaya, kutani mi tava mi ri kwalahaya. A ku nga ha ta humeka eka wona; mi tava mi wu tekile. Humani!

Ntsumi yi xikile hi le Tilweni, na xikandza lexi vangamaka, kutani yi huwelela eka vanhu. Swi tsekatskisile misava. “Humani eBabilona, hikuva u wile. Mi nga averiwi makhombo ya yena, vanhu va Mina!” Humani eka yena. Humani! Xana a hi kalanga hi swi hlaya eRitweni, nkarhi nyana lowu hundzeke? *Ntsumi* i “murhumiya,” wa vona, loyi a taka ehansi. Xiyisisani Moya lowo Kwetsima, “Humani eka yena, leswaku mi ngavi lava averiwaka.”

<sup>171</sup> Sweswi u akile swilo leswi hinkwaswo. U akile tikereke letikulu. U akile tikholichi, swikolo, u teka vanhu na ku va dyondzisela eka leswo—leswo antswa, leswi vitaniwaka, nhluvuko. Nakona va va dyondzisile hi nhluvuko wa ximanguva lawa lowu va yiseke ekheleni ra rifu, hi vutivi, ekule na Xikwembu na Rito ra Xona.

Xana a mi ri voni kungu hinkwaro? Xana ma swi vona sweswo, kereke? [Nhlengelatano yi ku, “Amen.”—Muhleri.] Ehandle emoyeni, loko mi swi vona etinhlengeletanweni ta n’wina kwalano, mi nge “amen,” hinkwavo ka vona va ta tiva laha mi yimeke kona. Wa vona?

U swi endlile. Hi yena . . . I xikwembu xa misava leyi, kutani u akile tikholichi. U akile tiyunivhesiti. U akile swibedlele. U akile tilayibulari. U akile swilo leswi hinkwaswo leswaku swi va mpfuneto wa nkarhi nyana eka munhu, leswi ringaneleke ku va kanganyisa, kuva va suka eRitweni rero. Kutani xana u va yisile kwihi? Misava hinkwayo ya kereke yi nyuperile endzeni ka rifu, hikuva Xikwembu xi virule leswaku Xi ta hisa muoswi, na vana va yena, hi ndzilo lowu nga heriki.

Humani eka swona, vanhu! Mi nga kumeki mi ri kwalahaya. Yanani ekule na nchumu walowo hi ku hatlisa hilaha mi nga kotaka hakona!

Hi vutivi bya yena bya xisayense, u swi kotile ku endla leswi, xiyisisani sweswi, ehandle ka Rito ra Xikwembu.

<sup>172</sup> Xikwembu a xi kalanga xi hi vekela ku huma hi ya va na swikolo. A xi kalanga. A xi kalanga xi hi byela ku aka swibedlele. Swi kahle. A xi kalanga xi hi byela ku aka tilayibulari. Ee, nkulukumba. A xi kalanga.

Xi teri, “Chumayelani Evhangeli.” Nakona, Evhangeli, i ku vonakarisa, ku kombisa matimba ya Moya lowo Kwetsima.

Paul u teri, “Evhangeli yi tile eka hina, ku ngari hi marito ntsena, kambe hi ku vonakarisa na minkombiso ya Moya lowo Kwetsima.” Paul u teri, “A ndzi tanga eka n’wina hi marito lamakulu ya vutlharchi bya dokodela wa swin’wana, kambe ndzi tile eka n’wina hi matimba na ku kombisa ka Moya lowo Kwetsima; leswaku ripfumelo ra n’wina ri nga tshuki ri va evutlharchini kumbe vutivi bya vanhu va misava ley, kambe ri va eka matimba ya ku pfuka ka Yesu Kreste; hikuva Wa hanya, ku fana na tolo, namuntha, ni hilaha ku nga heriki.” Xikwembu xi hi pfuna ku pfumela nchumu lowu fanaka, nakona Xikwembu xi tiyisisa nchumu lowu fanaka tani hilaha A xi swi endla hakona.

<sup>173</sup> U mi sivela ku vona nhlavutelo wa ntiyiso na ripfumelo ra Rito ra Xikwembu loko swi ri karhi swi paluxiwa na ku tiyisiwa namuntha, hi swikolo swa yena, tilayibulari, tibuku, swibedlele, na swin’wana. Wa vona? U mi sivela ku swi vona. Sweswi u le ku tolokeni, tani hilaha a swi endleke eka Faro, ku ringeta ku mi sivela ku vona nhlamuselo ya Rito leri tiyisisiweke ra nguva ya Xona ya xitshembhiso eku Vonakaleni ka na madyambu, ley tiyisisiweke na ku khorwisiwa. U ringetile, hi vutivi bya yena, na swikolo, na vanhu lava dyondzekeke ku antswa, na matikhomelo lamanene, na swin’wana, ku mi sivela ku swi vona Sweswo.

Xin’wana na xin’wana, leswaku mi taka mi nga langutisi Sweswo na ku vona leswaku yaloye i Yesu Kreste! Xana mi swi tivisa kuyini leswaku i Yesu Kreste? Hi yena Rito, nakona hi Yena Rito ra nguva ley. Kutani nguva ley, ku vuriwile leswaku leswi swi ta humelela eka nguva ley, nakona hi leswi swi le ku humeleleni. Wa vona? Wa vona? U le ku ringeten i matimba ku mi sivela ku vona Sweswo.

U ta bohelela vito rin’wana na rin’wana ro thyaka eka Swona hilaha a nga kotaka hakona. Wa vona? U ta Swi vitana “vavumbuluki vo kwetsima” na leswin’wana hinkwaswo. U vitanile Yesu “Beelzebub.” “Loko va vitanile N’winyi wa yindlu Beelzebub, xana hi swihi swo tlurisa leswi va nga ta vitana vadyondzisiwa swona?” Wa vona?

<sup>174</sup> Wa vona, u le ku ringeten i ka ku mi sivela ku vona nhlamuselo ya xiviri ya Rito. Ku ngari leswi... Wa vona, u le ku Ri tolokeleni, a ri karhi a ku Ri vula *leswi*.

Xikwembu xi teri, "Ndzi tshembhisile emasikwini ya makumu leswaku Ndzi ta mi rhumela Malakiya 4." A swi fanelanga ku tolokeriwa; Xi swi endlile. Xi teri, "Kutani tani hilaha a swi ri xiswona emasikwini ya Lot, misava yi tava eka xiyimo xa Sodoma; nakona enkarhini walowo, Ndzi ta paluxa N'wana wa munhu hi swona, kunene-nene." Hi na tinxaka hinkwato ta vuencenyeti na leswin'wana hinkwaswo, swa swona, kambe hi na Swa xiviri, na swona. Wa vona? Xi virile leswaku Xi ta swi endla.

Xi virile leswaku antikreste u ta pfuka kutani u ta hambukisa Vahlawuriwa loko swi nga koteka. Kambe xi ku, "Va tshikiseni sweswo. Va tshikeni va ya emahlweni. Vuphukuphuku bya vona byi ta kumeka." Hikokwalaho ka yini? Xikambelo xa Rito xa swi khorwisa. Wa vona?

Loko swi ta eka Rito rero, "Sweswo swi vile endzhaku hi ndlela *leyi, yaleyo*? Oho, a ndzi pfumeli eka mbewu ya nyoka. A ndzi pfumeli eka *leswi, sweswo*, na *leswin'wana*." A swi si tshama swi paluxiwa, wa vona, ee, na kan'we. Oho, boti, ntsena langutisa laha...

Hi ta fanela kuya eku pfaleni, hikuva i awara ya khume mbirhi.

<sup>175</sup> Xiyisisani, ku ringeta ku mi sivela ku vona nhlamuselo ya Rito ra nguva ley, ya ku Vonakala ka na madyambu loku nga eku tolokeriweni. I ku... Swi vula yini xana? I nkarhi wa eksoda wu nga ekusuhi, Xikwembu xi le ku N'wi teleni, kunene tani hi misava. Wa vona?

<sup>176</sup> Sweswi ndzi lava ku mi vutisa xivutiso. Loko, kuri awara ya khume mbirhi sweswi, endzhaku ka nthlanu wa timinetse; kutani hi taya emahlweni, vusiku bya namuntlha. Xana ma xi vona xikwembu xa nguva ley? [Nhlengeletano yi ku, "Amen." — Muhleri.] Ma swi pfumela xana? ["Amen."] Ma swi vona hilaha swi nga xiswona, kereke, vutlharchi, sayense?

Misava hinkwayo i ya xona, wa vona, tidinominexini. Nakona, u ri, "Ndzi Mukreste." "Xana u wela eka dinominexini yihi?" Hi swona, loko a ndzi wela eka dinominexini, a ndzi pfumeli leswaku a ndzi tava ndzi ri Mukreste. Sweswi, i rito lerikulu, kambe hi swona.

Ndza ha ku heta ku vula leswaku vutivi na sayense, na Vukreste, swi hava xinakulobye na swintsongo. Xin'we i xa javulosi, kutani lexin'wana i xa Xikwembu. Xin'wana na xin'wana lexi tsan'waka Rito ra Xikwembu, fambelani ekule na xona. Wa vona? Ee, nkulukumba. Bibele ya vitana, emasikwini lawa ya makumu, kuva Vakreste va huma eka nghwawava yaleyo, ley i nga murhi wa swo saseka na swo biha.

<sup>177</sup> Kunene, u na swa kahle. Xana un'wana a nga vulavula ku biha hi xibedle? Ee, nkulukumba. Layibulari? Ee, nkulukumba. Dyondzo? Ee, nkulukumba. Kambe, wa vona, va va nyiketa sweswo ehandle ka Rito. Ma swi vona hilaha swi kanganyisaka hakona? Ku va nyiketa kereke yo nghena eka yona, gandzelo ro gandzela hi rona, "xikwembu lexi tshameke exiluelweni." Bibele yi swi bvumbhile.

<sup>178</sup> Sweswi mi wela eka wun'we wa mimiri leyi. Ku na yi mbirhi ntsena ya yona emisaveni sweswi, swi vile tano nkarhi hinkwawo, nakona swi tava tano kukondza Yesu a vuya, kutani wun'we wa yona wu ta herisiwa. Mi wela eka wun'we wa mimiri leyi sweswi. Wun'we wa yona, mi lo wu joyina; lowun'wana, mi tswaleriwe eka Wona. Wa vona?

Wun'we wa wona, mi xiphemu xa wona hikuva mi tswaleriwe eka Wona. Mi fanele kuva xiphemu xa Wona. Xana ndzi nga ala leswaku ndzi na voko? Ku ngari ku tlurisa kuva ndzi ala Rito rin'wana na rin'wana ra Xikwembu, loko kuruku ndzi xiphemu xa Xikwembu. Ndzi xiphemu xa William Branham; ndzi swiphemuphemu, nakona xiphemu xin'wana na xin'wana i xiphemu xa mina. Nakona Rito rin'wana na rin'wana ra Xikwembu ri fanele ku ringanelia moya wa mina, ri fanele ku ringanelia munhu wa le ndzeni ka mina, ri fanele ku ringanelia ku hanya ka mina, Ri fanele ku ringanelia mianakanyo ya mina. Loko mianakanyo ya mina yi hambana na Sweswo, kutani Moya wa Xikwembu a wu nga tshami endzeni ka mina. Hi swona. U ngaka u nga tsan'wi Rito ra Xona.

<sup>179</sup> Mi wela eka wun'we wa mimiri leyi. Swi fanele kuva tano, swi fanele kuva tano. Hambi ku ngava Miri wa Xikwembu, lowu nga Rito; kumbe miri wa Sathana, hi kereke. Nakona misava hinkwayo yi ta fanela ku wela ekerekeli yo karhi; yi gandzela xikwembu xo karhi. Mi fanele ku gandzela hambi ku ngava xikwembu xa vutivi, u tshembhela eka leswi u swi twaka hi vutivi, u tshembhela eka *leswi*, kumbe *sweswo*, kumbe *leswin'wana*; kumbe u tshembhela ehenhla ka Rito ra Xikwembu, hi ripfumelo, u languterile eka Xona kuva xi Ri tiyisisa na ku Ri endla ri va ra ntiyiso.

Kereke ya xiviri ya Xikwembu yi languterile  
ku fika ka siku ra Mileniyamu lera ntsako,  
Loko Hosi ya hina yo kateka yi ta vuya  
kutani yi vutlela Mutekiwa wa Yona loyi a  
rindzeleke ekule;  
Oho, mbilu ya mina yi tatiwa hi ku  
tlhandluka loko ndzi tirha, ku langutela na  
ku khongela,  
Hikuva Hosi ya hina yi le ku vuyeni nakambe  
emisaveni.

Oho, Hosi ya hina yi le ku vuyeni nakambe  
emisaveni,  
Sathana u ta bohiwa gidi ra malembe, a hi nga  
ta ringiwa hi nkarhi wa kona,  
Endzhaku ka sweswo Yesu u ta vuya nakambe  
emisaveni.

<sup>180</sup> Oho, vanhu va United States leri, laha Hungu leri ri yaka kona sweswi, balekani hilaha mi nga kotaka hakona eka vutivi lebyi, nguva ya xisayense leyi hi nga eku hanyeni ka yona. Balekelani eRitweni ra Xikwembu!

N'wina, mina, ku hava na un'we a nga ta—a nga ta, Swi tiva. Ku hava na un'we a nga ta Swi khorwisa. Xikwembu xi endla ku khorwisa ka Xona N'winyi. Ku hava na un'we loyi a nga na mfanelo yo Ri tolokela; mina, a kuna munhu na un'we loyi a nga na mfanelo. Xikwembu xi Titolokela hi Xoxe. Xi endlile xitsembhiso. Xi swi vurile leswaku Xi ta swi endla leswi emasikwini ya makumu.

Nakona emasikwini ya makumu xikwembu xa nguva leyo biha xi ta pfala mahlo ya vanhu, hi vutivi bya xona bya vutlharhi, emurhini lowu pfanganyetiweke wa swo saseka na swo biha, xi tama xa ha wu nyiketa eka vanhu. Kutani hilaha ku taka, nchumu lowu kongomeke, dinominexini leya le ndzhaku eka Tinguva ta Munyama, na le ku sunguleni ka Tinguva ta Munyama, hinkwaswo swi kongomile hi munhu wa le henhla, Sathana, loyi a vuleke leswaku, “Ndzi ta titlakusela ehenhla ka vana va Xikwembu, kutani va ta ndzi yingisa.” “Kutani yena kukotisa Xikwembu uta tshama etempeleni ya Xikwembu, nakona vana va Xikwembu va ta swi pfumela.”

<sup>181</sup> Hikokwalaho ka yini, n'wana wa Xikwembu, u ri, “Hi swona, nsati wa mina, a hi swona; i wansati wa kahle...” Yana emahlweni, ntsena yana emahlweni. Wa vona?

Mi ri, “Hi swona, Xi teri “vana va Xikwembu.”” Ina, nkulukumba.

Wanuna, hambi a ngava mani, u endliwile hi xifaniso xa Xikwembu, ku ta kwetsimisa Xikwembu. Nakona wansati i masalelwa ya wanuna, ku ngari ya Xikwembu. Hi swona. “Loko vana va Xikwembu va vona vanhwenyana va vanhu leswaku va sasekile, va titekerile vavasati eka vona.”

“Tani hilaha a swi ri xiswona emasikwini ya Nowa, swi tava tano na le ku vuyeni ka N'wana wa munhu.”

Langutani sweswi, loko mi lava ku tiva leswaku kereke yi le ka xiyimo xihi, langutisani leswaku wansati u le ka xiyimo muni, wa vona, hikuva hi yena kereke. Langutani leswi a swi endlaka, wa vona, na le ka nguva leyo biha ya vunghwawava.

<sup>182</sup> Langutisani, a kuri hava ra mona, ro biha, ra le hansi, doroba ra vunghwawava emisaveni, kutlula Nazareta, nakona

kwalahaya Xikwembu xi hlawurile ntombhi. “Xana ku ngava na lexinene lexi nga humaka eNazareta?”

Kutani kusuka eka nguva leyo biha, laha xikwembu xa nguva ley i xi pfaleke mahlo ya vanhu, hi tidyondzo na tidinominexini ta vona; kusuka eka yona nguva yaleyo, Xikwembu xi le ku hlawuleni ka vanhu hikwalaho ka Vito ra Xona.

Hambi loko yi honisiwa na ku nyenyiwa  
lahawani, siku rin'wana Hosi yi ta tisa

Vahlawuriwa va yona enyameni, kutani  
sweswo swilulamerile hinkwaswo.

Kutani hi ta yimbelela na ku huwelela, na ku  
cina-cina,

Xinyimpfana xi ta omisa mihloti ya hina;

Hi tava na vhiki ra ntsako ro vuyela ekaya,

Khume ra magidi wa malembe yo sungula. (Hi  
swona sweswo.)

Vanhu lava hlamarisaka hikwalaho ka Vito ra  
Yona nakona va vitaniwa Mutekiwa wa Yena.  
(A hi swona sweswo?)

Hambi loko yi honisiwa na ku nyenyiwa, siku  
rin'wana Hosi yi ta tisa

Lava hlawuriweke enyangweni, (eka eksoda)  
kutani sweswo swi lulamerile hinkwaswo eka  
mina.

<sup>183</sup> Ndzi le ku yeni ka kuva mukhalabya. Nakona masiku ya mina ya sungula ku hela; kutani ku vona ka mina ku sungula ku zwihiha; nakona langavi lerintsongo ra vutomi bya mina ri sungula ku pfurhela ehansi. A ndzi chavi munyama. Hikuva ndzi lava ku vula leswi, na Paul, “Ndzi N'wi tiva hi matimba ya ku pfuka ka Yena.” Swi ngari na mhaka leswaku va ndzi lahla kwihi, loko ndzi nga nwela elwandle, kumbe ku tshwa ekheleni, kumbe ku dyiwa hi nghala, U ta vitana vito ra mina, kutani ndzi ta vulavula. Amen!

A hi khongeleni.

<sup>184</sup> Loko kungava lahawani, kumbe le handle etiqinghweni ta Hungu leri ku tsemakanya tiko, etikerekeni ta n'wina letintsongo na mintlawa na tiholo, na hinkwako laha mi tshameke kona, loko ku ngava na un'we, oho, ndzi pfumeleli ndzi ku khongotela; ndzi pfumeleli ndzi ku kombela, tani hi ministara wa Evhangeli; ndzi pfumeleli ndzi ku kombela, hi Vito ra Yesu Kreste; balekela vukarhi bya nguva leyo biha! U nga tirheli xikwembu xa nguva leyo biha.

Oho, ndza swi tiva leswaku mi ri, “Swi kahle. Va kahle.” Kunene, murhi lowu pfanganyetiweke. U ngaka u nga pfanganyeti vutivi na Rito ra Xikwembu.

I Rito leri faneleke ku pfumeriwa hi ripfumelo, ku ngari vutivi. A mi Ri twisisi; ma Ri amukela. Mi ri Ři lulamile, kutani mi hanya ha Rona. Hi sweswo ntsena leswi Xi mi kombelaka ku swi endla.

Loko kuri na un'wana kwala ntlaweni wa hina, hi ngaka hi nga endli ku vitana ka le altaren i ku mi tisa haleno, hikuva ku hava ndhawu; kumbe le handle emoyeni, eka tiqingho, loko kuri na un'wana kwala handle loyi a nga Xi tiviki. U nga . . .

<sup>185</sup> Oho, vavasati, ndzi mi holoverile emixweni lowu, a hi mina, ndzi lo tshaha Rito ntsena. Misisi yo koma, ku ambala swiambalo leswa khale, mi tiambexa mi languteka tani hi swa vugangu, xana a mi swi lemuki leswaku moyo lowu . . . U ngava u basile, sesi, loyi a rhandzekaka, loko swi ta emirini wa wena, kambe eka munhu wa le ndzeni ka wena xana a wu swi voni leswi ku khomeke?

Xana Xikwembu xi nga endla nhwana wa Xona a languteka tani hi swa vugangu kuva a kanganyisa n'wana wa Xona n'winyi, kuva a n'wi navela, ku endlela leswaku ha vumbirhi va tihlamulela eka vuoswi? Xana Xi nga swi endla, sesi? Tivutisi xivutiso xexo? Ee, ku ngari hi khume ra timiliyoni ta timayili. U nga swi veki eka Xikwembu sweswi.

<sup>186</sup> Boti, xana xikwembu xa nguva xi ku nyikile moyo wa misava leyi kukondza u nga ha swi voni leswaku sweswo swi hoxekile? Xana xi ku pfarile mahlo, eka matikhomelo lamanene ya kereke, dinominexini, mukhuva, na swin'wana, leswaku u nga swi voni leswaku Xikwembu xi le ku tiyisiseni ka Rito ra Xona na ku Ri endla tano? Xana ntirho wa wena, murhangeri wa wena, nsati wa wena, vana va wena, kereke ya wena, kumbe xin'wana na xin'wana, swi ku hambanyisile na Rito ra Xikwembu, leri nga xihlovo xi ri xoxe xa Vutomi? Swi balekeli, boti wa mina! Ndza ku rhandza, hi rirhandzu ra vukwembu. A ndzi hloniphi na un'we wa vamakwerhu wa mina ku hundza wena, na swintsongo. Loko a ndzi swi endla, a ndzi ta kombisa nhlonipho wa yumunhu. A ndzi vuli swilo leswi leswaku mi ta hlundzuka. Ndzi kombisa, ndzi vula swilo leswi hikuva swi le Ritweni ra Xikwembu. Nakona tani hi nandza wa Xikwembu, na rirhandzu ra Xikwembu embilwini ya mina, ndzi mi byela swilo leswi leswaku mi ta vona na ku twisia. Kumbexani a mi nga ta swi tiva loko a ndzi nga mi byelanga. Xana mi ta swi balekela namunthla xana?

Sweswi, na hinkwako ku tsemakanya tiko, a hi korhamiseni tinhloko ta hina.

<sup>187</sup> Xikwembu lexi rhandzekaka, leswi tlhandlekiweke emahlwesi ka mina i swidukwana. Vanhu va vabya; ndzi le ku tlhandlekeni ka mavoko ya mina ehenhla ka swona, leswaku U ta va horisa.

<sup>188</sup> Nakona ndza tshembha, Hosi, evusikwini bya namunlhla, leswaku ku tava na xikhongelo xa kahle, leswaku Matimba ya Xikwembu ya tava kona, masingita na swihlamariso leswikulu. Tani hilaha hi tweke mbuyelo kusuka eka tinhlengeletano tingari tingani leto hetelela, hilaha swi hlamarisaka hakona, ku vona leswi humeleleke! Ndza khongela, Xikwembu lexi rhandzekaka, leswaku U ta hi nyika nkavelo ha kambirhi vusiku bya namunlhla. Ndzi swi khongela hi mbilu leyi tshembhekeke, Hosi, hikuva irirhandzu ra mina eka Wena na Rito ra Wena, nale ka vanhu lava. Hi nyike swona, Xikwembu lexi rhandzekaka.

<sup>189</sup> Kutani loko kuri ku le handle ku tsemakanya tiko, kumbe hambi kuri lahwani sweswi, ku ngava na van'wana lava vabyaka na ku vaviseka, nakona va fanele ku teriwa vusiku bya namunlhla, a va nga ta swi kota kuva lahwani, kumbe kuva le handle etikerekeni kumbe etindhawini leti va hlanganaka kona; ndza khongela leswaku U va horisa. Sweswi, Hosi, kambe eku horiseni lokukulu! Loko U horisa mimiri ya vona ya nyama eka mfukuzani, TB, nyumoniya, na swin'wana, va ta tlhela va vabya, a kuna ku kanakana, loko vo hanya nkarhi wo leha, hikuva mimiri ya vona ya hari ehansi ka xidyooho, ndzhukano. Kambe va pfumeleli va kuma ku—ku horisa ka Matimba ka xiviri, ku horisiwa ka munhu wa le ndzeni, loku endlaka xivumbiwa xintshwa, lexi hundzaka eka rifu kuya eVuton'wini, kutani xi rindzela endzeni ka tabernakele leya khale kuva ku kutsuriwa miri endzhaku ka loko munhu wa le ndzeni a tava a kutsuriwile. Hi nyike swona, Hosi.

<sup>190</sup> Ingaku va nga balekela tidinominexini na mikhuva. Xikwembu, le handle emikhuveni na tidinominexini ndzi hlanganile na vaboti van'wana va kahle. Kutani, Xikwembu, xana ndzi nga swi vurisa kuyini leswaku va ta swi vona, na ku va pfumelela ku vona Rito? Swa ndzi vava. Kambe ndza swi tiva, nakambe, leswaku U teri, "A kuna munhu loyi a nga ta ta," swi ngari na mhaka hilaha a nga kahle hakona, hilaha a titsongahataka ha kona, hilaha a oloveke hakona, "ehandle kova Tata wa Mina a n'wi vitanile. Kutani hinkwavo lava Tata wa Mina a Ndzi nyikeke vona, va ta ta." Kutani, Hosi, ndzi twa kuri vutihlamuleri bya mina byiri byoxe bya ku vula Ntiyiso.

Nakona ku ngari tani hilaha Paul a vuleke hakona, "Ku khoma Rito ra Xikwembu hi vukanganyisi," hi dyondzo ya dinominexini leyi pfanganyetiweke eka Rona, tani hi murhi lowu pfanganyetiweke swo saseka na vutivi, swo saseka na swo biha; kambe hi mbilu leyi pfulekeke na Moya lowo Kwetsima. Hi nyike swona, Xikwembu. Ponisa un'wana na un'wana.

<sup>191</sup> Sweswi loko ha ha korhamisile tinhloko ta hina na ku pfala matihlo ya hina. Nakona ku ngari eka mina . . . Ndzi ngaka ndzi nga swi vuli hi ndlela leyi, "A swi ndzi endlleli ku hambana hambi ma swi endla kumbe ee." Swa endla ku hambana eka mina. Ndza mi rhandza. Nakona ndza tshembha a mi ehleketi leswaku

hikuva ndzi fanele ku vulavula hi ku kariha . . . Tani hilaha Paul a nge teri, "A ndzi ta tsakela kuva na n'wina, kutani a ndzi ta cinca mavonelo ya mina." A ku ngari hikuva a nga va tsakeli; a va rhandza. Ku ngari . . . Tani hilaha Yesu a fanele kuva tshinya, kutani a va fela. Wa vona, "Tatana, va rivaleli; a va xi tivi lexi va xi endlaka." Ku ehleketa, leswaku munhu loyi a lavaka kuva loyi a lulameke, na ku ringeta kuva loyi a lulameke, na ku vona javulosi yaloye . . . Yaloye hi loyi ndzi lwisanaka na yena, loyi a pfaleke mahlo ya vanhu lava.

<sup>192</sup> Rixaka leri a ri fanele kuva eku pfurheni hi ku kwetsima ka Xikwembu, ku vona leswi humeleleke eka rona esikwini lera makumu, lera makumu. Hikokwalaho ka yini mimpfuxelelo leyi yi nga banga matiko ya khale xana? Leyi i West Coast lahawani, vupela-dyambu bya le kule hilaha u nga fambaka hakona. Sweswi ndzelekano wa xidyoho wu dumadumile ehansi ka misava, kutani yi le ku mbombomeleni; tindhawu, nakona Los Angeles na Hollywood, ti le ku mbombomeleni hi tiinci to tala swinene hi awara, ku hava ndlela yo swi yimisa. Ina, hi kona lahawani. Nkarhi wun'wana na wun'wana hi ta twa ku vitaniwa. Loko mi swi tiva leswaku . . .

Sweswi, ku ngavi na loyi a langutaka. Kambe loko u swi tiva, kusuka embilwini ya wena . . . Ndza ku kombela. Ndzi ngaka ndzi nga tivi mbilu ya wena, handle ka loko Xikwembu xi yi paluxa. Kambe kusuka embilwini ya wena, loko u swi vona leswaku a wu kona laha a wu fanele kuva kona na Xikwembu na Rito ra Xona, hi ripfumelo, xana u nga yimisela voko ra wena eka Xona, u ku eka Xona, "Hosi, Wena ndzi pfuni." O Xikwembu! Ehandle ka kereke leyi, ku tele, ku tele ku rhendzeleka hi makhumbi, endzeni na le handle, madzana-dzana ya mavoko, kumbexani madzana mambirhi ya mavoko lawa ya yimisiweke. Ndza mi khensa hikwalaho ka ku tshembheka ka n'wina.

<sup>193</sup> Yesu loyi a rhandzekaka, u nga n'wi pfumeleli un'we wa vona a lahleka. Tani hi nandza wa Wena, loyi a yimeke exikarhi ka lava hanyaka na lava feke, ku va kombetela, hi rintiho, kuya eRitweni ra Xikwembu. Ndzi ngaka ndzi nga va ponisi, Hosi, kambe va lava ku ponisiwa. Kutani, Tatana, tani hilaha ndzi swi vuleke eminkarhini yo tala, dyambu ri xa na mixo; nakona loko ri tlakuka ku tsemakanya misava, ri rhumeriwile hi Xikwembu ku ta vupfisa tindoho, ku endla swakudya swa ntumbuluko eku hanyeni ka ntumbuluko. Kambe, O Xikwembu, U teri, "Eka vona lava va chavaka Vito ra Xona Dyambu ra ku luluma ri ta huma ri ri na ku hanyisa etimpapeni ta Rona." Pfumelela Dyambu ra ku luluma, ku nga Rito ra Xikwembu, ri huma etimbilwini ta vanhu, kutani minseve ya ku hanyisa ya ripfumelo eka Rito rero ri tshungula vutiarisi hinkwabyo eka Rito, na kuva tisa eku hetisekeni ka majaha na tintombhi ta Xikwembu.

I va Wena, Hosi. Hi Vito ra Yesu Kreste, ha vumbirhi laha na le handle etiqinghwени, ndza va tisa lava yimiseke mavoko

ya vona eka Wena hikwalaho ka ku ponisiwa ka mimoya ya vona. Amen.

Kwalaha moya wa mina lowu tlhandlukisiweke  
wu ta kuma (Kwihi? E altarini leyi.)

Ku wisa entsungeni... (hi ripfumelo ndzi  
langutisa le ndzi yaka kona)

Ekusuhanani na xihambano, (hilaha Rito ri  
nembelelaka)... xihambano,

Va na ku kwetsima ka mina hilaha ku nga  
heriki;

Ku kondza moya wa mina lowu  
tlhandlukisiweke wu ta kuma

Ku wisa entsungeni wa nambu.

Yesu, ndzi hlayisi... (Sweswo i ku, vambiwa  
na Yena, u nga lavi nchumu swa le misaveni.  
“Ndzi hlayisi eku vambiweni.”)

Ku na xihlovo xo hlawuleka,

I xa mahala eka hinkwavo, xinambyani lexi  
horisaka,

Xi khuluka kusuka exihlobyen i xa  
Xihambano.

Exihambanweni, exihambanweni,

Va na ku kwetsima ka mina (a hi yimiseni  
mavoko ya hina) hilaha ku nga heriki;

Ku kondza moya wa mina lowu  
tlhandlukisiweke wu ta kuma

Ku wisa entsungeni wa nambu.

<sup>194</sup> [Makwerhu Branham sweswi a vulavula na vachayi—  
Muhleri.] “Ndzi twa Muponisi wa mina a ndzi vitana.”

Fikelela kutani u khoma voko ra munhu un’wana, u ku,  
“Xikwembu a xi ku katekisi, Mukreste.”

[Makwerhu Branham a vulavula na vachayi nakambe—  
Muhleri.] “Ndzi twa Muponisi wa mina a ri eku ndzi vitaneni.”

Ma byi twa Vukona bya Yena? [Nhlenegetano yi ku,  
“Amen.”—Muhleri.]

Ehandle emagandlatini ya tiqingho, hinkwenu mi qhavulana  
hi mavoko le handle, nakona mi ku, “Xikwembu a xi ku katekisi,  
Mukreste.”

<sup>195</sup> Ma swi tiva, ku na xidziva xa mati endzhaku lahwani. U  
le ku tekeni ka vanhu lava ambeleke Vito ra Yena. A wu se  
khuvuriwa hi Vito ra Yesu Kreste eku rivaleriweni ka swidyoho  
swa wena, hi lexiya xidziva, hi letiya tinguvu, hi luya wanuna  
loyi a yimeke ku lungheka. U amukelekile, loko u amukela Yesu  
hi ntiyiso tani hi Muponisi wa wena na ku pfumela leswaku  
walowo i Ntiyiso.

<sup>196</sup> Tsundzukani, a ku kalanga kuva na munhu eBibeleni, kumbe nkarhi wun'wana na wun'wana loko ku nga se kondleteriwa kereke ya Khatholiki, loyi a nga tshama a khuvuriwa hi ndlela yo karhi ehandle ka Vito ra Yesu Kreste. A ku na ndhawu ley i kumekaka eMatsalweni, kumbe matimu, laha vanhu va nga tshama va khuvuriwa, eKerekene ya Xikwembu lexi hanyaka, hi vito ra swiyimela vito swa "Tatana, N'wana, Moya lowo Kwetsima." I dyondzo ya Khatholiki, nakona ku ngari dyondzo ya Bibele.

<sup>197</sup> Eku konanisiweni hi muprista, ndzi n'wi vutisile sweswo. A ku, "Walowo i ntiiyiso. Kambe hi kereke; hi nga cinca swin'wana na swin'wana leswi hi swi lavaka. Xichavo xi le kerekene. Xikwembu xi le kerekene ya Xona."

<sup>198</sup> Ndzi ku, "Xikwembu xi le Ritweni ra Xona. Kutani loko kereke yi . . ." Ndzi ku, "Xikwembu i Rito. Kutani loko kereke yi hambana na Rito, kutani a ndzi pfumeli eka kereke."

Ndzi pfumelela rito ra munhu un'wana na un'wana ri va vunwa, hambi ku ngava muprista, phophu, hambi a ngava a ri mani, kutani Rito ra Xikwembu ri va ntiiyiso.

Nakona Paul u endlile munhu un'wana na un'wana, swi ngari na mhaka leswaku u khuvurisiwe kuyini, loko kuruku a nga khuvuriwanga hi Vito ra Yesu Kreste, kuva a ta kutani a khuvuriwa nakambe.

<sup>199</sup> Kutani endzhaku kaloko van'wana va amukerile Moya lowo Kwetsima, Petro u teri, "Xana hi nga ala na mati, hi ri karhi hi swi vona leswaku lava va amukerile Moya lowo Kwetsima," Mintirho 10:49, "hi ri karhi hi swi vona leswaku va amukerile Moya lowo Kwetsima kukotisa hina e . . ." Kutani u va lerisile, "Loko mi nga se famba, hambi leswi mi amukeleke Moya lowo Kwetsima, tanani mi ta khuvuriwa hi Vito ra Yesu Kreste."

Hikuva, Petro a nyikiwile xikhya xa ku Fuma, a vula leswaku, "Hinkwaswo leswi mi nga ta swi boha emisaveni, Ndzi ta swi boha na le Tilweni." Nakona xana xikhya xi endla yini? Xi khiyinula nchumu wo karhi, xihundla.

<sup>200</sup> Kutani loko Yesu a teri, "Fambani, mi ya va khuvula hi Vito ra Tatana, N'wana, Moya lowo Kwetsima," u vekile sweswo lahaya ku pfala mahlo ya lava nga pfumeriki.

Vonani! Hikokwalaho ka yini Petro a nga endlanga sweswo, rito hi rito? A fanele ku endla tano.

Loko munhu a khuvuriwile hi swiyimela vito, "Tatana, N'wana, Moya lowo Kwetsima," a nga se khuvuriwa na swintsongo; a nga na Vito. Tatana a hi vito, N'wana a hi vito, na Moya lowo Kwetsima a hi vito. Moya lowo Kwetsima hi leswi Wu nga xiswona; tani hi, ndzi munhu. Hi wona Moya lowo Kwetsima.

*Tatana* i xiyimela vito; ndzi tatana. *Nwana* i xiyimela vito; ndzi n'wana. *Munhu* i xiyimela vito; sweswo hi leswi ndzi nga xiswona. Kambe vito ra mina i William Branham.

Nakona Vito ra Tatana, N'wana, Moya lowo Kwetsima i Vito ra "Yesu Kreste." Yesu u teri, "Ndzi tile hi Vito ra Tata wa Mina." Xana Vito ra Tatana i mani? N'wana un'wana na un'wana u ta hi vito ra tata wa yena. Nakona Vito ra Tatana i Yesu Kreste. Wa vona? Ma swivona leswi ndzi swi vulaka?

<sup>201</sup> Loko a ndzi ku rhumile ku ya le hansi u ya ndzi kumela nchumu wun'wana kusuka etafuleni ro xavisela kona ehansi lahawani, hi vito ra meyara wa doroba. I vangani lava tivaka leswaku meyara wa doroba i mani? Munghana wa mina wa kahle, Rich Vissing. Hi swona, u ngaka u nga yi le hansi kutani u ku "hi vito ra meyara wa doroba." U ta ku, "Hi vito ra Richard Vissing." N'wina vanhu va lahawani eJeffersonville ma n'wi tiva leswaku hi yena mani.

Kutani hi xona xivangelo xova A teri, "Tatana, N'wana, na Moya lowo Kwetsima." Eka Yena ku tshamile Vukwembu, ku hetiseka ka Vukwembu emirini. U teri, "Mi va khuvula hi Vito ra Tatana, N'wana, Moya lowo Kwetsima."

<sup>202</sup> Petro loko a yimile lahaya na nhlavutelo lowu A akeke Kereke ehenhla ka wona, wa Loyi a ri Yena, u teri, "Hundzukani, un'wana na un'wana wa n'wina, kutani mi khuvuriwa hi Vito ra Yesu Kreste." Nakona a ku kalanga... Swikhiya swi hundzulukile eTilweni na le misaveni. "A ku na Vito rin'wana ehansi ka Matilo leri nyikiweke exikarhi ka vanhu leri mi faneleke ku ponisiwa ha rona."

<sup>203</sup> Hikokwalaho ka yini mi khuvula hi Vito ra Yesu Kreste? Eku rivaleriweni ka swidyoho. "Lava mi nga ta va rivalela swidyoho, va ta rivaleriwa swona." Wa vona? Kambe loko mi nga ehleketi leswaku u ringanerile na ku lulamela ku khuvuriwa, mi nga swi endli. Hikuva, loko mi endla tano, sweswo swa endleka, wa vona. Ma swi kuma leswi ndzi swi vulaka xana?

Ndzi twa Mupo-... (Rito) a ri eku vitaneni, (u  
vitana le hansi esirheni)

Ndzi... ("Hikokwalaho ka yini u nga fi na  
Mina, leswaku u ta pfuka na Mina?")... -nisi  
a ri eku vitaneni,

Ndzi twa Muponisi wa mina a ri eku vitaneni,  
(xana misava yi ta ku yini?)

"Teka xa wena xihambano, kutani u landzela,  
u landzela..."

Sweswi, loko u nga se va:

Laha A (Hi yena Rito) ndzi yisaka kona  
ndzi... (hi lexiya xidziva)

Laha A ndzi yisaka kona ndzi ta landzela,  
Laha A ndzi yisaka kona ndzi ta landzela,  
Ndzi ta famba na Yena, na Yena ndlela  
hinkwayo.

A hi korhamiseni tinhloko ta hina.

<sup>204</sup> Xikwembu lexi rhandzekaka, xidziva xi lunghekile. Vulavula na timbilu ta hina sweswi, Hosi. Leswaku va nga ha twa Kreste, a nga Rito, a ri eku va vitaneni, kutani va famba na Yena ndlela hinkwayo.

“Ndzi ta famba na Yena entangeni. Ndzi ta famba na Yena exidziveni. Ndzi ta teka Vito ra Yena. Ndzi lava kuva un’we wa vanhu lava A nga eku va vitaneni hikwalaho ka Vito ra Yena. Ndzi ta pfumela Rito ra Yena. Ndzi ta landzela. Ndzi nga tshuki ndzi gangile misava. Ndzi tava wo tshembheka, Mutekiwa loyi a hlayisiwaka. A ndzi nge siyi yota na yin’we ya Rito ra Yena. Xikombelo xin’wana na xin’wana, ndzi tava wa xiviri, Mutekiwa wa ntiyiso. Hinkwaswo leswi A ndzi kombelaka ku swi endla, ndzi ta swi endla.

“Loko Nuna wa mina loyi a vuyaka a lava leswaku ndzi tshika misisi ya mina yi kula, ndzi ta swi endla. Loko A lava leswaku ndzi susa switolwa-tolwani leswi hinkwaswo, ndzi ta swi endla. Loko A lava... A ndzi byela leswaku i moyo wo biha, hi lowo biha loyi ndzi ganganaka na yena, hi swiambalo leswo languteka tani hi swa vugangu; ndzi ta swi endla, ndzi ta swi hluvula. A ndzi na mhaka na leswaku munhu un’wana u ri yini, ndzi ta swi hluvula.

“U lava leswaku ndzi huma entlaweni lowu ndzi nga na wona, wa lava nga pfumeriki, ndzi ta swi endla; hambi loko ndzi endla xinkwa xa mina, kumbe hambi ku ngava kuri yini. U tshembhisile leswaku A ngaka a nga ndzi tshiki hambi kuri ku ndzi rivala. Ndzi ta—ndzi ta swi endla. Ndzi ta famba na Yena ndlela hinkwayo. U lava leswaku ndzi khuvuriwa hi Vito ra Yena, ndzi ta swi endla.”

Hosi, U swi tshembhisile kwala Ritweni ra Wena, sweswo hi leswi A wu swi lava. Munhu un’wana na un’wana a swi voni, Hosi, kutani hi ku olova, a Ri nkhisamela hi ku titsongahata. Hi Vito ra Yesu ndza khongela. Amen.

<sup>205</sup> Mi wela eka Xikwembu. Xikwembu a xi teki swiriftwana leswo tshoveka na ku swi endla swa xiviri eka n’wina, i xikhongelo xa mina xo tshembheka.

Xidziva xi tava xi lunghekile. Un’wana na un’wana loyi a lavaka ku ta, va na... Ministara u ta swi tivisa endzhaku nyana. Un’wana na un’wana loyi a hundzukeke nakona a lava ku khuvuriwa, hi ku tirhisa Vito ra Yesu Kreste, ntsena tana haleno. Swilo hinkwaswo swi lunghekile. “Hinkwaswo swi lunghekile.”

Swilo hinkwaswo leswi hi nga swi endlaka ku mi pfuna ku hanyela Xikwembu, hi kona ku swi endla. Xikwembu xi mi katekisa.

<sup>206</sup> Sweswi a hi yimeni. Risimu ra hina lerintsongo sweswi, *Ndza N'wi Rhandza*. “Ndza N'wi rhandza hikuva U sungurile a ndzi rhandza.” A hi ri yimbeleleni, hinkwerhu sweswi.

Ndza N'wi rhandza, . . .

A hi yimiseni mavoko ya hina loko hiri karhi hi ri yimbelela.

. . . Ndza N'wi rhandza

Hikuva U sungurile a ndzi rhandza

Na ku xava ku ponisiwa ka mina

Emhandzini ya Xihambano.

Na tinhloko ta hina na timbilu leti korhamisiweke sweswi, a hi ri hameleni Yena. [Makwerhu Branham a sungula ku hama *Ndza N'wi Rhandza*—Muhleri.]

Ndza N'wi rhandza.

[Makwerhu Branham a ya emahlweni a hama *Ndza N'wi Rhandza*—Muhleri.]

O Xikwembu, Tata wa hina, hi tsetseleli hina swivumbiwa swa swisiwana, Hosi. Hi tiyisisi eka ntirho lowu yimeke emahlweni ka hina. Ndzi pfuni, O Xikwembu, ndzi pfuni! Ndzi twa ingaku xin'wana xi pavalarile ehandle lahwani, Tatana. Ndzi pfuni, O Xikwembu, ku tiva Ntiyiso. Katekisa vanhu lava, Xikwembu lexi rhandzekaka. Va rhangeli, ndza khongela, hi Vito ra Yesu.

<sup>207</sup> Sweswi loko ha ha korhamisile tinhloko ta hina, ndzi ta kombela mufundhisi lahwani, Makwerhu Neville, boti wa mina wo hlawuleka, ku ta lahwani sweswi na ku vula leswi a nga ta swi vula, mayelana na loko . . . mayelana na nkhuvulo. Ndzi nga swi tivisa sweswo. Ndzi ehleketa leswaku xidziva xi pfulekile, hambi swi ri tano.



*XIKWEMBU XA NGUVA LEYO BIHA* TSO65-0801M  
(The God Of This Evil Age)

Hungu leri hi Makwerhu William Marrion Branham, ri sungurile ri hangalasiwa hi Xinghezi hi Sonto ni mixo, Mhawuri 1, 1965, eTabernakeleni ya Branham eJeffersonville, Indiana, U.S.A., ri tekiwile kusuka eka nkandziyiso wa thepi ya maginetiki kutani yi tsariwa yi nga khomananga hi Xinghezi. Hundzuluxo lowu wa Xitsonga wu tsariwile wu hangalasiwa hi Voice Of God Recordings.

XITSONGA

©2016 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Xitiviso Xa Mpumelelo Wo Kopa

Timfanelo hinkwato ti hlayisiwile. Buku leyi yi nga ha kandziyisiwa hi printara yale kaya leswaku munhu a ti tirhisela kumbe ku yi phakela, yi nga hakerisiwi, tani hi xitirhi xo hangalasa Evhangeli ya Yesu Kreste. Buku leyi a yi xavisiwi, yi humesiwa hi xikalo lexikulu, yi vekeriwa eka “website,” yi hlayisiwa eka tisisiteme leti ti nga swi kotaka kuva yi tekiwa, yi hundzuluxeriwa eka tindzimi tin’wana, kumbe yi tirhiseriwela eka nkwama lowu wu nga pfumeleriwa handle ka nhlamuselo leyi yi nga tsariwa ya ku pfumeleriwa hi Voice Of God Recordings®.

Vuxokoxoko byo tala kumbe nhundzu yin’wana leyi yi nga kona, mi komberiwa ku ti hlanganisa na:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)